

AD LECTOREM BENEVOLUM DE SUBSEQUENTI LIBRO.

199 Statueram, primo hoc operum B. Alani nostri tomo, non nisi moralia et parænetica proferre; verum, eum nuper ad manus meas devolutum esset sequens opus, *De fide catholica*, Parisiis anno 1612 impressum, sed omnino incorrectum et mutilum, punctis sèpius, loco verborum, aut aliis verbis, et non nunquam integris sententiis substitutis, quibus etiam, pluribus in locis, genuinus auctoris sensus totaliter depravatur, et in contrarium detorquetur, non sine insigni auctoris injury: ut sileam, iunumeros, prope modum, typographicos errores, qui vel soli Lectoribus quibuscumque nauseam movere possent, opere pretium fore judicavi, si et hoc etiam opus recognoscerem, emendarem, ac perfectioni suæ restitutum, una cum aliis ejusdem auctoris operibus, publico rei litterariae bono, luci darem. Hinc ad diversa mox cœnobia litteras misi, quæ illustrioribus manuscriptorum codicum bibliothecis instructa cognovi; in quibus unicum reperi exemplar, vetustate sua satis commendabile, et correctum; in celeberrima nimirum abbatia Parcensi juxta Lovanium, quod, cum ejusdem loci venerabilis abbas perhumaniter mihi transmisisset, sedula ipsius collatione, exemplar impressum correi, operique perfectionem illam restitui, quam hic (Lector Benevole) percipere **200** poteris. Porro, quanquam auctor in Prologo suo, dicit opus hoc distinctum esse quatuor libris, quorum primus sit scriptus, contra hæreticos; secundus contra Waldenses, tertius contra Judæos, quartus contra paganos; nihilominus, quartum nusquam reperire potui, quantumvis studiose quæsitus; tertium vero reperi in codice ms. Parcensi, sed ita succinctum, ut vix libri nomen mereatur, merito dubitate liceat, utrum revera integer sit liber, prout ab auctore scriptus est, an solummodo fragmentum. Interim, quia in dicto exemplari Parcensi, titulo Libri honoratur, sub eodem etiam hic, illum adjunxi. Quoad primum librum, contra hæreticos, scriptus quidem ab auctore est, contra diversos sui temporis hæreticos (prout ex memorato prologo satis colligitur), specialiter tamen contra Albigenenses, quorum secta tunc temporis mire invalorerat, in tantum, ut (teste Cæsario Heisterbacensi, illius temporis scriptore sincerissimo) brevi temporis spatio, plus quam mille civitates infecerit, et nisi gladiis catholicorum fuisse repressa, timendum erat, ne totam Europam pervaderet, cum tamen errores doceret absurdissimos; utpote ex Manichæi, Novati, Tertulliani, Origenis, aliorum veterum hæresiarcharum antiquatis laciniis consarcinata, ut docet etiam citatus Cæsarius, I. v Dial., c. 21, ubi præcipuos omnes ipsorum Albigenium errores recenset (23), qui idem sunt, quos Alanus noster toto suo libro primo refutat. Librum autem secundum, scripsit idem Alanus contra Waldenses (24), quia ex Waldensibus prodierant ipsi Albigenenses, cum quibus in multis adhuc conveniebant. Ceterum, opus est doctrina refertum solda, et auctore suo dignum. Quod tu quoque, Lector, mecum fateberis, ubi illud studiose evolveris. Vale.

F. Carolus de VISCH,
P. Dunensis.

NOTÆ.

(23) Albigenium errores etiam recenset Petrus de Vallibus Sarnay, lib. *De bello contra Albigenes*, c. 2 per totum.

(24) De Waldensibus, vide etiam Cæsarium supra.

ALANI DE INSULIS DE FIDE CATHOLICA

CONTRA HÆRETICOS SUI TEMPORIS, PRÆSERTIM ALBIGENSES,

LIBER QUATUOR.

PROLOGUS.

AD PRINCIPEM MONTISPESSULANI.

201 Amantissimo ¹⁶ domino suo Willelmo, Dei A sior mentis generositas præinsignit, Magister Alanus gratia Montispeßulani principi, quem non solum in omnibus et per omnia suus, opus suum. generosi generis titulus insignit, verum etiam genero- Cum inter universos hujus mundi principes te

VARIE LECTIONES.

¹⁶ Exemplaria mss. Bonæ Spei et Parcense, pro Amantissimo, habent Reverendissimum, Digitized by Google

videam specialiter indutum armis fidei Christianæ, nec naviculam Petri inter tot tumultuantes hujus æculi procellas deserere; hoc *De fide catholica* scripsum, tua discretioni devovo consummatum.

Quamvis fides catholica non solum divinarum rationum, verum etiam humanarum fundamentis innixa præfulgeat, et auctoritatibus theologis vel ut irrefragabilibus maximis invicta consistat⁴⁷, tamen propter novos hæreticos novis, imo veteribus et novissimis hæresibus debacchantes, philosophicis⁴⁸ speculationibus dedito, sed sensuum speculis destinatos; cogor disertis rationibus de fide rationabili reddere rationem⁴⁹, qui in hoc ab antiquis hæreticis differunt, quod illi humanis rationibus fidem nostram expugnare conati sunt; isti vero nulla ratione humana vel divina freti, ad voluntatem et voluptatem suam, monstruosa configunt. Olim vero diversi hæretici diversis temporibus, diversa dogmata et adversa somniasse leguntur, quæ generallis Ecclesiæ publicis edictis damnata noscuntur: nostris vero temporibus, novi hæretici, imo veteres et in veterati, veterantes dogmata, ex diversis hære-

A sibus, unam generalem hæresim **202** compingunt, et quasi ex diversis idolis unum idolum, ex diversis monstris unum monstrum; et quasi ex diversis venenatis herbis unum toxicum commune conficiunt.

Sed quia antiqua sunt dogmata, non novis elaborandum est inventis, sed rationibus obviandum authenticis, quæ impia dogmata a præclaris ingenii viris, et in omni disciplina exercitatis, deletis suis traduntur, ut ab Augustino, Hilario, Hieronymo, et ceteris Patribus orthodoxis. Sed quia eadem hæresum semina pullulant rediviva, eisdem antiquorum Patrum sunt objicienda munimenta, et si nova aliqua emerserit hæresis, insirmanda orationibus firmis⁵⁰. Et quia te, princeps strenuissime, specialem fidei filium et defensorem intueor, tibi hoc opus B devovo, et a te hujus operis examen exspecto. Hoc autem opus quatuor voluminum distinctionibus separatur⁵¹; quorū primum contra hæreticos; secundum, contra Waldenses; tertium, contra Juðæos; quartum, contra paganos editum esse cognoscitur.

LIBER PRIMUS.

203 CAPUT PRIMUM.

De collatione gentilium et Christianorum, in materiali et spirituali strenuitate.

Sicut in antiquorum tractatibus legitur, quod proci et proceres gentium, humanam venantes gloriam, generose diversa monstrorum genera deleverunt; ut Hercules Antheum, Theseus Minotaurum, Jason Taurum ignivorum, Meleagre inæstimabilem Aprum, Choribus stygiale monstrum, Perseus Marinum portentum⁵²; sic generosi sanctæ Ecclesiæ proceres diversorum hæreticorum et hæresum monstra leguntur armis spiritualibus expugnasse. Et sicut Antheus resumptis a terra viribus, fortior factus est; hydra damno capitum facta locupletior⁵³; sic extirpatis antiquis et antiquatis hæresibus, cædem in novitate repullulant. Sed in hoc magna est differentia; quod Anthei fortitudo deleta, hydra funditus extirpata; sed non sunt inter modernos, qui innovatis hæresibus obvient, repullulantes extirpent. Ego tamen inter filios Jesse minimus de post fetantes assumptus, tentabo Goliam proprio gladio trucidare, et Ægyptium Hebræis insultantom occidere.

CAPUT II.

Quibus auctoritatibus muniti hæretici, dicunt esse duo rerum principia.

Aiunt hæretici temporis nostri quod duo sunt principia rerum, et principium lucis, et principium tenebrarum.

Principium lucis dicunt esse Deum, a quo sunt spiritualia, videlicet animæ et angeli; principium tenebrarum, Luciferum, a quo sunt temporalia. Hoc autem nituntur probare auctoritatibus et rationibus; auctoritatibus sic: *Arbor bona non potest facere fructum malum, nec arbor mala fructum bonum* (*Matth. vii.*). Ergo cum Deus summe bonus sit, mala ab ipso non sunt; sed cum mala sint, et ab ipso Deo non sint; ergo ab alio sunt quam ab ipso Deo. Ergo cum Deus sit principium bonorum, aliud est principium malorum. Item in principio Genesios legitur quod *tenebrae erant super faciem abyssi* (*Gen. 1*), et sic mundus habuit initium a tenebris. Mundi itaque creator fuit principium tenebrarum, et sic malus fuit auctor mundi, qui⁵⁴ sui creationis initium cœpit a tenebris. Item: Christus ait in

VARIÆ LECTIONES.

⁴⁷ Exemplar impressum præcedentia sic legit: Auctoritatibus theologis valde irrefragabilibus maximo menita præmincat. ⁴⁸ Impress. habet, propheticis. ⁴⁹ Impress. omittit verbum fide. ⁵⁰ Ms. Exemplar habet infringenda. ⁵¹ Impress. sic habet: Hoc opus duorum voluminum distinctionibus separatur. Quia nimur in codice Papirii Massoni, unde exemplar impressum desumptum est, non nisi duo priores libri continebantur, cum tamen revera auctor scriperit 4, ut passim testantur alia ms. ⁵² Impress. habet, maximum portentum, sed male. ⁵³ In ms. sic: Ex sui resecatione secundior. ⁵⁴ In codice impresso, præcedentia omnino confuse leguntur ita; mundus habuit initium a tenebris mundi, Creator itaque fuit principium terræ, et sic malus fuit auctor mundi, quia, etc. Sed correctius ut iam ex ms. reposuitus.

Evangelio : Venit princeps mundi hujus, et in me non habet quidquam (Joan. xiv). Ibi Luciferum vocat principem mundi potius quam se, et ita potius erat auctor mundi quam Christus. Et alibi dicitur : *Nemo potest duobus dominis servire (Matth. vi),* scilicet Deo et mammonæ. Ibi Christus vocat se et mammonam, id est diabolum, dominos; sed Christus non dicitur Dominus, nisi ratione creationis; ergo et diabolus **204** dicitur dominus a simili ratione creationis. Item ait : *Vos ex patre diabolo estis (Joan. viii).* Item Apostolus : *Non ego operor illud, sed qui habitat in me,* id est in carne mea, peccatum (*Rom. vii*). Si peccatum habitat in carne, et a carne est, et caro sine peccato esse non potest, caro mundum est, et ita a Deo non est. Item : *Sentio aliam legem in membris meis, repugnarem legi mentis meæ, et captivantem me in lege peccati, quæ est in membris meis (ibid.).*

Si lex carnis lex peccati est et mortis videtur caro mala esse, et ideo a Deo non esse. Item idem ait : *Caro pugnat adversus spiritum, spiritus autem adversus carnem (Gal. v).* Si caro semper rationi contradicit, caro mala est, et sic a malo est.

CAPUT III.

Quibus rationibus muniti hæretici dicunt esse duo rerum principia.

His etiam rationibus opinionem suam probant hæretici : Si Deus ista visibilia fecit, aut ea incorruptibilia facere potuit, aut non; si non potuit, impotens fuit; si potuit et noluit, invidus fuit. Item : Si causa immutabilis, effectus immutabilis; sed constat ista corporalia mutabilia esse, ergo causa eorum mutabilis. Item : Cum multa in mundo agantur easu, non videntur agi divina ordinatione. Item : Cum caro hominis in peccato et per peccatum generatur, a bono principio esse non videtur. Item : *Quædam creaturæ sunt, quæ in nullam utilitatem cedunt* ¹⁵ *ut serpentes, musæ, araneæ, sed in multiplicem perniciem : ergo cum ad malum sint parata, et non ad bonum, a malo sunt, et non a bono.*

CAPUT IV.

Solutio catholicorum ad prædictas auctoritates hæreticorum de duobus principiis.

His auctoritatibus respondentes, dicimus, quod illa auctoritas : *Arbor bona, etc. (Matth. vii)* intellegenda est de intentione bona vel mala, ex bona enim intentione non procedit nisi opus bonum, ex mala intentione non nisi malum. Dicimus etiam, quod hoc nomen, malum, aliquando supponat actionem malam, aliquando ipsius actionis deformitatem; ut cum dicitur : *Non est malum in civitate quod Deus non faciat;* id est non est actio mala, quam fieri non sinat, ipsam vero malitiam, id est actionis deformitatem, secundum quod dicitur ma-

B lum, nihil est, nec ipse facit. *Ipsa enim deformatio actionis, quæ actio dicitur mala, nihil est.* Prout ergo hoc nomen supponit actionem malam, malum dicitur esse aliquid, et esse a Deo, non in eo quod est malum, sed in eo quod est. Prout vero supponit malitiam, nec esse aliquid, nec esse a Deo dicetur; potius enim notat privationem esse, quam rei positionem ¹⁶. Dicimus etiam quod hoc nomen, *tenebrae*, potius notat lucis carentiam, quam rei existentiam, et ideo mundus initium non habuit a tenebris. Sed est sensus : *Tenebrae erant super faciem abyssi (Gen. i),* id est non erat lux. Diabolus etiam non dicitur princeps mundi, quia mundum **205** creavit, sed princeps mundi, id est mundanorum hominum, quia in cordibus eorum principiatur, et regnat per appetitum terrenorum. Eadem ratione dicitur dominus mundi. Quod autem mundus dicantur mundi amatores, in Joanne legitur, ubi dicitur : *Et mundus eum non cognovit (Joan. i),* id est mundi amatores. Et alibi in Evangelio : *Regnum meum non est de hoc mundo (Joan. xviii),* id est amatores hujus mundi non sunt regnum meum; id est in eis non regno, diabolus autem dicitur pater hominum, non ratione creationis, sed ratione imitationis, quia per prava opera eum imitantur ¹⁷. Peccatum autem dicitur habitare in carne hominis, id est fomes peccati, seu concupiscentia, quæ in carne habitat non ratione substantiæ, sed ratione circumstantiæ. Ex quo enim Adam peccavit, facta est caro prona ad concupiscentium, id est homo ex infirmitate carnis. Quamvis ergo concupiscentia maneat in carne occasionaliter, non tamen caro est mala, id est vitiosa, sed vitiata, seu infirma, nec ideo minus est a Deo. Sicut homo, quamvis infirmus sit, tamen a Deo existentiam habet.

Simili modo sequens exponitur auctoritas ; quamvis enim lex peccati et mortis, id est concupiscentia in membris et a membris sit occasionaliter, id est ex infirmitate membrorum, tamen ipsa membra quamvis vitiata, id quod sunt, a Deo sunt, sed vitiata, id est infirma, a Deo non sunt.

Quod autem caro dicatur pugnare adversus spiritum, non est intelligendum de ipsa carne sed de carnis carnalitate : caro enim, id est carnalitas, semper contradicit spiritui, id est rationi.

CAPUT V.

Reselluntur rationes hæreticorum, de duobus principiis.

Ad rationes sic respondetur : Quamvis Deus mundum potuerit facere immutabilem actu et non fecit, invidus non fuit; bonitatis enim summæ fuit quod mundum fecit, sapientiae vero, quod mutabilem esse permisit, ut per mutabilem in immuta-

VARIÆ LECTIONES.

¹⁵ Impress. habet : ad nullam utilitatem tendunt. ¹⁶ Præcedentia in codice impresso omnia habentur confusa, hoc modo : prout supponit malitiam, non esse a Deo, nec esso a Deo dicetur, potius cum nolat, etc. At recte hic ex mis. ¹⁷ Impress. legit : Perpetua opera eum imitantur.

bilem mutaremur. Omne enim mutabile insinuat A aliquid esse immutable; omne mobile insinuat aliquid esse quietum⁴⁸. Ideo dico, immutable actu, quia non potuit facere aliquid quod esset immutable natura; quia omnis res creata, ex eo quod creata est, habet principium suæ existentiae: eadem ratione finem habet actu vel natura, omnis enim res duobus clauditur terminis. Præterea non sequitur, quod si causa sit immutabilis, effectus sit immutabilis. Alia est causa efficiens, alia formalis. Efficiens causa est, quæ movet et operatur ad hoc ut res sit; ut artifex est causa efficiens operis sui, illudque movet, et operatur ad hoc ut sit; nec tamen sequitur, quod si aliquid prædicatur de artifice, quod etiam de ejus opere vel contra. Contingit enim opus esse diuturnum, et non artificem. A similis, cum Deus sit summus artifex omnium rerum, et efficiens causa, ipse immutabilis est, non tamen res ab eo creatæ immutabiles sunt; imo impossibile est res ab eo creatas non esse mutabiles; quia quidquid habet principium, naturaliter habet finem.

Omne quod est genitum, tendit ad interitum.

De formalis autem causa, verum est, ut si ipsa sit immutabilis, effectus sit 206 etiam immutabilis, et contra, ut si albedo sit mutabile, album etiam sit mutabile. Sic quia humanitas quæ est natura substantialis hominis, et causa formalis, immutabilis est, mutabilis est et effectus ejus, id est facere hominem. Cum ergo Deus non sit causa formalis, sed efficiens, quamvis ipse sit immutabilis, non ideo res immutabiles⁴⁹.

Et quamvis multa in hoc saeculo casu agi videantur, tamen contra Dei ordinationem non sunt⁵⁰, qui novit quomodo et qualiter singula sunt. « Nulla » namque « res est, » ut dicit philosophus, « cuius ortum legitima causa et ratio non præcedat. » Unde Christus in Evangelio ait, quod nec unus passer cadit in terram sine Deo (Matth. x).

Sequenti rationi hæc datur responsio: Multa sunt quæ in peccato sunt, et mediante peccato, et tamen peccata non sunt, et a Deo sunt; ut scientia quam iste acquirit mala intentione, scilicet intuitu favoris humani, vel terreni emolumenti, mediante peccato, habetur ab isto, et tamen est a Deo. Similiter, potestas quam iste acquirit Simoniacæ, in peccato et per peccatum acquiritur, et tamen a Deo est. Similiter pecunia quæ per usum acquiritur, in peccato et per peccatum habetur.

A simili quamvis caro humana occasionaliter originem habeat ex peccato, id quod est a Deo est.

B Præterea, nulla creatura est quæ ad aliquam utilitatem creata non sit; quædam namque creata sunt a Deo in usus hominum, quædam in alios usus, ut jumenta. Quædam ad humiliandum, ut animalia venenosa, ut homo considerans quod hæc muta animalia usque ad mortem sibi nocere possunt, humilietur sub manu creatoris Dei et quid et a quo sit recognoscatur. Quædam ad intelligendum Creatorem, ut per ea quæ facta sunt invisibilia Dei intellecta conspiciantur; quædam ad puniendum, ut poena gehennæ, et aliæ puniendi cause instrumentales, quædam ad exercitium, ut quædam nociva per quæ homo excitatur ad bonum per patientiam, quædam ad delectandum. Nihil ergo in hoc mundo creatum est, quod ad aliquem bonum usum creatum non sit.

CAPUT VI.

Quibus auctoritatibus probatur, quod Deus bonus creavit mundum.

Post auctoratum determinationem⁵¹ et rationum confirmationem, quibus hæretici suum videntur confirmare errorem, ad auctoritates et rationes quæ eis objiciantur⁵² stylum vertamus. Ait enim de Christo Joannes: *Omnia per ipsum facta sunt* (Joan. i). Ilæc universitas, aut colligit simul visibilia et invisibilia, aut non⁵³; si non omissa, aut visibilia tantum, aut invisibilia, aut quædam visibilia, et quædam invisibilia; quod ipsi non concedunt. Si invisibilia tantum, quare potius invisibilia quam visibilia, cum major sit multitudo visibilium quam invisibilium, quæ potius spectant ad universitatem. Unde sequitur: *Et sine ipso factum est nihil* (*Ibid.*) Id est nulla res facta est sine ipso.

Fortasse dicent hæretici, quod hoc nomine, *nihil*, designatur res corporalis quæ corruptur, et ad nihilum tendit; sed multa corporalia sunt quæ nec corruptuntur, nec ad nihilum tendunt, ut sol, et aliæ stellæ; de terra autem dicitur, quod *in æternum stat*. Si dicant, quod stellæ variantur secundum ortum et occasum, secundum augmentum et 207 detrimentum luminis; eadem ratione animæ variantur, et ad nihilum tendunt; mutantur enim secundum dolorem et gaudium, secundum ignorantiam et scientiam, secundum peccatum et justitiam.

Qua ergo ratione hoc nomine, *nihil*, designatur omne corpore quia variabile, eadem designabitur omnis spiritus, quia variabilis⁵⁴. Item in eodem Evangelio: *In propria venit, et sui eum non receperunt* (*ibid.*). Quæ per propria designantur, nisi ista visibilia et mundana, in quæ venit Christus, per assumptam humanitatem? quæ dicuntur propria

VARIÆ LECTIONES.

⁴⁸ Impresso his mira est confusio, quam non opus hic referre. ⁴⁹ Impressus codex in præcedentibus rursus totaliter est confusus, ultima verba sic legit: non tamen res immutatur. ⁵⁰ In impresso sic: omnia sunt Dei ordinatione, id est sunt quia, etc. ⁵¹ Impress. male legit: auctoritates determinationum. ⁵² Impress. obviant. ⁵³ In impresso, præcedentia rursus omnia confusa. ⁵⁴ In impresso habentur hæc ita: Ergo et omnes species, quia omnis species carnis variabilis.

Christi, non tam ratione possessionis, quam ratio-
ne creationis et auctoritatis. Si dicunt, propria esse
Christi ratione possessionis, ergo possessio diaboli
possessio etiam est Dei; quia si sint creata a dia-
bolo, potius possidentur ab ipso quam a Deo, et tam-
en nulla est conjunctio Christi ad Belial (*I Cor.*
vi). Item in eodem Evangelio. In mundo erat, et
mundus per ipsum factus est (*Joan.* *i*). Item in apostolico Symbolo, legitur: *Creatorem cœli et terræ*.
Item Christus in Evangelio: *Nonne duo passeret asse-
rænunt, et unus ex illis non cadit in terram sine Pa-
tre vestro?* (*Matth.* *x*) Quid est, passerem non ca-
dere super terram sine Patre vestro, nisi passerem
esse sub Dei potestate? Item in Evangelio ait, quod
Deus vestit lilia agri (*Matth.* *vi*); quid est Deum ve-
stire lilia agri, nisi eis dare elegantem naturam,
et ita naturam liliæ a Deo esse? Item Apostolus in
Epistola ad Colossenses (*cap.* *1*), ait de Christo lo-
quens: *In quo universa condita sunt, visibilia et in-
visibilia*. Item in Epistola ad Hebreos (*cap.* *1*): *Mul-
tisarie, multisque modis, olim Deus loquens patribus
in prophetis, novissime diebus istis locutus est nobis
in Filio, quem constituit hæredem universorum, per
quem fecit et sœcula*. Item in eadem Epistola, auctoritate David, probat Deum creasse cœlum et terram,
in hunc modum: *Initio tu, Domine, terram funda-
sti, et opera manuum tuarum sunt cœli* (*Psal.* *cii*). Item in Actibus apostolorum (*cap.* *xvii*), Paulus ait Atheneisibus: *Hunc Deum ignotum cui hanc aram se-
cistis, nuntio vobis: Hic est Deus qui fecit hunc
mundum, et omnia que in eo sunt, in quo vivimus,
movemur et sumus*. In Luca (*cap.* *iii*) etiam ubi te-
xitur Christi genealogia, legitur: *Qui fuit Seth, qui
fuit Adam, qui fuit Dei*. Adam autem dicitur fuisse
filius Dei ratione creationis, et ita fuit a Deo, et
non a diabolo. Item Christus in Evangelio ait ad
Judeos: *Vos inhonorastis me, Pater autem meus
glorificat me*⁶⁸, *de quo dicitis, quia Deus vester est* (*Joan.* *viii*). Si ergo Judei dicebant Deum Patrem
esse Deum suum, diabolum non credebant esse
Deum suum. De iis hæreticis contra quos loqui-
mnr, ait Apostolus ad Timotheum: *Spiritus di-
xit, in extremis temporibus recedent quidam a fide,
intendentes spiritibus erroris, et doctrinis dæmonio-
rum, in hypocrisi loquentium mendacium; prohiben-
tium nubere, et abstinere a cibis quos Deus creavit* (*I Tim.* *iv*). Nonne præsatii hæretici in ultimis tem-
poribus recedunt a fide; a fide, inquam, quam te-
net generalis Ecclesia? Non enim a fide Judeorum
recedunt, quia fidem non habent, nec a fide Sar-
acenorum, quia fide carent; a fide ergo Christiano-
rum recedunt. Ili sunt qui intendunt doctrinis dæ-
moniorum, et singentes se justos esse, in hypocrisi

A loquuntur mendacium. Ipsi prohibent nubere, quia
nuptias damnant; ipsi jubent abstinere a cibis quos
Deus creavit. Item in Matthæo introducitur Domi-
nus loquens in hunc modum: *Qui fecit hominem
ab initio, masculum et feminam fecit eos* (*Matth.* *xix*);
et alibi: *Sic Deus dilexit mundum, ut Filium suum
unigenitum daret* (*Joan.* *iii*). Paulus etiam in Epi-
stola ad Corinth. ait: *Posuit Deus membra, unum-
quodque eorum in corpore sicut voluit* (*I Cor.* *xii*).
Item Petrus: *Deus Abraham, Deus Isaac, Deus Ja-
cob, suscitavit Filium suum Jesum* (*Act.* *xxxvi*).

208 CAPUT VII.

Quibus auctoritatibus probatur quod Deus omnipotens
mundum creavit.

B Auctoritatibus etiam gentilium philosophorum,
errores prædicti confunduntur⁶⁹; dixit enim A-
postolus, quod per ea que facta sunt, *invisibilia
Dei conspicuntur* (*Rom.* *1*), a philosophis; quia per
rerum magnitudinem intellexerunt philosophi Dei
potentiam, per rerum pulchritudinem ejusdem sa-
pientiam, per earumdem ordinem, divinam bonitu-
tem. Unde Plato de Deo loquens ait: *Genitorem uni-
versitatis tam inventire difficile est, quam inventum
digne profari*⁷⁰. Boetius etiam in libro *Consolationis*
ait:

*O, qui perpetua mundum ratione gubernas,
Terrarum cœlique sator.*

CAPUT VIII.

Quibus rationibus probatur, quod Deus omnipotens
fuerit creator tui visibilium quam invisibilium.

C Item variis rationibus asseritur: Si diabolus est
auctor visibilium, queritur an initium habuerit
aut non? Quod initium habuerit, Christus insinuat
dicens, *hic ab initio homicida fuit*⁷¹, ergo initium
habuit (*Joan.* *viii*). Si ab æterno fuerit⁷², duo fue-
runt auctores rerum coæterni; et ita duo coæterni
rerum creatorum; et per consequens, duo dñi, cum
omnis scriptura Veteris et Novi Testamenti clamet,
unum solum Deum esse. Item cum diabolus muta-
bilis sit et variabilis, aliqua est in eo⁷³ compositio,
saltem proprietatis ad subjectum; cum mutatio ni-
hil aliud sit, quam accessus unius proprietatis ad
subjectum alterius, et recessus alterius; omne au-
tem compositum habet, suæ existentiæ principium.

D Item, si duo sint rerum principia, aut unum fuit
imperfectum, aut alterum superfluum.

Item diabolus aut malitia ductus mundum crea-
vit, aut bonitate; sed bonitate non, quia auctor
mali et summe malus, non potest facere aliquid nisi
ex malitia; sed si ex malitia mundum creavit, quo-
modo ita singula ordinavit, ut ipsa sic eleganter
succederent⁷⁴, luna et stellæ deservirent nocti, sol
dñi, cum potius elucescat in istis⁷⁵ summa boni-

VARIÆ LECTIONES.

⁶⁸ Præcedens periodus in impresso omittitur, unde sensus ibidem relinquitur mutilus. ⁶⁹ Impress. habet, confundunt, sed perperam. ⁷⁰ Impress. proferri. ⁷¹ Impresso habetur hominum, sed melius in ms. sic: Illic ab initio homicida fuit, ergo initium habuit. ⁷² Hoc in impresso male omittitur. ⁷³ Impressum male habet; aliquando est in eo, etc. ⁷⁴ Impressum ita: Ut tempora sic eleganter succedant. ⁷⁵ Impressum habet; Justis pro in istis.

tas quam malitia? Item, si diabolus ab æterno fuit, scilicet Lucifer, quæritur, utrum alii dæmones fuerint coæterni vel non? Si dicant quod non fuerit nisi unus solus dæmon⁷³ scilicet Lucifer, coniunctur auctoritate evangelica testante, quod diabolus respondens Christo quærenti, quod esset nomen ejus, dixit: *Legio est nomen mihi* (*Marc.* v), quasi dicat: Non est hic unus solus dæmon, sed plures. Et alibi legitur de Christo dixisse Iudeos: *In Beclsebub, principe dæmoniorum, ejicit dæmonia* (*Luc.* xi). Quæritur ergo, utrum alii dæmones fuerint Luciferi coæterni, si coæterni fuerint, ergo multa fuerunt Deo coæterna. Item, cum boni spiritus et mali sint ejusdem naturæ; sicut boni spiritus habuerunt initium, ita et mali⁷⁴. Item, si alii dæmones fuerint Luciferi coæterni, quæritur, utrum potuerint creare mundum sicut Lucifer, eum essent ejusdem naturæ cum eo. Si vero alii dæmones initium habuerunt, quæritur, a quo? manifestum est enim quod neque **209** se composuerunt, neque casu esse potuerunt⁷⁵. Sed si a Lucifero initium habuerunt, Lucifer non solum auctor fuit corporalium, sed etiam spiritualium. Sed si a Deo, Deus fuit auctor eorum. Item, cum omnes creaturæ sint mutabiles, oportet unam causam esse immutabilem, a qua omnia mutabilia procedant; cum ergo Lucifer mutabilis sit, ab immutabili, scilicet Deo, est. Si a Deo est, aut malus fuit a Deo creatus, aut bonus; sed absit quod malus, quia mala natura a Deo non est; quia nulla creatura in eo quod est, mala est. Et ita Lucifer a Deo creatus est bonus, et si postea fuit malus, per peccatum malus esse incipit. Sed si a Deo creatus est, et post creationem, visibilia ab eo facta sunt; aut existens malus ea creavit, aut existens bonus. Sed si existens bonus ea creavit, creatura creaturam creavit; sed quomodo genitum a genito creari potuit, vel creatum a creato? necessarium etenim est, quod illud quod creat, increatum sit: si enim ab alio crearetur, aut illud esset creatum aut non; si creatum esset, creaturam occurreret infinitas. Oportet ergo Creatorem increatum esse; nec est ratio quare una potius creatura creet aliam, quam alia aliam. Si vero malus existens, ex malitia mundum creavit, sicut dictum est, inordinate potius omnia essent facta, quam ordinate. Liquet ergo omnia esse facta a Deo, et non a Lucifero; quia si duo essent rerum principia, et alterum esset principium bonorum, alterum malorum. Sicut principium bonorum esset summe et summum bonum; ita principium malorum esset summe et summum malum. Sic ut ergo in summo bono nulla malitia est, ita in summo malo, nulla bonitas. Item, si diabolus creavit corpus hominis, Deus vero animam, quæ-

VARIÆ LECTIONES.

⁷³ Impress. male Deus. ⁷⁴ In impresso sic: Sicut Luciferus habet bonum initium, etc. ⁷⁵ In impresso, causa esse potuerunt. ⁷⁶ Titulus codicis impressi habet: Et quod omnes angelii ceciderunt de caelo. ⁷⁷ Impress. descenderunt, sed male.

A ritur, qua auctoritate anima sit conjuncta corpori, et corpus animæ? Si dicunt diabolum et Deum ad hoc convenisse, aliqua fuit conventio Christi ad Belial. Absit etiam ut dicamus Deum animam ad hoc creasse, ut uniret eam male naturæ, quia secundum hoc, posset anima causam peccati sui ad Deum retrorquere.

CAPUT IX.

*Opinio quorundam hæreticorum, qui dicunt quod non sunt in corporibus humanis aliæ animæ, nisi angeli apostolæ, qui de cœlo ceciderunt*⁷⁶.

Quidam autem prædictorum hæreticorum suscipiantur querentes auxilium, negant singulis diebus animas creari, et corporibus infundi; asserentes solos angelos apostolæ qui de cœlo ceciderunt⁷⁷ corporibus humanis infundi Dei permissione, ut ibi valeant pœnitentiam agere. De quibus etiam dicunt, quod unus spiritus potest successive octo corporibus infundi, ut si pœnitentiam non egit in uno, agat in alio. Præterea dicunt, quod nullus alius est spiritus hominis, nisi angelus apostola, et quod in cœlo non sunt spiritus, quia omnes spiritus qui in cœlo erant, cum Lucifer ceciderunt. Hoc conantur illi probare hac auctoritate: *Non sum missus nisi ad oves quæ perierunt domus Israel* (*Matth.* xv). Domum Israel vocant conventionem angelorum, qui in cœlo creati sunt, ad hoc ut videarent Deum, sed per peccatum lapsi sunt. Alia etiam auctoritate dicunt, quod *Nemo ascendit in cœlum, nisi qui de cœlo descendit, Filius hominis qui est in cœlo* (*Joan.* iii).

210 CAPUT X.

Quibus rationibus et auctoritatibus probatur, quod anima est in corpore humano, et non dæmones.

Juxta hanc opinionem, cum Christus ejiciebat spiritum malignum a corpore humano, cum nullus alius spiritus esset in eo corpus remanebat examine. Item, si corpus hominis a diabolo, et spiritus hominis diabolus, homo totus quasi essentialiter malus est, et ita bonum agere non potest, nee mereri vitam æternam.

Item, variæ clamant auctoritates, animam esse in homine non angelum. Ait enim Christus: *No-lite timere eos qui occidunt corpus, animam autem non possunt occidere; sed potius eum timete, qui potest corpus et animam mittere in gehennam* (*Matth.* x). Et alibi ait: *Quid prodest homini si lucretur universum mundum, animæ vero suæ detrimentum patiatur?* (*Matth.* xvi; *Marc.* viii.) Item idem ait: *Qui odit animam suam in hoc mundo, in vitam æternam custodit eam* (*Joan.* xii).

Forsitan objiciet hæreticus, quod in Actibus apostolorum, angelus spiritus hominis dicitur, ubi fideles in uno loco congregati, Petro pulsante, dixerunt: *Angelus ejus est* (*Act.* vii), id est angelus

qui spiritus ejus est; quasi dicant: *Spiritus Petri est et non Petrus.*

Ad quod dicimus, quod ibi vocatur angelus Petri, angelus deputatus Petro ad custodiam; frequenter namque angeli deputati hominibus ad custodiam, in eorum specie apparuisse leguntur, vel animani Petri vocaverunt angelum Petri, putantes Petrum esse occisum, et animam ejus apparere, et aliquid de Petro velle nuntiare, ergo quia nuntiantis gerebat officium, angelum vocaverunt; angelus enim interpretatur *nuntius*.

CAPUT XI.

Qua ratione dicunt hæretici, dæmones in corporibus humanis puniri.

Dicunt etiam predicti hæretici, quia angeli peccaverunt in spirituali natura, voluit eos Deus punire in corporali substantia, et ibi pœnitentiam agere; non enim est eis ablata, ut dicunt, libertas arbitrii, nec potentia pœnitendi; aliter, injuste ageatur cum eis.

Ad hoc dicendum quia ex superbia peccaverunt, et ut dicit auctoritas, ita indurati sunt, ut pœnitere non possint et hoc est ex eorum indurata malitia, non ex Dei injustitia; sicut boni angeli per gratiam confirmati peccare non possunt. Item, si dæmones diversa intrant hominum corpora ut pœnitentiam agant, cur usque ad viii et xvi corpora conceditur illius introitus, et non amplius? Præterea, qui hoc asserunt in errorem Pythagoricum cadunt, qui asseruit animam hominis merito peccati post mortem intrare in corpus alterius hominis vel bruti animalis.

Item, si dæmones volunt salvari, unus vult salutem alterius, aliter bonam voluntatem non habet, nec salvari vellet¹⁰. Sed diabolus non vult salutem proximi sui; quia suggerit malum spiritui hominis, et ita inter se dæmones diversi sunt, et sic desolabuntur: *Omnes enim regnum, ut ait Christus, in se ipsum divisum, desolabitur* (*Luc. xi.*).

211 CAPUT XII.

Quibus auctoritatibus et rationibus probatur, quod dæmones non salvabuntur¹¹.

Quod autem dæmones¹² damnabuntur, videtur Dominus insinuare in Evangelio ubi ait: *Ite, maledicti, in ignem æternum, qui paratus est diabolo et angelis ejus* (*Matth. xxv.*). Item qua ratione aut auctoritate dicunt hæretici dæmones esse spiritus hominum, vel intrare corpora diversa ubi agatur ab eis pœnitentia? Ubi autem nec adest auctoritas, nec ratio, non est probabilis opinio. Item qua ratione dicunt alios dæmones¹³ humanis corporibus infundi, coguntur asserere ipsum Luciferum, ut pœnitent, alicui corpori debere uniri.

Fortasse dicent infundendum corpori Antichristi,

VARIAE LECTIONES.

¹⁰ Codex ms. habet: potest. ¹¹ Codex ms. habet, damnabuntur. ¹² In impresso male habetur, homines. ¹³ In codice impresso pro verbo dæmones, male legitur homines. ¹⁴ In impresso: in eo corpore. ¹⁵ In impresso omittitur verbum maligno, sed debere addi patet ex contextu. ¹⁶ In impresso textus hic omnino confusus est. ¹⁷ Codex impressus hic omittit verbum, nisi. ¹⁸ Invress. habet, a Deo. ¹⁹ Impress.

A juxta illam auctoritatem quæ ait, quod Lucifer corporaliter habitabit in Antichristo. Seq; hoc non ad essentiam, sed ad potestatis plenitudinem refundendum est, ut sit sensus: habitabit in eo corporaliter¹⁴, id est plenarie possidebit eum, ad omnem voluntatem suam explendam. Item si veritas humanæ naturæ in hoc consistit, scilicet in corpore et spiritu maligno¹⁵, Christus verus homo non fuit, quia nec spiritum malignum habuit, nec sibi univit; sed verus homo fuit ex eo quod corpus et animam habuit, ergo vel alii homines veri homines non sunt, vel corpus et animam habent¹⁶.

CAPUT XIII.

Quibus auctoritatibus probatur, quod aliqui spiritus angelici remanserint in cælo.

B Quod autem aliqui spiritus angelici remanserint in cælo, insinuat Joannes in Apocalypsi dicens, quod draco traxit secum tertiam partem stellarum (*Apoc. xii.*). Draconem vocal Luciferum; stellas, angelos in empyreo cælo creatos. Non autem omnes traxit, sed tertiam partem. Fuerunt enim inter angelos quidam superbientes, ut Lucifer et alii quidam majores; alii, pravæ eorum voluntati consentientes; alii non contradicentes, et omnes istos Lucifer traxit ad se ipsum, per pravum consensum.

D Dominus etiam in Evangelio de parvulis loquens, ait quod: *Angeli eorum in cælis, semper rident faciem Patris vestri qui in cælis est* (*Matth. xviii.*). Hoc de malis angelis intelligi non potest, videre enim faciem Patris, est divina visione persfrui, quod malis angelis convenire non potest; de bonis ergo intelligendum est. Sed ubi sunt qui vident faciem Patris nisi¹⁷ in cælo? ergo aliqui spiritus sunt in cælo. Item: *Angelus Domini descendit de cælo, et accedens revolvit lapidem, et sedebat super eum* (*Matth. xxviii.*). Item Apostolus ait: *Si angelus de cælo vobis aliter dixerit, vel prædicaverit, anathema sit* (*Gal. 1.*).

212 CAPUT XIV.

Quibus rationibus probatur quod non omnes angelii ceciderint de cælo.

Eadem ratione sic probatur: Angelii omnes a Deo creati fuerunt in cælo; si ergo omnes per peccatum lapsi essent de cælo¹⁸ injustitiae posset redargui Dominus vel impietatis, si sciens omnes angelos esse lapsuros, eos creasset. Opportunum fuit, ut sicut in versis¹⁹ apparuit Dei justitia, ita appareret in conversis Dei misericordia.

Sed forte objicient adversarii: Si plures angelii remanserunt in cælo, non videtur homo esse factus ad supplendum numerum angelorum.

Ad quod dicimus: Etiamsi angelus non cecidisset, tamen homo creatus fuisset, quia plures sal-

vabuntur homines, quam sint angeli qui occidunt; et ita, non propter supplendam ruinam tantum, sed potius ad cœlestem Hierusalem exornandam, et ex diversorum graduum civibus, quasi ex diversis parietibus, componendam, homo creatus est. Decens enim fuit, ut tam corporea quam incorporea natura divinæ bonitatis particeps fieret, et ea frueretur, et feliciter viveret ⁶⁸. Forsitan dicent, quod quidam angeli boni sunt, sed de cœlo cum aliis lapsi sunt; sed quomodo passi sunt lapsi, qui non sunt lapsi in peccatum?

CAPUT XV.

Opinio haeticorum, qui dicunt quod animæ sanctorum, cum Christo non ascenderent in cœlum, et quod Christus non descendit ad infernum.

Eadem ratione dicunt, quod animæ sanctorum cum Christo ascendeant, in cœlum non ascenderunt, quia manifeste hoc ex Evangelio non habent. Dicunt etiam Christum ad inferos non descendisse, nec animas ab inferno liberasse; quia asserunt animas omnium illorum qui ante adventum Christi decesserunt, aeternaliter damnatas esse. Sed in hac contrari sibi esse voluntur, quia dicunt Joannem Baptistam i.eo damnatum, quia dubitavit de adventu Christi ad infernum. Unde mittens duos discipulos ad Christum ait: *Tu es qui venturus es, an alium expectamus* (*Luc. vii*)? quasi dicere: Descendes tu ad inferos? ut sim præco tui in inferno, sicut fui in mundo? Forsitan dicent, Joannem non super ⁶⁹ hoc dubitasse, sed utrum Christus esset ille mittendus in mundum ad redendum genus humanum.

CAPUT XVI.

Quibus auctoritatibus et rationibus probatur, quod Christus descendit ad inferos, et quod animas sanctorum ab inferis liberavit.

Contra hanc opinionem ait Joannes: *Ecce Agnus Dei, ecce qui tollit peccata mundi* (*Joan. vii*). Et alibi: *Qui post me venit, ante me factus est* (*Joan. i*). Sed ⁷⁰ qui dicunt Joannem damnatum esse, **213** obviant verbis Christi qui de Joanne ait: *Inter natos mulierum non surrexit major Joanne Baptista* (*Luc. viii*). Et alibi: *Quid existis in desertum videre? Arundinem vento agitatum? Sed quid existis videre? Prophetam? imo plus quam prophetam* (*ibid.*). Sed et ipse pro defensione justitiae, capitalem subiit sententiam. Ipse etiam in utero matris exsultavit in adventu Virginis. Ipse etiam in utero sanctificatus, prius propheta quam natus fuit. Merito cuius, et mater prophetavit, et loqua patri restituta fuit. Nec dubitavit de Christo, quia Dei Filius esset, vel utrum ad inferos descensurus esset, cum hoc in prophetis legisset. Sed discipuli ejus dubitaverunt, quos

A ad Christum misit, ut certificarentur de Christi adventu.

Vet Joannes sub forma dubitationis, expressit affectum pietatis et compassionis, cum ait: *Tu es qui venturus es?* (*ibid.*), quasi dicat: Tu qui talis ac tantus es, jam te humiliasti, ut nostram infirmitatem ⁷¹ assumeres, et ad inferos descensurus es. Manifestum est ergo Christum ad inferos descendisse et animas sanctorum ab inferis liberasse. Undo Christus in Evangelio ait: *Cum fortis armatus custodit atrium suum, in pace sunt ea quæ possidet, cum autem fortior supervenerit, et vicerit eum, universa arma illius auferet* ⁷² et distribuet (*Luc. xi*). Item in Symbolo apostolorum legitur: *Descendit ad inferos*. Item Apostolus ad ostendendum Christum B animas ab inferis liberasse, utitur auctoritate David dicentis: *Captivam duxit captivitatem, dedit dona hominibus* (*Ephes. iv*). Et alibi dicit Christum descendisse ad inferiores partes terræ (*ibid.*).

Item alibi dicit, quod ille qui dubitando ait descendit, revocat Christum ab inferis.

Sed si descendit ad inferos, ad quid descendit; nisi ut captivos liberaret? non enim gratia sui meriti descendit, sed ad liberandum eos quos diabolus in inferno injuste detinebat. Item auctoritas dicit, quod multa corpora sanctorum qui dormierant, surrexerunt (*Matth. xxvi*). Nonne et illi cum Christo ascenderunt? quia si postea iterum incinerati sunt, veri testes resurrectionis esse non videntur ⁷³. Item, animæ illæ quæ ab inferis liberatae sunt, si cum Christo ascenderunt, ubi remanerunt? In terrestri paradiiso? non, quia ille locus est corporalium, non spiritualium.

CAPUT XVII.

Qualiter intelligenda sit hæc auctoritas: et Non sum missus nisi ad oves quæ perierunt domus Israel (*Matth. xv*). ⁷⁴

Quod autem dicunt de angelis malis esse intelligendum quod dicitur: *Non sum missus nisi, etc., stare non potest*. In sacra enim Scriptura, per dominum Israel, non solet intelligi nisi Synagoga, per generationem descendens a Jacob, qui dictus est Israel; vel Ecclesia nunc videns Deum per speculum ⁷⁵ in futuro visura per speciem. Item, quomodo ⁷⁶ Christus vocare potest dominum Israel, convenutum malignorum spirituum, cum maligni spiritus longe relegati sunt a visione Dei? Item, si mali angeli salvandi sunt, quomodo homo creatus est ad supplendam ruinam angelorum, si lapsus angelorum in ipsis est reparandus? Item ex ipso sensu verborum potest intelligi, quod Christus per dominum Israel intellexerit Iudeos, non angelos. Mulier enim Chananæa, quæ gentilis erat, clamat post ipsum; ipse autem respondit: *Non sum*

VARIÆ LECTIONES.

⁶⁸ Impressum habet: felix fieret. ⁶⁹ Impressus codex ritiose hæbet, semper. ⁷⁰ In impresso perperam legitur, sunt. ⁷¹ Impress. humilitatem. ⁷² Impress. conferet. ⁷³ Procedentia in codice impresso omnia confusa. ⁷⁴ In impresso legitur, speciem. ⁷⁵ In impresso, quod.

missus nisi ad oves quæ perierunt domus Israel (Matth. xv); quasi dicat: Principaliter missus sum, ut primo predicem Judæis, et eos ad fidem convertam, inter eos miracula faciam, insirmos eorum sanem.

214 CAPUT XVIII.

Qualiter intelligatur hæc auctoritas: « Nemo ascendi in cælum, nisi qui, etc. (Joan. iii.) »

Quod autem Christus de se ait: *Nemo ascendit in cælum, etc.*, sic intelligendum est, quod terminus exclusionis adjunctus nomini totius, non excludit partem; ut si dicam: Solus Socrates vester, non excluditur corpus Socratis. Unde, si dicam: Socrates est rationalis, non excluditur anima ejus. A simili, si dicitur: *Nemo ascendit*, etc., quod de solo Christo dicitur, quod ascendit in cœlum, non excluditur ejus corpus spirituale⁹⁶, id est ejus Ecclesia; est enim sensus: Ego solus qui descendere per assumptam humanitatem, ascendam in cœlum, per humanæ naturæ glorificationem, qui sum in cœlo per divinitatem, et sit suppositio pro persona, non pro natura. In qua suppositione, non excluditur Ecclesia, quæ unum cum Christo est⁹⁷. Item si corpus est opus diaboli, homo bene facere non potest, *quia arbor bona non potest facere fructum malum, nec arbor mala fructum bonum* (Matth. viii). Item, si quodlibet corpus est opus diaboli, Filius Dei corpus non assumpsit, *quia opus diaboli sibi non univit*; et ita verum corpus non habuit, nec verus homo fuit. Quod quidam hæretici concedunt.

CAPUT XIX.

Opinio hæreticorum qui dicunt Christum non assumpsisse verum corpus, nec comedisse aut bibisse.

Dicunt etiam quidam hæretici, Filium Dei presentasse hominibus umbram humanæ naturæ, non veritatem, sicut legitur in Evangelio, discipulis suis apparuisse in alia effigie, et se in monte Thabor transfigurasse (Matth. xvii), representando glorificatam naturam, quam non habebat. Item, si corpus habuit, quomodo clauso utero de Virgine exiit? quomodo siccis pedibus super mare ambulavit? (Matth. xiv.) Diceimus etiam, Filium Dei vere mortuum esse, et dolorem sustinuisse in cruce⁹⁸, cum tamen Hilarius dicat, quod nulla passio, nullus dolor fuit in Christo. Apostolus etiam de Christo ait: *Habitu inventus ut homo* (Phil. ii); non ait: *Habitu inventus est homo*. Quem dixit esse Deum, non ut Deum, eumdem dixit esse ut hominem; non, esse hominem. Ut ibi veritatem divinitatis, hic umbram humanitatis insinuaret⁹⁹. Item, cum Christus legatur corpus suum dedisse discipulis, si

A verum corpus fuit, quomodo eis ad comedendum dedit? Eadem ratione nec vere comedit, nec vere bibit, nec vere crucifixus fuit, nec vere a mortuis resurrexit. Dicunt etiam quidam hæretici, nec vere ipsum natum de Virgine, nec conceptum.

215 CAPUT XX.

Solutio præmissorum, et quod Christus verus homo fuerit.

Ad has objectiones respondentes, dicimus quod Christus non apparuit in alia effigie, sed videbatur discipulis quod appareret in alia effigie¹⁰⁰ forte percussi erant aurisia¹, id est quadam specie exercitatis, qua ab eis non videbatur quod oculis præsentabatur.

B Naturam autem humanam vere glorificatam ostendit discipulis Christus in monte Thabor, non ejus similitudinem. Potuit enim Deus miraculose glorificationem corporis ostendere in corpore suo. A simili miraculose factum est, quod verum corpus Christi de utero Virginis clauso, et quod siccis pedibus super mare ambulavit.

Ipse etiam vere dolores nostros tulit, unde Apostolus ait: *Christus pro nobis passus est, vobis relinquent exemplum, ut sequamini vestigia ejus* (I Petr. ii). Et alibi: *Si tamen compatimur, ut et conglorificemur* (Rom. viii). Nisi ergo vere Christus passus esset, non recte diceremur compati. Et alibi: *Christus factus est pro nobis obediens Patri usque ad mortem, mortem autem crucis* (Phil. ii). Et

C ipse Christus demonstrans suum sanguinem, ait: *Sic est sanguis qui pro multis effundetur* (Matth. xxvi). Quomodo autem in medium afferunt auctoritatem Hilarii, cum auctoritatibus sanctorum Patrum fidem non habeant? Possumus tamen dicere, quod Hilarius hoc retulit non ad poenam, sed ad poenæ causam, id est culpam². Christus enim non habuit in se causam passionis, vel mortis, id est culpam. Tamen Claudianus, in libro *De anima*, de Hilario ait: *Pictavensis Hilarius inter nobilissima disputacionum³ suarum genera in duobus errasse dicitur⁴: in uno, quod dixit animam esse, ex aliquo⁵; et in hoc quod asseruit Christum nullum dolorēm sensisse in patibulo; qui quamvis in vita sustinuerit reprehensionis stylum, in morte tamen pœnitentia ductus, non sensit detrimenta meritorum.*

D Sequenti objectioni hæc datur responsio quod hæc conjunctio, ut, non semper est nota improprietas, vel similitudinis, sed aliquando est expressivum veritatis, ut ibi, *ut putabatur filius Joseph* (Luc. iii). Et hoc adverbium, *quasi*, aliquando est nota proprietatis aliquando similitudinis, aliquando

VARIÆ LECTIONES.

⁹⁶ *In impresso habetur, spiritualiter.* ⁹⁷ *In impresso omittitur tota præcedens periodus.* ⁹⁸ *In impresso pro cruce habetur compositione.* ⁹⁹ *Tota periodus præcedens confusa et sine sensu est in exemplari impresso.* ¹⁰⁰ *Præcedentia non habentur in impresso.* ¹ *Verbum aurilia habetur in impresso.* ² *In impresso, per errorem positum est contrarium hoc modo, ad poenam, non ad poenæ causam.* ³ *In impresso habetur, dispositionum.* ⁴ *In impresso, legitur.* ⁵ *In impresso decet, ex aliquo, relictus est autem locus vacuus.*

expressivum veritatis, ut ubi : *Et vidimus gloriam ejus, gloriam quasi unigeniti a Patre (Joan. i).* Simumiliter, hæc conjunctio, ut, hic expressiva est veritatis, ut sit sensus : *Habitu inventus ut homo (Phil. ii), id est verus homo.* Christus etiam corpus suum mortale dedit discipulis suis, hoc autem miraculosum fuit, quod per angustiam oris, corpus spatio diffusum intravit. Ilac autem ratione asserunt Christum^{**} non biliisse, nec comedisse, quia non decebat Filium Dei ad consueta naturæ secedere, quoniam ipse ait : *Omne quod in os intrat, in secessum emititur (Matth. xv).* Sed nos malumus esse cum Hieronymo agrestes catholici, quam cum Manichæo, curiales hæretici. Fides autem catholica astruit, Christum omnes defectus humanæ naturæ assumpsisse, præter ignorantiam et peccatum; decuit enim illum assumere nostros defectus, qui nos a defectibus erat liberaturus.

216 CAPUT XXI.

Quibus auctoritatibus et rationibus probatur, quod Christus veram carnem assumpsit.

Quod autem[†] veram carnem Filius Dei assumpit, multiplex ostendit auctoritas et ratio. Ait enim Apostolus in Epistola ad Romanos, de Christo : *Qui factus est ex semine David secundum carnem (Rom. i).* Item in Matthæo legitur, de conceptione gloriose Virginis : *Antequam convenienter, inventa est in utero habens de Spiritu sancto (Matth. i).* Et angelus ad Joseph ait : *Quod enim in ea natum est, de Spiritu sancto est (ibid.).* Et in Luca legitur (cap. i), quod angelus ad Mariam ait : *Ecce concipies in utero.* Et Joannes (cap. i) ait : *Verbum caro factum est.* Si ergo in Virgine aliiquid conceptum est, quid conceptum est, nisi corpus humanum?

Rationibus probatur idem in hunc modum : Christus in hoc quod in humana natura apparuit, humanam naturam redemit : ergo, si vere naturam humanam redemit, vere naturam humanam assumpit. Oportuit enim ut sicut per hominem facta est humani generis perditio, ita per hominem fieret ejusdem redemptio. Ergo per hominem facta est hominis liberatio; purus autem homo redimere non potuit; si enim purus homo esset, tibi humanae naturæ infectus esset. Oportuit ergo ut Deus esset et ratione divinitatis purus esset, et peccare non posset.

Sic ergo oportuit ut Deus homo fieret, hoc ut modo hominem redimeret. Si autem Christus corpus non habuit, eadem ratione et anima caruit. Sed ipse in Evangelio ait : *Potestatem habeo ponendi animam meam, et iterum sumendi eam (Joan. x).* Et alibi in Evangelio legitur : *Tristis est anima mea usque ad mortem (Matth. xxvi).* Item : *Si Christus verus homo non fuit, nec vere resurrexit; et si*

VARIAE LECTIOINES.

^{**} In impresso ritiose legitur, Christiani. [†] In impresso ritiose legitur, ideo. [¶] Impress. variat hunc textum Scripturæ, substituens textum S. Marci. ^{*} Praecedentia omnia in impresso omissa sunt, estque hic textus omnino confusus. [¶] Hic iterum in impresso quædam omissa sunt. [¶] Praecedentia in exemplari impresso, omnia sunt confusa. [¶] In impresso iterum resurgent. [¶] In exemplari omnia confusa hoc modo : quod dicit, capillus re-

A vere non resurrexit, nec nos vero resurgemus. See auctoritas dicit, quod Christus fuit primitæ dormientium (I Cor. xv). Et Paulus ait : *Christus resurgens ex mortuis, jam non moritur, mors illi ultro non dominabitur (Rom. vi).*

CAPUT XXII.

Quod Christus vere comederit et biberit.

Quod autem Christus comederit et biberit, multiplex probat auctoritas. In Matthæo legitur : *Venit Joannes neque comedens neque bibens, et dicunt : Daemonium habet : venit Filius hominis comedens et bibens, et dicunt : Ecce homo vorax et potator vini (Matth. xi).* Et alibi : *Vespere autem facto, discubebat Jesus cum discipulis suis, et edentibus illis dixit : Amen dico vobis, quod unus vestrum me traditurus est : et contristati cœperunt singuli dicere : Nunquid ego sum, Domine ? At ille respondens ait : Qui intingit mecum manum in paropside, hic me tradet[¶] (Matth. xxvi).* Et Lucas (cap. xi) : *Extolens vocem quedam mulier de turba dixit illi : Beatus venter qui te portavit, et ubera quæ tuxisti.*

Item alibi : *Factum est autem cum intraret in domum cuiusdam principis Pharisæorum, Sabbato manducare panem, et ipsi observabant eum[¶] (Luc. xiv).* Et alibi : *Cum facta esset hora, discubuit, et duodecim apostoli cum eo[¶], et ait illis : Desiderio desideravi hoc pascha manducare vobiscum antequam patiar (Luc. xxii).*

Et post resurrectionem : *Habetis hic aliquid quod manducetur ? at illi obtulerunt ei partem piscis assi, et farum mellis. Et cum manducasset coram eis suiens reliquias dedit eis (Luc. xxiv).*

217 CAPUT XXIII.

A quo glorificabuntur corpora sanctorum in die iudicii.

Præterea queritur a prædictis hæreticis, si omnis corpus humanum a diabolo est, a quo glorificabuntur corpora sanctorum in die iudicii ? a diabolo non, nec etiam, ut appareat, a Deo, Deus enim malam naturam non glorificabit ; et ita videtur quod sancti non resurgent in corporibus glorificatis[¶]. Si dicant quod in corporibus alterius generis resurgent, quæ a Deo benigno noviter creabuntur, aliis corruptibilibus incineratis ; Christus in Evangelio obviat, dicens : *Capillus de capite vestro non peribit (Luc. xxi)*; quasi dicat : *Etiam capillus resurget[¶].* Et Paulus ait : *Corruptibile hoc induet incorruptionem (I Cor. xv).*

CAPUT XXIV.

Quibus rationibus probatur quod corpora nostra resurgent.

Rationibus idem probatur : *Animæ quæ mortali-*

ter peccaverit, eternaliter punietur; eadem ratione A et illa caro in qua, et per quam ipsa peccaverit: injustum namque esset, ut nova caro crearetur, quæ puniretur, et in qua anima puniretur, et non illa ¹² resurgeret, in qua et secundum quam anima peccavit, ut in illa puniretur. Eadem enim ratione qua nova caro, creabitur et novus spiritus. Apostolus enim probans resurrectionem, hac utilitatem similitudine: *Stulte, non vivificabitur quod seminatur, nisi prius moriatur* (*I Cor. xiii*); a simili, corpus hominis nisi prius moriatur, per resurrectionem non viviscatur. Item, cum corpus et anima sint principales partes hominis, quare, si homo non resurgat in illis principalibus partibus ex quibus constat, videtur quod nullus homo resurget. Quod fortasse quidam concedent, consentientes haeresi Sadduceorum. Contra hanc haeresim multæ clamat auctoritates. Ait enim Christus in Evangelio: *Nolite mirari hoc, quia venit hora in qua omnes qui in monumentis sunt audient vocem Filii Dei, et qui audierint rivent* (*Joan. v*). Item Paulus in Epistola ad Corinthios: *Si autem Christus prædicatur aucto resurrexit a mortuis, quomodo dicunt quidam in robis, quod resurrectio mortuorum non est? Si autem resurrectio mortuorum ¹³ non est, nec Christus resurrexit. Si autem Christus non resurrexit, inanis est prædicatio nostra, inanis est et fides nostra* (*I Cor. vi*). Item Apostolus: *Omnes quidem resurgemus* (*ibid.*). Item: *Et mortui resurgent incorrupti* (*ibid.*). Et si omnes mortui resurgent, ergo et Petrus et alii apostoli in carne resurgent, quia scilicet spiritu non obierunt. Item Christus in Evangelio ait: *De resurrectione autem mortuorum, non legistis quod dictum est a Deo dicente vobis: Ego sum Deus Abraham, Deus Isaac, et Deus Jacob? et non est Deus mortuorum, sed vivorum* (*Matth. xxii*). Item: *Nisi breviati fuissent dies illi, non fieret salva omnis caro; sed propter electos breviabuntur dies illi* (*Matth. xxiv*). Item in Symbolo apostolorum legitur: *Carnis resurrectionem*.

Huius articulo fidei de resurrectione mortuorum, et carnis propriæ resurrectione, alia possumus asserre argumenta. Legitur Christus in Evangelio ¹⁴ corpora suscitasse et illa quæ prius animata fuerant, postea ¹⁵ privata sunt anima. Quia ergo ratione illa suscitata sunt, et nostra corpora a quibus separabuntur animæ, in die judicii **218** suscitantur. Particulares enim suscitations, generalis resurrectionis sunt testes.

Legitur etiam, quod *multa corpora sanctorum quæ dormierant, surrexerunt* (*Matth. xxvii*). Christus etiam, cuius resurrectio nostræ resurrectionis est testis, in proprio corpore resurrexit ¹⁶. A simili, sancti in proprio corpore resurgent.

CAPUT XXV.
Quibus auctoritatibus et rationibus probent hæretici, quod caro illa quæ redigitur in cinerem, non resurget.

Hunc fidei articulum hæretici variis auctoritatibus et rationibus expugnare conantur: Sic ait Apostolus: *Caro et sanguis regnum Dei non possidebunt* (*I Cor. xv*), ergo caro nostra non glorificabitur. Item, dicit Joannes: *Ecce nova facio omnia* (*Apoc. xxi*). Si omnia sicut nova in die judicii, ergo et caro humana. Item legitur: *Cælum et terra transibunt* (*Matth. xxiv*). Eadem ratione et corpus humaanum. Si enim firmiora desinent esse, quod iterum non incipient esse, multo magis et corpora humana, quæ omni corruptioni sunt obnoxia. Et B alia auctoritas ait: *Vidi cælum novum, et terram novam* (*Apoc. xxi*). Item Christus in Evangelio: *In resurrectione neque nubent neque nubentur, sed erunt sicut angeli in cælo* (*Matth. xxii*). Et ita non erunt corporales, sed spirituales.

Præterea, cum caro semper appetat mala, et non bona, quomodo ergo glorificabitur? Et illud quod incineratum est, quomodo in effigie corporis humani iterum formabitur? Item: *Corpus hominis post dissolutionem omnino desinit esse, et si remaneat, manet in cinere*. Ergo cum in die judicii corpus humanum formabitur, in multis dissimile erit ab isto, et omne quod in singulari numero desinit esse, non potest iterum incipere ¹⁷. Videtur quod illa corpora quæ erunt in die judicii, non erunt illa quæ sunt incinerata. Quod possumus probare per simile: Ecce albedo desit esse in Socrate, et post decem annos quædam albedo incipiet esse in Socrate, dicimus quod ita sit vel possit esse illa quæ a decem annis desiit esse in Socrate? absit! Præterea, per similitudinem quam assert Apostolus (*I Cor. xv*) ad probandum resurrectionem, de grano mortificato, possumus dicere, aliud esse corpus quod incineratur, aliud quod in die judicii animabitur. Sicut enim granum quod in terra mortificatur, non est idem cum eo quod ex illo egreditur, seu nascitur, sic corpus quod incineratur non erit illud quod in die judicii suscitabitur.

CAPUT XXVI.

D *Responsio ad predictas auctoritates et rationes. Et quod vere caro illa resurget.*

Ad predicta hæc datur responsio: Dicimus quod Apostolus cum ait: *Caro et sanguis regnum Dei non possidebunt* (*I Cor. xv*), non intellexerit de substantia carnis et sanguinis, sed de circumstantia, id est de corruptione, ut sit sensus: *Caro et sanguis regnum Dei non possidebunt*, id est corruptio carnis et sanguinis. Unde in consequentibus ait: *Neque corruptio incorruptionem ¹⁸ possidebit* (*ibid.*).

VARIÆ LECTIONES.

¹² Impress. habet, in illa, sed male. ¹³ Impress. mortis. ¹⁴ In impresso ritiose habetur, Christum in Evangelio. ¹⁵ In impresso, præterea, sed male. ¹⁶ Impressum hic iterum absurdissime habet resurget. ¹⁷ Quædam hic omissa in impresso. ¹⁸ In impresso habetur, incorruptionibilia.

Quod autem legitur, quod Deus in die judicij omnia faciet nova, sic intelligendum est: omnia innovabit, quia et tempora innovabuntur, et terra innovabitur, quantum scilicet ad exterioreas qualitates, quia terra erit marmore planior et crystallo clarior. **219** Sic cætera elementa erunt nova, id est innovata; sicut pannus dicitur novus, quando per reparationem est innovatus. Et homo dicitur filius novus per pœnitentiam innovatus¹⁹. A simili, caro nostra erit nova, id est per glorificationem innovata.

Endem modo intelligendum est quod dicit Joannes in Apocalysi: *Vidi cælum novum et terram novam* (*Apoc. xxi*), id est terram innovatam, et aerem innovatum. Illic enim nomine cœli intelligitur aer, juxta illud: *Avec cœli comedent illud* (*Marc. iv*, *Luc. viii*). In die autem resurrectionis, aer non alterabitur amplius secundum diversas qualitates, sicut modo alteratur. Quod autem dicitur: *Cælum et terra transibunt* (*Matth. xxiv*), intelligendum est de transitu accidentalí, non de substantiali: non enim intelligendum est, cœlum et terram ita transitura, quod desinant esse, vel²⁰ mutantur in aliud; qui transitus substantialis est; sed transibunt secundum exterioreas qualitates, ut jam dictum est.

Quod autem Christus ait: *In resurrectione non nubent neque nubentur* (*Matth. xxii*), non est sic intelligendum, quod sancti futuri non sint corporales, sed solum spirituales, sed ratione incorruptionis hoc intelligendum est, ²¹ omni relegata corruptione; non enim in corporibus sanctorum poterit esse aliqua corruptio, vel veneris²² vel vulneris vel alterius passionis.

Rationibus etiam ita respondemus: Dicimus quod caro ex sui natura non sit prona ad malum, sed potius ex sui infirmitate, quam contraxit ex peccato Adæ. Ante peccatum enim Adæ, caro non pugnabat adversus spiritum, nec spiritus contra carnem. Ergo in die judicij caro resurget in sui substantia, non in sui circumstantia; ipsa enim corruptio quæ impellit ad peccandum, non resurget.

Ad sequentem objectionem, dicimus, quod ille qui omnia creavit ex nihilo, et, corpus humanum plasmavit de limo, corpus incineratum in pistillum, inno in meliorem statum potest reformare; sicut pī sigulus ollam male formatam et fractam, reducit in terram, et eamdem ex eadem materia reformat in statum meliorem. Argentarius etiam ex terra immunda et fœda, multiplici decoctione elicit argentum, non mutata tamen terræ materia. Sic generalis ignis purgabit terram et aera. Summus vero artifex sua auctoritate in meliorem statum resor-

A mabit humana corpora. Dicimus etiam quod illud singulare corpus quod est incineratum, resuscitabitur, quia et materia corporis remanet, et substantia ipsius. Quamvis enim corpus humanum exuat humanam effigiem, tamen non desit esse substantialis corpus²³ nec aliud substantialium quæ ad corpus pertinent amittit²⁴. Et ita, illud singulare corpus in die judicij glorificabitur, et humanam recipiet effigiem, quod modo redactum est in cinerem; cum nec materia pereat nec substantia. Similitudo autem quæ assertur de albedine, non valet, albedo enim omnino desinit esse, quia ipsa nec materiam habet nec formam, nec in materia remanet nec in forma. De grano autem mortificato in terra, dicimus, quod ex illo diversa producuntur B grana, non unum quod sit illud; nec substantia grani tota transit in substantiam alterius grani, sed partim in substantiam aristæ, partim in substantiam stipulae, partim in substantiam follicularum et radicum, sed totum illud corpus humanum quod incineratum est, erit illud totale corpus quod in die judicij resurget. Totum dico, secundum veritatem humanæ naturæ.

220 CAPUT XXVII.

Responsio hæreticorum, qui dicunt quod anima perit cum corpore.

Hi autem volunt dicere, ideo resurrectionem non futuram, quia anima perit cum corpore, sicut nostri temporis multi falsi Christiani, imo hæretici dicunt. Multæ rationes et auctoritates eis contradicunt; quamvis errorem suum auctoritatibus et rationibus conentur asserere. Ait enim, ut inquit, Salomon: *Unus est interitus hominis et jumentorum, et æqua utriusque conditio* (*Eccle. iii*). Sicut homo moriatur, ita et ipsa moriuntur.

Hic videtur velle Salomon, quod totaliter perit homo sicut jumentum: unde sicut in bruto anima perit cum corpore, ita in homine pereat. Moyses etiam dicit animam esse in sanguine; et sic videtur, quod pereunte sanguine, pereat anima; et quod existentia sanguinis sit existentia animæ. Alia etiam auctoritas dicit, quod: *Spiritus hominis est vadens, et non rediens* (*Psal. lxxvii*), vadens in morte, et non rediens ad vitam²⁵.

Rationibus idem probatur hoc modo: *Spiritus bruti animalis, aut corporalis est aut incorporalis*²⁶. Si incorporalis est, sicut spiritus humanus, qua ratione perit cum corpore, et non spiritus hominis? Quia enim ratione aut vi conservabitur potius anima humana in corpore, quam anima bruti²⁷? Quod autem spiritus bruti incorporeus²⁸ sit, multipliciter probatur; hoc genus substantia dividitur in hæc duo

VARIAE LECTIÖNES.

¹⁹ *Hæc periodus in impresso deest.* ²⁰ *In impresso errore legitur, licet.* ²¹ *In impresso hic nonnulla desunt, quæ sensum imperfectum relinquunt.* ²² *In impresso omissa sunt.* ²³ *Impressum habet, corpus vel substantia.* ²⁴ *Impress. admittit.* ²⁵ *Omnia præcedentia ab initio capit. deerant in exemplari ms.* ²⁶ *Ju* *impresso habetur, corpus, aut incorpus.* ²⁷ *In impresso, sensus hic etiam confusus.* ²⁸ *Pro incorporeo in impresso iterum habetur incorpus, ut etiam in aliis pluribus locis.*

genera, corpus et spiritus; hæc autem differentia, corporeum, adjuncta huic generi, substantia, faciet hoc genus, corpus: similiter, hæc differentia, incorporeum, adjuncta huic generi, substantia, faciet hoc genus, spiritus²⁰. Igitur, cum hæc differentia, incorporea, sit constitutiva hujus generis, spiritus, omnis spiritus incorporeus est. Ergo spiritus bruti non est spiritus aut incorporeus est. Quod autem spiritus sit, sic probatur; habet omnes vires spiritus, ut potentiam percipiendi sensibilia, potentiam imaginandi; quæ potentiae et a spiritu sunt, et in spiritu sunt.

Boetius etiam hanc ponit divisionem spirituum, alias rationalis, et alias irrationalis; et sic spiritus bruti est species generis, spiritus²¹. Quis enim spiritus est irrationalis nisi spiritus bruti? Igitur incorporeus est. Item, omne corpus habet qualitates perceptibles aliquo sensu, sed qualitates animæ non sunt tales; ergo anima non est corpus. Item, corpus subjacet sensui vel sensibus, non autem sic anima. Item, omne corpus animatum vel inanimatum est; si autem est animatum, tunc ab aliqua alia anima est, sic est anima habens animam, et ita in infinitum. Si autem corpus est inanimatum, ergo non vivificat, nam quod non vivit, vivificare non potest. Item si brutum animal constat ex spiritu qui sit corpus in suo proprio corpore, illa duo corpora ad quem communem tertium copulantur²². Item, spiritus bruti totus est in singulis partibus corporis, sicut spiritus hominis, ergo incorporeus est; hoc enim incorporei est, et non corporei. Alio etiam modo probatur animam hominis perire cum corpore: sicut post mortem bruti nullum appareat vestigium animæ, ita post mortem hominis, nullum vestigium animæ remanet.

221 CAPUT XXVIII.

Solutio ad prædictas auctoritates et rationes, ostenditur quod anima non perit cum corpore.

Contra prædictas auctoritates, hanc damus solutionem: Quod Salomon ait: *Unum esse interitum hominis et jumenti* (*Eccle. iii*), referendum est ad spiritum physicum, non ad spiritum rationalem.

Est namque in homine duplex spiritus, spiritus rationalis et incorporeus, qui non perit cum corpore; et alias qui dicitur physicus sive naturalis, quo mediante anima rationalis unitur corpori, et hic spiritus est subtilior aere, et etiam igne²³, quo mediante fit sensus et imaginatio: et ille perit cum corpore. Talis spiritus naturalis est in corpore bruti animantis, et illud vegetat, et perit per-

A eunte corpore. Et secundum hoc ait Salomon, quod *unus est interitus hominis et jumentorum*, quantum ad corpus et spiritum physicum²⁴. Quod autem anima dicitur esse in sanguine, non ad animam referendum est, sed ad vitam animalem²⁵, hic enim sumitur hoc nomen, *anima*, in designatione vita temporalis, quæ penes sanguinem consistit. Unde et in Evangelio legitur: *Majorem charitatem nemo habet, quam ut animam suam ponat quis pro amicis suis* (*Joan. xv*)²⁶. Quod autem dicitur: *Spiritus hominis vadens et non rediens* (*Psal. lxxvii*), sic intelligendum est, vadens in peccatum per se, et non rediens ad bonum per se.

Rationibus ita respondemus: Dicimus quod spiritus bruti animalis corporeus est et penes corporalitatem corruptio; spiritus vero rationalis qui est in homine, incorporeus est, et ideo incorruptibilis, quia penes incorporeitatem incorruptio, sicut in sequentibus ostendetur. Quod autem spiritus bruti animalis sit corporeus, multipliciter probatur; ut naturalis testatur ratio, spiritus bruti animalis originem habet ex secunda digestione quæ sit in hepate, et nihil aliud est quam tenuis fumus qui ex illa digestione nascitur, qui dicitur naturalis in hepate, vitalis in corde, animalis in capite. Præterea, eo²⁷ mediante, anima rationalis unitur corpori hominis. Oportet ergo quod spiritus ille habeat aliquam affinitatem cum anima rationali, quoad subtilitatem scilicet et agilitatem, cum corpore, corporeitatem²⁸. Præterea, ad spiritum incorporeum propter subtilitatem et perspicacitatem, pertinent quinque potentiae, ut, sensus, imaginatio, ratio, intellectus et intelligentia. In spiritu vero bruti²⁹, non habent locum nisi duæ potentiae, quæ circa corporalia versantur³⁰. Videtur ergo quod et ipse spiritus sit corporalis, cum in eo non vigeant nisi potentiae percipiendi corporalia. Item, si duo spiritus incorporei sint in corpore hominis³¹, videtur quod corpus sit animatum duabus animabus, vel quod alter superfluat spiritus.

Dicimus etiam quod alia significacione illud quod vegetat corpus bruti dicitur spiritus, scilicet a spiratione, in corporeis subjecta; in incorporeis autem substantia dicitur spiritus a spiritualitate, quia spiritualis naturæ est. Spiritus vero bruti dicitur spiritus, quia est spirantis naturæ, quia brutum animal facit spirare. Vegetabile etiam, quo corpus bruti vegetatur, sub hoc genere spiritus continetur, quia spiritualis naturæ non est; et quamvis quædam potentiae spiritus convenient illi vegetabili, non tamen sequitur 222 quod idem sit spiritus. Sic multæ

VARIÆ LECTIONES.

²⁰ *Præcedentia hic etiam mire confusa in impresso, uti etiam et immediate sequentia.* ²⁰ *Hic etiam in impresso, quedam omissa sunt et reliqua sine sensu.* ²¹ *In impresso hic rursus quædam omissa sunt.* ²² *In impresso hæc omnia confusa sunt.* ²³ *Hic rursus omnia confusa in impresso.* ²⁴ *Impressum habet, spirituali.* ²⁵ *Præcedens periodus deest in ms., optime tamen hic quadrat.* ²⁶ *Duo hæc verba de sunt in impresso.* ²⁷ *In impresso hic habetur corpore corporatur, sine ullo prorsus sensu.* ²⁸ *In impresso omissum est verbum, bruti.* ²⁹ *In impresso sic: quia contra corporalia verterentur.* ³⁰ *In impresso sic. Spiritus in corporis, sunt in corporis homines.*

proprietates bruti animalis convenient homini, ut A grossibilitas, mortalitas, etc., non tamen ideo brumatum animal est homo, vel humanæ naturæ est.

Cum autem Boetius hanc ponit divisionem spirituum, ut alius sit rationalis, alius irrationalis, non sumit hoc nomen, *spiritus*, in designatione spiritualis naturæ, sed potius, vegetabilis, quæ facit spirare, ut sit sensus: Spirituum, id est vegetabilium spirare facientium; alius rationalis, alius irrationalis est. Potest etiam illud vegetabile quod vegetat corpus bruti, dici spiritus, comparative, respectu grossiorum ⁴¹ corporum, quia subtilius corpus est quam quædam alia animata corpora. Unde aer solet dici spiritus, et quædam consonantes dicuntur mutæ, non quia nullum faciant sonum, sed quia minorem quam vocales et semi-vocales.

Ad sequentem objectionem, dicimus quod spiritus bruti habet qualitates sensu perceptibiles in sui natura, sed tantæ est subtilitas quod sensus perceptionem subterfugit, sicut aer.

Cum ergo aere subtilior sit, non est mirum si ipse non ostenditur ⁴², etsi ipse sensibus non sub-jacet actualiter, tamen natura sensibilis est ⁴³. Et sicut sensus delicit circa maxima et minima, ita circa minus subtilia ⁴⁴. Quod autem omne corpus dicitur animatum vel inanimatum, falsum est; lapis enim nec est animatus, nec inanimatus. Illa namque corpora dicuntur inanimata quæ naturaliter possunt animari, et quibus debetur animatio, etsi non animantur. Dicimus ergo quod spiritus bruti, etsi corpus sit, nec animatus est nec inanimatus. Vel dicere possumus quod omne corpus est animatum vel inanimatum, et quod spiritus bruti est corpus inanimatum, animans tamen aliud corpus, nimirum corpus bruti. Quamvis autem duo corpora convenient in constitutione bruti, non est tamen necesse ut copulentur ad communem terminum ⁴⁵; hoc enim convenit partibus continuis. Spiritus autem bruti physicus venit in constitutionem bruti animalis per infusionem, vel per unionem, et non per continuationem. Spiritus etiam bruti non est totus in singulis partibus, sed secundum diversas sui partes in diversis.

Dicimus etiam quod multa vestigia remaneant animæ rationalis. Legitur enim in sacris Scripturis animas post mortem apparuisse multis (*Matth. xxvi*). Et Christus in Evangelio ait quod anima Lazaræ post mortem delata est ab angelis in sinum Abraham; dives vero, id est anima divitis sepulta est in inferno (*Luc. xvi*).

VARIÆ LECTIONES.

⁴¹ In impresso pro grossiorum absurde habetur religiosorum. ⁴² In impresso, si sensus non offendit. ⁴³ In impresso iterum viciose tamen non sensibilis est. ⁴⁴ Ultimum hoc verbum iterum omissum est in impresso. ⁴⁵ In impresso hic rursus omnia confusa, et quædam etiam omissa. ⁴⁶ In impresso habetur syllaba. ⁴⁷ In impresso, diffinire. ⁴⁸ Ms. hic addebat: Sed non uniformiter cuncti. ⁴⁹ Ms. sequentia omnia tribuebat Tullio. ⁵⁰ In impresso hæc clarius sic: Anima est in horizonte æternitatis, id est in tempore perpetuitatis. ⁵¹ Impress. mors.

CAPUT XXIX.

Quibus auctoritatibus theologorum probatur quod anima humana sit immortalis.

Quod autem humana anima sit immortalis, tam auctoritatibus theologorum et philosophorum, quam etiam rationibus probatur, ut supra diximus. Christus in Evangelio contra Sadducæos probans animam non perire cum corpore, ait: Non legistis: Ego sum Deus Abraham, Deus Isaac et Deus Jacob, Deus vivorum et non mortuorum (*Marc. xii*). Malis etiam in die iudicii, ut idem protestatur, dicitur: Ite, maledicti, in ignem æternum (*Matth. xxv*). Illi quibus hoc dicetur, punientur in anima et corpore, et æternaliter. Ergo anima est superstes post mortem. Paulus etiam ait, quod sancti repinentur ob viam Christo in aera, et sic semper cum Domino erunt (*I Thess. iv*). Et Joannes in Evangelio ait: Et procedent qui bona fecerunt in resurrectionem vitæ; qui vero mala egerunt, in resurrectionem iudicij (*Joan. v*)

223 CAPUT XXX.

Quibus auctoritatibus gentilium philosophorum probatur quod anima humana sit immortalis.

Et quia fere quælibet summula ⁵⁰ Novi Testamenti hoc clamat, ad auctoritates gentilium philosophorum stylum vertamus, ut erubescant Christiani illam veritatem diffiseri ⁵¹, quam confessi sunt philosophi gentiles.

Ait Mercurius in *Asclepia*: Omnis enim immortalis est anima ⁵². In *Aphorismis* etiam ⁵³ de essentia summae bonitatis legitur quod anima est in horizonte æternitatis, et ante tempus nomine æternitatis. Hic designatur perpetuitas. Est ergo sensus. Nominis æternitatis, et ante tempus æternitatis, anima est in horizonte ⁵⁴, etiam et in termino perpetuitatis, qui est perpetuitas in anima, id est quod finitur in anima, id est non protenditur ultra animam, et est supra tempus, vocatur hic memoria ⁵⁵ habens principium et finem. Ergo anima, etsi haberit principium, non habebit finem. Virgilius etiam de anima tantum loquens ait:

Vitaque cum gemitu fugit indignata sub umbras.
Id est anima tantum recedens a corpore, cum indignatione descedit ad inferos. Hic insinuavit Virgilius animam esse superstitem post mortem. Et Tullius in *Rhetorica*, ait quod probabile videtur sapientibus poenas esse paratas animabus malorum apud infernum. Si animabus malorum poenæ parate sunt apud inferos, ergo animæ sunt superstites post mortem. Item Mercurius in *Asclepia* ait quod animæ

post dissolutionem coguntur credere poenis¹⁰ quæ in vita noluerunt credere verbis. Plato etiam in *Timœo* ait animas post dissolutionem variis affligi poenis. Immortalitatem etiam animæ in *Phædone* multipliciter probat. Sed quia auctoritas cereum habet nusum, id est in diversum potest flecti sensum, rationibus roborandum est.

CAPUT XXXI.

Quibus rationibus probatur quod anima humana sit immortalis.

Quidquid corruptitur, aut corruptitur ex dissonantia partium, ut corpus, aut fluxu materiei, ut proprietas. Omnis enim proprietas in se immutabilis est, quod autem desinat, ex fluxu materiei in qua est, habetur. Unde Boetius in prologo super *Arithmetica*¹¹ ait: *Sapientia est speculatio¹² earum rerum qui sui immutabilem sortiuntur substantiam, id est proprietatem: anima autem non est substantia corporea.* Ergo ex substantia partium corrupti non potest, quia simplex est, proprietas autem sine forma non est, quia substantia est, et ex fluxu materiei corrupti non potest, quia in materia non est. Ergo incorruptibilis est. Quod autem incorporea sit, multiplici ratione probatur, verbi gratia, hoc genus, spiritus, continet sub se has species, animam et angelum. Ergo angelus incorporeus non est, vel anima est etiam incorporea. Item, anima non suscipit dimensiones corporis; ergo corporea non est. Item anima vel a se, vel ab alio habet, comprehendere spiritualia et incorporea, sed non ab alio; ergo a se, et ex propria vi; ergo spiritualis est et incorporea, quod enim homo incorporea percipit, non habet ex se, sed ex anima.

Præterea quæ corporea voluntate moventur et sensitiva, non habent ex 224 hoc quod sunt corpora, quia si hoc esset, omnia corpora convenirent in hoc. Item, si ipsa corpora habent sentire et movere ex seipsis, tunc sunt ipsa causa sui motus et sensus. Et si hoc esset, nunquam quiescerent a voluntario motu; *quandiu enim causa est secundum quod est causa, nunquam cessat effectus?* ergo corpus non habet moveri a voluntario motu et sensu, sed mouetur ab anima, ergo anima est incorporea¹³. Item nullum corpus aliiquid agit ex hoc quod est corpus, alioquin ageret illud. Sed multæ sunt actiones corporis, nullam igitur earum agit corpus ex hoc quod est corpus, sed omnis actio eget agentem, quia non est res per se existens. Ergo aliud præter corpus, est causa actionum corporis. Item, corpora sunt continua et composita ex partibus, continuatio autem non fit nisi per motum partium compositi, et per retractionem aliarum ab aliis, et per uniuscujusque earum in suo loco retentionem. Sed non est ex partibus, se conjungi¹⁴, cum earum potius sit

A natura, ire in diversas partes. Necesse est igitur ut sit ibi in essentia, præter corpus, quæ id faciat. Item, possumus intelligere, id quod vegetat corpus¹⁵, non intellecta corporeitate. Ergo non est corpus, si enim substantialiter esset corpus, sine corporeitate intelligi non posset. Ex prædictis patet animam esse incorpoream et ita incorruptibilem, quia si anima est incorporea, est sicut angelus, quæ ratione anima est immortalis, et anima. Item, ad idem probandum possumus uti ea insinuatione quæ usus est quidam religiosus contra philosophum¹⁶ qui negabat animam esse immortalem. Ait enim: *Aut anima est mortalis, aut immortalis: Si mortalis est anima, et credis eam esse immortalem, nullum tibi inde provenit incommodum; si autem est immortalis, et credis eam esse mortalem, aliquod potest tibi inde provenire incommodum.* Ergo melius est ut credatur immortalis quam mortalis. Quia, ut ait Aristoteles, in libro *De eligendis duobus propositis*, si istius est consecutivum malum, et illius est consecutivum bonum, magis est illud eligendum cuius est consecutivum bonum, quam aliud cuius est consecutivum malum. Item in *Aphorismis de essentia summæ bonitatis*, legitur, quod res destruc-tibiles¹⁷ sunt ex corporeitate, non ex incorpo-reitate. Item, exsufflabimus omnia merita sanctorum tam Veteris quam Novi Testamenti, si dicamus meritis eorum post mortem nulla esse redenda præmia. Quia si hoc esset, testante Apostolo, sancti miserabiliores essent omni creatura (*ICor. xv.*)

CAPUT XXXII.

Quibus auctoritatibus et rationibus probatur quo Christus vere fuerit Filius Dei.

D Patet ex præmissis Christum veram carnem assumptisse, et verum hominem fuisse, vere passum surrexisse a mortuis, veram futuram mortuorum resurrectionem, et in propria carne. Propter prædictas rationes dicunt quidam hæretici Christum veram quidem carnem habuisse, sed Filium Dei non fuisse: absurdum enim judicant asserere Filium Dei assumptisse carnem. Sed, quod Christus vere Filius Dei fuerit, et auctoritas clamat, et ratio. Ait enim Christus: *Ego et Pater unus sumus (Joan. x).* Sed absit Christum mentitum fuisse! Ergo vel Pater non erat Deus, vel Christus erat Deus. Sed Deum vocat Patrem suum, ergo ipse erat Filius Dei. Eru-bescant ergo hæretici hoc diffiteri¹⁸ quod dæmones etiam coacti sunt confiteri dicentes: *Iesu Fili Dei vivi, utquid venisti ante tempus torquere nos? (Matth. VIII.)* Et Joannes evangelista clamat eum esse Deum dicens: *Et Deus erat Verbum (Joan. i).* Et Paulus in Epistola ad Hebræos, ait de Christo: *Qui cum sit splendor gloriae, et figura substantiae*

VARIÆ LECTIONES.

¹⁰ Impressum habet cedere poenis. ¹¹ Impressum habet, Aristotelem. ¹² Impress. speculum. ¹³ Impressum ritiose habet, in corpore. ¹⁴ In impresso habetur, per se conjungi. ¹⁵ In impresso omittitur corpus, sed male. ¹⁶ Impressum habet, Philippum. ¹⁷ Impress. delectibiles. ¹⁸ In impresso nate, diffinire.

eius (Hebr. i). Item Joannes in Epistola canonica : *Tres sunt qui testimonium 225 dant in cælo, Pater, Verbum, et Spiritus Sanctus, et hi tres unum sunt. Et tres sunt qui testimonium dant in terra, spiritus, aqua, et sanguis (Joan. v).* Hic iusinuat Joannes Christum verum fuisse hominem, et verum Deum et verum Dei Filium. Item per opera miraculosa quæ ipse fecit, quæ nemo alias facere potuit, probari potest, ipsum necessario fuisse Deum. Unde et ipse ad Iudeos ait : *Si verbis non creditis, operibus credite (Joan. x).* Item ipse ait : *Satanam se vidisse de cælo cadentem tanquam fulgor (Luc. x).* Sed hoc factum est in mundi initio. Ergo Christus fuit in initio mundi : sed tunc non fuit homo, vel alia creatura, ergo Creator. Item ipse ait : *Antequam Abraham fieret, ego sum (Joan. viii).* Item Joannes ait per ipsum esse factam omnem creaturam, ergo non est pura creatura, per quem facta est omnis creatura.

CAPUT XXXIII.

Opinio quorundam hæreticorum, qui dicunt quod Christus assumpsit corpus cœlestis, et quod beata Maria in cælo fuit creata, et quod nec patrem nec matrem habuit.

Alii vero hæretici dogmatizant Christum corpus cœleste assumpsisse, et beatam Virginem in cælo creatam fuisse, et de cœlesti natura ; et ita Christum de beata Virgine carnem cœlestem assumpsisse : quod variis modis probare conantur. Ait Apostolus : *Qui de terra, terrenus est, qui de cælo cœlestis (I Cor. xv).* Illic videtur insinuare Apostolus quod sicut corpus Adæ de terra plasmatum, ita corpus Christi de cælo formatum sit. Unde dicunt illum cœlestem hanc substantiam in monte Thabor discipulis ostendisse, quando transfiguratus est (*Matth. xvii*). Hoc etiam affirmant, quod in nulla canonica Scriptura invenitur, beatam Virginem patrem vel matrem habuisse.

Et quia Christus tam subtilem naturam assumpsit, de clauso utero exire potuit, et etiam super mare siccis pedibus ambulare potuit. Propter hoc, dicunt Christum non comedisse : non enim cœlestis natura alimonia indigebat : potius enim natura spiritualis erat quam animalis.

CAPUT XXXIV.

Solutio præmissorum, quod Christus vere carnem humanam assumpserit, et quod B. Maria patrem et matrem habuerit.

Prædictis respondentes, dicimus quod Christus vere fuit cœlestis, quia cœlestem vitam ducens ; cœlestis, quia cœlitus natus : cœlestis, quia Deus. Nec ideo ¹¹ fuisse dicitur de cælo, quia de cœlesti substantia corpus accepit ; sed quia de cælo descendit, id est de immensitate Patris, et cœlesti ejus natura egrediens, in mundum venit.

Adam vero de terra vere plasmatus, et vere terrenus, quia terrenis intentus ¹². Quod autem im-

A mensitas Patris vel ipsius natura dicatur cœlum frequenter in sacra Scriptura reperitur. Ut ibi : *Qui de terra est, de terra loquitur ; qui de cælo venit, super omnes est (Joan. iii).* Et Joannes : *Tres sunt qui testimonium dant in cælo (Joan. v)*, id est cœlesti naturæ Christi, id est divinæ. Et alibi : *Nemo ascendit in cælum, nisi qui descendit de cælo (Joan. iii)*. Et, ut supra dictum est, ostendit illam humanæ carnis glorificationem ¹³, quam sancti cum Christo sunt habituri. Si cœlestem naturam assumpsit, quomodo in illa passus ? quomodo crucifixus ? Præterea, si in monte Thabor cœlestem naturam ostendit quam in se habebat, quomodo antea velaverat, vel velaturus erat ? **226** carne nostra, vel non ? Si carne nostra, ergo duplicem naturam habuit, cœlestem et humanam. Si non carne nostra, qua alia substantia ? Si nulla alia, quare non apparabat cœlestis natura ?

Quod autem B. Virgo patrem et matrem habuit, et ita nostræ naturæ fuerit, ex sacra Scriptura manifestum est. Ait enim angelus ad Mariam : *Ecce Elizabeth cognata tua, et ipsa concepit filium in senectute sua (Luc. i).* Ergo si beata Maria cognatam habuit, vel ex parte patris, vel ex parte matris cognata ¹⁴ ejus fuit. Item in Joanne legitur : *Erat autem juxta crucem mater Jesu, et Maria soror matris ejus, et Maria Cleophae (Joan. xix).* Eadem ratione qua sororem habuit, verum est patrem et matrem habuisse. Alibi etiam in Evangelio fit mentio de sororibus Mariæ matris Jesu (*Matth. xv*). Præterea, Jacobus filius Alphæi, dicitur frater Domini, id est, cognatus, quia mater ejus et Mater Jesu erant sorores. In Epistola etiam Pauli ad Romanos, habetur : *Qui factus est ei ex semine David secundum carnem (Rom. 1).* Si Christus descendit e semine secundum carnem, et non descendit nisi mediante beata Virgine; ergo gloria Virgo fuit de semine David ; et fuit nostra naturæ, non cœlestis.

Si dicant David habuisse duos filios, unum bonum, et aliud malum, et de bono per Mariam Christum descendisse, non minus erit evidens Mariam de Davide descendisse, et ita aut beata Maria nostræ naturæ fuit, aut David, sicut ipsa, cœlestem naturam habuit, et similiter illi qui de David descenderunt.

Quod autem de David qui fuit homicida et adulterer, Christus secundum carnem descendit, manifester ostendit Paulus in Epistola ad Romanos, dicens : *Solus Deus verax, omnis homo mendax, sicut scriptum est : Tibi soli peccavi, et malum coram te feci, etc. (Rom. iii.)*

In his verbis ostendit Apostolus Deum veracem esse in promissis, quia quamvis David peccaverit in homicidio et adulterio, tamen voluit Deus implore quod ipsi promisit, quod de semine ejus nasceretur Christus, quod et factum est, quia peccatum

VARIÆ LECTIONES.

¹¹ *In impresso habetur omnino ; nostra tamen lectio convenientior.* ¹² *In impresso, terrenus interitus.*
¹³ *In impresso male, illam habere carnis glorificationem.* ¹⁴ *Impressum cognatio.*

David dimisit, et de semine ejus descendit Christus.

Quod autem de clauso utero Christus exivit, non fuit ex subtilitate naturæ, sed potius factum est miraculose, sicut et supra dictum est. Similiter, quod siccis pedibus supra mare ambulavit. Quia qui omnia fecit ex nihilo, exire potuit clauso utero et super mare ambulare sicco pede.

Quod autem Christus comedenter, superius satis diligenter probatum est.

Præterea, cum Christus legatur multos suscitasse, probabile est quod ejus fuit creare, cuius fuit suscitare. Hæc omnia inconvenientia sequuntur illos, qui dicunt esse duo rerum principia. Præterea, si quis hoc constiteret, tenetur concedere quod ipse sit servus diaboli, et quod teneatur obediens diabolo, et facere voluntatem ejus, et non voluntatem Dei.

CAPUT XXXV.

Quibus auctoritatibus et rationibus conentur probare hæretici quod lex Mosaica data sit a diabolo.

Nunc ad secundum hæreses articulum transeamus. Præfati religionis Christianæ hostes asserunt a principe tenebrarum, id est a deo maligno legem Mosaicam esse datam; a principe vero lucis, id est a Deo benigno, legem evangelicam, ut sicut duo principia rerum, ita ab eis duo sint tradita Testamento. Quod autem dator Veteris Testamenti malignus fuit, multipliciter volunt asserere, ut hoc modo: Malignus fuit qui colligentem ligna in Sabbatho, sine omni misericordia lapidari præcepit (*Num. xv*). Item, quomodo bonus esse potuit, qui in multis homicidium exercuit ?? Item, quæ justitia fuit, quod David homicidæ, **227** perjuro, adultero, superbo pepercit (*II Reg. xi*), et Saul quia regem Amalechitarum ad vitam servaverat, reprobavit (*I Reg. xv*)? Item, lex Mosaica, lex mortis, lex peccati dicitur; ergo mala fuit ?? Item Apostolus ait: *Lex subintravit ut abundaret delictum* (*Rom. v*). Et alibi ait quod *lex neminem ducit ad perfectionem* (*Hebr. vii*) ?? Item, si lex Mosaica bona, quare deleta? Item, si aliquis legem Mosaicam observaret, mortaliter peccaret, ergo lex Mosaica modo mala est. Ergo et mala fuit, vel ea quæ fuit bona, incepit esse mala.

CAPUT XXXVI.

Prædictarum auctoritatibus et rationum infirmatio; et quod lex Mosaica a Deo benigno data sit.

Ad hæc dicimus quod quanvis Deus omnipotens veteris legis fuerit institutor, non ideo injustus fuit, quod colligentem ligna in Sabbatho lapidari præcepit: sed hoc ideo jussit, ut refrenaret superbiam filiorum Israhel, qui dicebant: Non deest qui impleat, sed deest qui jubeat: et ut cognoscentes infirmi ^{latein} suam in honore legis, non de-

A se præsumerent, ad gratiam Dei consurgerent. Dicimus etiam quod Dei justitia multos occidit, qui ita erant duræ cervicis, quod nullo modo corrigi poterant. Rationaliter ergo puniti sunt, ut pena quorundam esset metus aliorum. Et etiam ad nostram instructionem, ut sciamus ?? nos gravius esse puniendos, qui gratiam Christi acceperimus, si erraverimus, quam illos. Attestante namque Apostolo: *Omnia quæ in Veteri Testamento scripta sunt, ad nostram doctrinam scripta sunt* (*Rom. xv*). Multi etiam illorum qui puniti sunt temporaliter, ad hoc temporali pena puniti sunt, ut æternaliter non punirentur.

In hoc misericorditer etiam Deus egit cum eis, quod citius de medio rapti sunt, quia, si diutius B viverent, magis peccarent, et sic gravius punirentur. Dicimus etiam, insanum esse de Dei judiciis disputare.

Præterea, David de peccatis suis pœnituit, et video Deus ei pepercit: in hoc ergo misericors fuit. Saul vero, quanto magis peccabat, tanto magis contra Deum superbiebat, et de die in diem in majus peccatum descendebat.

Lex Mosaica non dicitur lex peccati, vel mortis, quod esset efficiens causa peccati, vel efficiens causa mortis temporalis vel æternæ, sed quia fuit occasio peccati, vel mortis, quia

Nitimus in vitium semper, cupimusque negata ??. (*OVID. Amor., III, iv, 17.*)

C Concupiscentia enim aliquantulum sopita erat, per legis traditionem magis excitata fuit, et contra ?? legis traditionem incanduit, et ita lex peccati occasio fuit, non tamen ideo vituperanda est, sed potius hominis concupiscentia. Lex enim data est a bono, et non a malo. Sicut medicina, quæ datur isti ægroto ad bonum, et non ad malum, si ægratus inobediens fuerit, erit in perniciem, non in salutem: non tamen ideo medicina vituperanda est, sed hominis inobedientia.

D Similiter dicebatur lex mortis, quia præcipiebat transgressorum temporaliter puniri, et juste; vel si non puniebatur pro transgressione legis, puniebatur æternaliter. Eadem ratione dicit Apostolus: *Lex subintravit, ut abundaret delictum* (*Rom. v*). Ipsa enim lex manifestavit peccatum, quia ante legis traditionem, quædam peccata putabantur non esse peccata, vel non putabantur tanta esse **228** quanta erant. Ideo dicitur quod lex neminem duxerit ad perfectum, quia bonum opus quod erat in homine ex legis observatione, in morte hominis non perficiebatur, quia præmium non consequebatur; meritum enim perfici ??, nihil aliud est quam præmium consequi. Tempore enim veteris legis qui decedebat, propter legis observationem

VARIÆ LECTIONES.

^{??} Impressum: perpetravit. ^{??} Impress. a malo fuit. ^{??} Ms., et bene, ad perfectum. ^{??} In impresso, ser-tianus. ^{??} In impresso vitiōse, eaque negant. ^{??} In impresso male prætermisso, est verbum, contra. ^{??} In impresso, hic omnia confusa, et sine sensu.

non consequebatur æternam remunerationem, quia clausa erat janua paradisi, et ante eam rhomphæa posita. Dicimus etiam quod lex non est delecta quia mala, sed minus bona; minus enim bona, magis bonis cedere debent. Præterea, lex vetus erat promissionis, lex evangelica solutionis. Soluto ergo promisso, debet cessare promissio; et veniente veritate, debet umbra cessare. Dicimus etiam quod lex ad tempus data est, non ad permanendum; ergo, quia venit veritas, cessat umbra. Non ideo tamen aliquis peccaret, qui legem observaret, quia lex mala esset, sed quia lex vetus modo locum non habet.

Quod autem lex Mosaica bona fuit, et a Deo data, cum auctoritatibus clamant rationes. Ait namque Apostolus: *Lex quidem bona, justa, et sancta* (Rom. vii). Idem in principio Epistolæ ad Romanos: *Paulus servus Jesu Christi, vocatus apostolus, segregatus in Evangelium Dei, quod ante promiserat per prophetas suos in Scripturis sanctis de Filio suo, qui factus est ei ex semine David secundum carnem* (Rom. i). Ecce Scripturas Veteris Testamenti vocat sanctas; et sic Scripturæ Veteris Testamenti bona sunt, et a bono Deo editæ. Item, idem ait in Epistola ad Hebreos: *Multisarie multisque modis olim Deus loquens patribus in prophetis, novissime diebus istis locutus est nobis in Filio, quem constituit hæredem universorum, per quem fecit et sæcula* (Hebr. i). Hic insinuat Apostolus Deum Patrem locutum suis in prophetis a simili in Moyse: et sic innuit Scripturas Veteris Testamenti a Deo Patre esse editas. Item in Matthæo legitur: *Non veni legem solvere, sed adimplere. Amen dico vobis, donec transeat cælum et terra, iota unum, aut unus apex non præteribit a lege, donec omnia fiant* (Matth. v). Et alibi: *Omnia quæ vultis ut faciant robis homines, et vos facite illis, hæc est enim lex et prophetæ* (Marc. vii). Et alibi: *Ecce unus accedens ait illi: Magister bone, quid faciam ut habeam vitam æternam? Et ait illi: Quid me interrogas de bono? Unus est enim bonus, Deus. Si autem vis ad vitam ingredi, serva mandata. Dicit illi: Quæ? Jesus autem dixit: Non homicidium facies: Non adulterabis: Non furtum facies: Non falsum testimonium dices: Honora patrem et matrem tuum: Dilige proximum tuum sicut teipsum* (Matth. xix). Item in Actibus apostolorum, introducitur Paulus loquens in hunc modum: *Viri Israelitæ, et qui timetis Deum, audite: Deus plebis Israel, elegit patres nostros, et plebem exaltavit ut essent incolæ Ægypti, et in brachio excelso eduxit eos ex ea* (Act. xi).

Item Stephanus in Actibus apostolorum: *Facta est ad Moysem vox Domini dicens: Ego sum Deus patrum tuorum, Deus Abraham, Deus Isaac, et Deus Jacob* (Act. vii). Item Petrus ait: *Hoc primum intelligentes*

A *quod omnis Scripturæ prophetia propria interpretatione non fit*¹⁸: *non enim voluntate humana alluta est aliquando prophetia, sed Spiritu sancto inspirati, locuti sunt sancti Dei homines* (II Petr. i). Item Petrus: *Habemus firmorem propheticum sermonem, cui bene facitis attentes quasi lucernæ lucenti in caliginoso loco* (ibid.). Item: *Omnis Scriptura divinitus inspirata, utilis est ad docendum, ad corripiendum, ad erudiendum, ut perfectus sit homo Dei ad omne opus bonum instructus* (II Tim. iii). Et Petrus de Joele inducit testimonium dicens: *Erit in novissimis diebus, effundam de spiritu meo super omnem carnem, prophetabunt filii vestri et filiæ vestræ* (Act. ii). Et Dominus in Evangelio ait: *Non in solo pane vivit homo, sed in omni verbo quod procedit de ore Dei* (Math. iv). Item: *Si crederetis Moysi, crederetis forsitan et mihi, de me enim scripsit: quod si litteris illius non creditis, quomodo verbis meis* **229** *credetis?* (Joan. v.) Item: *Habent Moysen et prophetas, audiant illos. Si Moysen et prophetas non audierint, neque si quis ex mortuis resurrexerit, credent* (Luc. xvi). Sed Christus resurrexit a mortuis; ergo qui non audit Moysen et prophetas, non credit Christo, si verum sit illud evangelicum, quod impossibile est, non est verum. Item: *Incipiens a Moyse et omnibus prophetis* (Luc. xxiv). Item: *O stulti et tardi corde ad credendum in omnibus quæ locuti sunt prophetæ* (ibid.). Item: *Oportet impleri omnia quæ scripta sunt de me in lege, et prophetis, et psalmis* (ibid.). Item in Evangelio: *Quem scripsit Moyse et prophetæ, invenimus Iesum a Nazareth* (Joan. i). Item Lucas: *Postquam impleti sunt dies purgationis Mariæ secundum legem Moysi, tulerunt puerum Iesum in Jerusalem, ut sisterent eum Domino, sicut scriptum est in lege Domini* (Luc. ii).

Ecce habes legem Moysi legem Domini: ergo qui contradicit legi Moysi, contradicit Domino. Item Paulus: *Maledictus omnis qui non permanerit in omnibus quæ scripta sunt in libro legis, ut faciat ea* (Gal. iii). Item Paulus: *Spiritum nolite extinguere, prophetiam nolite spernere* (I Thessal. v). Et Petrus in Actibus apostolorum: *Huic omnes prophetæ testimonium prohibent, remissionem peccatorum accipere per nomen ejus, omnes qui credunt in eum* (Act. x). Item Petrus: *Deus autem qui prænuntiavit per os omnium prophetarum pati Christum suum, implevit sic* (Act. iii). Item Jacobus: *Qui autem totam legem servaverit, offendat autem in uno, factus est omnium reus* (Jac. ii). Item Paulus in Epistola ad Hebreos, inducit auctoritatem de Gedeone, Barac, Samsone, Jephite, David, Samuele, et aliis prophetis (Hebr. xi)¹⁹. Item Paulus: *Sic deservio Deo Patri meo, credens omnibus quæ in lege et prophetis scripta sunt* (Act. xxiv). Et quatuor evangelistæ interponunt prophetas, Isaiam, Jeremiam

VARIÆ LECTIONES.

¹⁸ In impresso hæc aliter habentur, verum lectio nostra textui conformis est. ¹⁹ Impressum, pro Gedone, habet, Hedoræ, forte dicere volens, Debora.

et cæteros prophetas. Et Dominus in Evangelio David inducit et alios prophetas in testimonium.

Præterea, quomodo negabitur lex esse bona, cum præcepta quæ in ipsa continentur, sint bona et sancta, ut præcepta Decalogi : Honora patrem tuum et matrem tuam : Non occides : Non mœcha-beris : Non furtum facies, et similia ? Item, si diabolus præcepta dedisset, non dedisset præcepta ad vitandum malum, sed potius ad faciendum malum quam bonum. Præterea, lex Mosaica prohibet malum, et præcipit bonum : ergo bona est. Item, ex transgressione legis peccabat quis mortaliter : ergo ex observatione ejus merebatur. Item, Christus etiam suscepit sacramenta legis : ergo ipsa erant bona : et sic, lex bona erat.

CAPUT XXXVII.

Quibus auctoritatibus et rationibus probant hæretici Patres Veteris Testamenti malos fuisse, et esse damnatos.

Dicunt similiter Patres Veteris Testimenti fuisse malos, quod multipliciter probare conantur. Dicunt enim Moysen propter peccatum a terra promissionis alienatum, quia scilicet de potentia Dei dubitavit, quia homicida fuit, quia Æthiopissam duxit (*Exod. xi*), quia exercitum in humani generis necem duxit. Aaron etiam afferunt damnatum, quia vitulum conflatilem fecit (*Exod. xxxii*), quia ad aquas contradictionis cum Moyse dubitavit (*Num. xx*)⁷⁶, et ideo terram promissionis non intravit. Abraham damnant, quia proprium filium suum immolare voluit (*Gen. xxii*), in quo legi naturæ obviavit, hoc enim benignus Deus non imperavit, sed malignus. Similiter Isaac damnant, quia uxorem suam mentitus est sororem suam esse (*Gen. xxvi*) ; sicut et Abraham pater ejus fecerat (*Gen. xxi*). Jacob etiam damnant, quia primogenita fratri subripuit, patrem per mendacium **230** decepit, dicens : *Ego sum primogenitus tuus Esau* (*Gen. xxvii*). Noe quoque reprobatur, quia ineptius est, et femora sua turpiter denudavit (*Gen. ix*). Similiter Enos filium Seth damnant, quia primus idola invenit (*Gen. iv*). Nec ab hac damnatione Enoch excipiunt : dicunt enim eum propter enormitatem culpæ de medio raptum esse, et damnatum (*Gen. v*). Josue quoque damnant, quia sine ordine judiciario innuferables morti addixit (*Josue ii, vii, etc.*). Similiter et Samson, quia alienigenam duxit, fornicator fuit, et seipsum occidit (*Judic. xiv*). Jephé quoque condemnant, quia propriam filiam immolavit (*Judic. xi*). Similiter et Gedeon, qui contra Dei præceptum, proprium sibi tabernaculum fecit, et se sacerdotem instituit (*Judic. vi*). Ob eamdem causam reprobant Lot, quia ineptius proprias filias cognovit (*Gen. xix*). Similiter et David, quia fuit

A adulter et homicida (*II Reg. xi*). Job etiam, quia se injuste punitum asseruit (*Job iii*). Et quid opus narrare per singula ? Omnes Patres Veteris Testimenti æternæ subjiciunt damnationi⁷⁷, quia propter enormitatem peccati ad inferos descendisse credunt, qui præter alia peccata, legem a diabolo traditam observabant⁷⁸. Idem suis rationibus probant, dicentes : Ad quid Patres Veteris Testimenti descendebant ad infernum, nisi propter enorme peccatum ? *In inferno autem nulla est redemptio* (*Offic. Eccles.*). Ipsi ergo redempti non sunt, ergo damnati. Scriptum est etiam in lege : *Maledictus qui non impleverit universa quæ scripta sunt in libro hoc* (*Deut. xxvi*). Petrus etiam ait : *Hoc est onus quod neque nos, neque patres nostri portare potuerunt* **B** (*Act. xv*)⁷⁹. Et Paulus ait Patres Veteris Testimenti subjectos fuisse maledicto legis (*Gal. iii*) ; et ita maledicti fuerunt, quia transgressores, et ita damnati.

CAPUT XXXVIII.

Objectorum infirmatio : et quod Patres Veteris Testimenti non sunt damnati.

Prædicta hoc modo infirmamus, dicentes, quod sicut lex Mosaica a Deo data fuit, et bona, ita illi qui eam ex charitate impleverunt, vitam æternam meruerunt : nam omne opus quod ex charitate fit, vitæ æternæ meritorium est. Unde Augustinus⁸⁰ : « Habe charitatem, et fac quidquid vis. » De Moyse dicimus quod ideo punitus est temporaliter, ut non æternaliter puniretur. Et si de potentia Dei dubitavit, videns tamen Deum ipsum pro peccato punivisse, de eodem peccato pœnituit. Quod homicinem interfecerit, hoc divina inspiratione factum fuit, quia ille qui imperfectus est mortem meruit. Quod vero Æthiopissam duxerit, divina voluntate factum est, vel de hoc pœnituit. Quod autem exercitum duxit in necem humani generis, non sua factum est auctoritate, sed divina. Patet autem quod ipse Moyses Deo placuerit. Legitur namque in Evangelio quod, Christo transfigurato, apparuerunt Moyses et Elias loquentes cum eo (*Matt. xvii*; *Marc. ix*; *Luc. ix*). Si Moyses reprobatus fuisse, cum Christo loquens post mortem non appareret. Præterea, si reprobatus fuisse Moyses, Christus non dixisset in Evangelio : *Si crederetis Moysi, forsitan et mihi crederetis* (*Joan. v*).

Paulus etiam in Epistola ad Hebræos multipliciter eum commendat, dicens quod magis elegerit affligi cum populo Dei, quam in aula regis jucunditatem habere (*Hebr. xi*)⁸¹. Legitur etiam in Epistola Jude quod Michael altercatus est **231** cum diabolo de corpore Moysi, sed ipse auctoritate divina diabolum repulit (*Jud. ix*). Si Moyses reprobatus esset, Michael nunquam de ipsis corpore altercatus fuisse. Hec autem altercatio sic est intelligenda : Diabolus

VARIAE LECTIONES.

⁷⁶ In impresso omnia hic confusa hoc modo : ad aquas contradixit, mox dubitavit. ⁷⁷ Impressum habet, addicunt. ⁷⁸ In impresso sic : qui decepi aliis peccatis, legem a Deo traditam observabant.

⁷⁹ Ms. potuimus. ⁸⁰ In impressum habet, Apostolus.

⁸¹ In impresso sic : quam regis dignitate florere.

volet corpus Moysis sepeliri in terra promissionis, ut illud Israëlitæ adorarent, et sic idololatriæ fierent, sicut serpentem æneum adoraverunt, et ideo perierunt: Michael vero qui præerat Israelitis, volet corpus Moysis sepeliri in monte extra terram promissionis, ut sic Moyses temporaliter puniretur in corpore pro peccato, et ne Judæis daretur errandi occasio. De Aaron quoque dicimus, quod non habuit animum faciendi vitulum conflatilem, sed credens quod Israëlitæ ob suam avaritiam inaures et alia ornamenta sibi negarent, ab eis exegit⁸⁰ et tradita, cum indignatione in ignem projectis (*Exod. xxxii.*), et sicut cum Moyse dubitavit, cum eodem pœnituit, et pro peccato temporaliter cum eo punitus suit.

De Abraham vero dicimus quod ad præceptum Dei filium immolare voluit, sed idem Deus revocavit, cui revocationi Abraham consensit. Nec hoc præcepit Deus ut Abraham filium immolare, sed ut ejus voluntatem probaret. Neque in hoc malignus fuit Deus, sed benignus. Unde et in textu legitur: *Tentavit Deus Abraham*, etc. (*Gen. xxi.*) Apostolus quoque commendans eum dicit: *Creditit Abraham Deo et reputatum est ei ad justitiam* (*Rom. iv.*). Et alibi etiam ait Dëum ei promisso, quod in semine ejus benedicerentur omnes gentes (*Gen. xxi.*). Et de eodem Christus ait: *Abraham vidit diem meum et gavissus est* (*Joan. viii.*). Si Abraham per inspirationem Christi adventum prævidit, potius justus quam malus fuit. Legitur etiam in Evangelio quod anima Lazari delata est in sinum Abrahæ (*Luc. xvi.*), sed per sinum Abrahæ intelligitur requies. Isaac vero non intentione fallendi, sed incolarum timens malignitatem, uxorem suam dixit esse sororem, ne propter eam mortem incurreret. Et hoc forsitan inspiratione divina factum est. De Isaac autem ait Christus quod: *Multi ab Oriente et Occidente venient, et recumbent cum Abraham, Isaac, et Jacob in regno cælorum* (*Matth. viii.*). Item de Isaac ait Apostolus quod Dominus ait Abrahæ (*Exod. xi.*): *In Isaac vacabit tibi semen* (*Rom. ix.*).

Si Jacob, patre nolente, sed fratre volente, primogenita ejus emit, in quo peccavit? nec patrem sine causa decepit, quia eum ipse Jacob justus esset, Esau vero reprobis, potius ei debebatur extrema benedictio quam Esau. Si Noe vini virtutem ignorans, inebriatus est, quæ culpa in eo? De Enoch⁸¹ vero dicimus, quod imagines non invenit, sed quasdam spirituales orationes ad invocandum Deum. Enoch vero non dicitur fuisse raptus de medio, id est mortuus, sed potius in paradisum terrestrem aut aliuj locum nobis occultum, a Deo ductus est. De Josue vero idem judicium dandum est, quod de Moyse datum est, scilicet quod usus fuerit divina inspiratione, et illi quos occidit, morte digni erant,

A et ad justum judicem pertinebat, ut per ministros eos occideret, quos morte temporali dignos esse noscebat. De Samsone dicius, quod divina inspiratione se interfecit, et peccatum quod autea forte fecerat, per mortem expiavit. Jephæ quoque quoniam eum Apostolus commendat, similiter per pœnitentiam se a peccato liberavit.

Gedeon quadam naturali pietate excusari potest, et si peccavit, punitus est in filiis, et se peccasse recognovit. Lot peccasse dicimus per ebrietatem et incestum, sed ei per pœnitentiam remissum est peccatum: quod si reprobis fuisset, non ei angeli apparuerint, nec a Sodomis liberassent, nec propter hospitalitatem Deo placuisse legeretur.

De David, superius data est solutio. Job Deum non redarguit, quamvis prima verborum facies hoc insinuare videatur. Sed hæc ad Christum referenda sunt, ut Gregorius testatur. Hos omnes de quibus facta est mentio, **232** Evangelia et cæteri Novi Testamenti libri justos fuisse asserunt, sicut superius variis auctoritatibus probatum est. Nec Patres Veteris Testamenti ideo descenderunt ad infernum, quod æternæ damnationi propter peccata deputati essent, imo vitam meruerunt æternam, sed propter peccatum primi parentis, imo propter quædam accidentia peccati originalis, et ejusdem effectum⁸², juxta dictum divinae sapientiæ⁸³, paradii janua erat eis clausa. Ad horam quoque in infernum descendebant⁸⁴, ubi non puniebantur materiali pœna, sed carentia visionis Dei, felici spe consolati; nec ad profundum inferni descendebant, de quo dicitur: *In inferno quis confitebitur tibi?* (*Psal. vi.*) Et alibi: *In inferno nulla est redemptio* (*Offic. Eccles.*). Unde et Apostolus ait quod *Christus mortuus est propter peccata nostra, et resurrexit propter justificationem nostram* (*Rom. iv.*). Mortuus enim est ut eos qui detinebantur in tenebris pro effectu peccati originalis, liberaret; et resurrexit ut nobis justitiam conferret. Superius etiam probatum est Christum ad hoc ad infernum descendisse, ut sanctos Veteris Testamenti ab inferni tenebris liberaret. Quod autem in lege dictum est: *Maledictus qui non implevit omnia quæ sunt in libro hoc* (*Deut. xxvii.*), sic est intelligendum: maledictus, id est speciali opprobrio subjectus. Improperabatur autem apud Judæos aliqui, si de præceptis legis aliquod transgredieretur. Vel sic: *Maledictus qui non implevit omnia, ad quæ scilicet implenda tenetur*. Quod autem dixit Petrus, verum est, quia nullus omnia implevit, nec tamen transgressor aliquis fuit, si ea ad quæ tenebatur implevit. In hoc omnes, secundum Apostolum, maledictio legis fuerunt subjecti (*Gal. iii.*), quia nullus omnia implevit, et ita, quilibet spirituali legis opprobrio subjectus fuit.

VARIÆ LECTIONES.

⁸⁰ *Præcedentia omnia, in impresso, totaliter sunt confusa, et sine sensu.* ⁸¹ *Impressum, Enoch.* ⁸² *In impresso habetur, propter quædam originalia, effectum.* ⁸³ *In impresso, pro sapientiæ, habetur sententia.* ⁸⁴ *In impresso sic, et ad ora inferni descendebant.*

CAPUT XXXIX.

Opinio quorundam, qui dicunt baptismum parvulis non prodesse, et quod parvuli non habent peccatum.

Predicti hæretici sacramentis ecclesiasticis obviant: dicunt enim baptismum non valere homini ante annos discretionis. Sed super hunc hæreos articulum, diversi hæreticorum diversa sentiunt. Dicunt enim quidam parvulos non habere peccatum, et ideo parvulis baptismum non esse necessarium. Alii dicunt parvulos habere peccatum, sed remissionem peccati, vel virtutem baptismi non habere locum sine fide. Primi, suam sententiam his rationibus astruere conantur. Primo, ponatur quod parentes sine peccato sint, dum carnaliter coeunt; nec peccat qui generat, nec peccat qui creat, nec peccat qui generatur; per quas ergo rimulas ingreditur peccatum in parvulos? Item, penes velle et nolle consistit omne meritum; sed in parvulis non est velle vel nolle, ergo in parvulis non est meritum boni vel mali. Item, ubi est necessitas, ibi deest libertas: sed ubi non est libertas, ibi non est peccatum. Sed parvuli necessitate concipiuntur in concupiscentia; ergo non tenentur peccato ex eo quod concupiscentialiter generantur²³³. Item, anima ex creatione vel ex seipso non est immunda, ergo non est immunda²³⁴, vel aliunde est immunda, ex eo scilicet quod infunditur corpori, contrahit maculam, et ita videtur injuste puniri pro macula quam non contrahit ex se, sed aliunde. Item, anima contrahit originale peccatum a se, vel a corpore; sed in corpore non est peccatum; ergo non videtur contrahi peccatum a corpore. Si vero contrahit peccatum²³³ ab anima, videtur anima esse ex anima, et ita ex traduce.

CAPUT XL.

Responsio ad præmissas objectiones, et quod parvuli habeant originale peccatum.

Contra primam objectionem dicimus quod alto Dei decreto statutum est ut, post primam primi hominis prævaricationem, omnes qui descenderent ab ipso Adam lege concupiscentiæ, tenerentur omnium peccato originali. Deus a prima mundi creatione naturam creavit²³⁵, secundum quam, similia ex similibus produxit. Cum ergo Deus, mediante natura, res procreaturus esset, propter peccatum Adæ noluit mutare legem naturæ. Hæc enim fuit lex naturæ ab origine, ut ex similibus similia procrearentur, ut de homine homo, de rationali rationalis. Oportuit ergo ut post peccatum Adæ, quia Adam infirmitati fuit subjectus, omnes qui ab eo descenderent, infirmi essent, et sicut ipse reus erat, omnes qui ab eo descenderent lege concupiscentiæ, rei tenerentur. Quia ergo quilibet

A homo concipitur in fetore libidinis, quod peccatum est, reus nascitur.

Ad secundam objectionem, dicimus quod omne peccatum actuale penes velle et nolle est, sed non peccatum contractum, id est originis. Dicit tamen Augustinus quod originale voluntarium est, non voluntate originis, seu quod originalem voluntatem comitem habeat, sed ab origine voluntatis, quia hoc peccatum originaliter contractum a voluntate est primi parentis: prava enim voluntas primi hominis fuit occasio peccati originalis²³⁶. Dicimus etiam quod ubi non est libertas, ibi non est actuale peccatum, potest tamen ibi esse contractum per originem, sive originale. Imo necessarium est parvulum, quia concipitur vitiosa lege nascendi, obnoxium esse originali peccato. Dici tamen etiam posset quod originale peccatum penes arbitrii libertatem consistat, quantum ad libertatem arbitrii Adæ, ex quo occasionaliter processit.

Anima quoque ex se non est immunda, sed quia pars est illius personæ quæ concipitur in fetore libidinis, sicut ipsa persona est rea, sic anima quæ est personæ pars²³⁷. Non est igitur Deo imputandum quod rea est, vel quod punitur, sed vitiosæ legi concupiscendi. Itaque, homo non contrahit originale vel ex corpore, vel ex anima, sed, ut jam dictum est, ex lege vitiosa concupiscendi. Et licet anima contraheret maculam a corpore, non tamen adhuc sequeretur quod illa esset in corpore; sicut aliquis contrahit febrem ex anguilla quam comedit, non tamen febris est in anguilla, sed ipsa præbet occasionem febricitandi. Similiter, corpus corruptum est occasio cur in anima sit macula.

Quod autem peccatum sit in parvulo, patet per David qui ait: *Ecce enim in iniurialibus conceptus sum, et in peccatis concepit me mater mea (Psal. L).* Dicit etiam Paulus quod per unum hominem peccatum intravit in mundum, et per peccatum mors, et ita in omnes homines mors pertransit (Rom. v). Et, quod per unius prævaricationem, omnes facti sunt rei (ibid.). Et in Evangelio Joannis, ostenditur, quod parvulus in peccato nascitur, ubi dicitur: *Rabbi, quis peccavit, hic an parentes ejus, ut cæcus nasceretur (Joan. ix)?* Hic innuitur quod ex peccato concepti poterat provenire ut cæcus noscere-

234 CAPUT XLI.

Opinio hæreticorum qui dicunt quod nulli prodest baptismus ante annos discretionis.

Alii hæreticorum dicunt, quod parvuli peccatum habent, sed eis non prodest baptismus ante discretionis annos, quia fidem non habent.

Quod probare volunt auctoritate quæ ait: *Quia*

VARIE LECTIONES.

²³³ In impresso habetur in concupiscentia, pro concupiscentialiter. ²³⁴ In impresso hoc ultimum præmissum est. ²³⁵ In impresso, matrimonium creavit. ²³⁶ In ms. pro occasio, habetur origo. ²³⁷ In impresso, totus hic discursus sine ullo ponitur sensu.

crediderit et baptizatus fuerit, salvus erit; qui vero non crediderit, condemnabitur (Marc. xvi). Quasi dicat auctoritas: Sine baptismo non valet fides, nec baptismus sine fide. Unde baptizandus rogari solet, utrum credit in Deum Patrem omnipotentem. Otiosum ergo esset parvulos baptizare, cum superflue ab eis exigeretur fides. Item, si gentilis vel satius baptizaretur, ei non prodesset baptismus, a simili non potest prodessere parvulo. Item, circa parvulos non habent locum cetera sacramenta, ut sacramentum extremæ unctionis, matrimonium, ordo, eucharistia, penitentia, confirmatio: a simili, nec circa recenter natos locum habet baptismus. Item, non legitur quod in institutione baptismi baptizati fuerint parvuli, sed adulti; nec etiam Christus in minori aetate baptizatus est, sed in adulta: unde videtur hanc formam baptizandi praebuisse, ut scilicet non baptizarentur nisi adulti. Item qui baptizantur, prius catechizantur et instruuntur; quomodo ergo baptizari possunt, qui nec instrui possunt?

CAPUT XLII.

Solutio præmissorum, et quod baptismus prodest ante annos discretionis.

Ad haec dicimus quod prima auctoritas, scilicet *Qui crediderit, etc.* (Marc. xvi), non solum pertinet ad adultos, sed etiam ad parvulos, dicuntur autem parvuli fidem habere non a sacramento fidei, sed a fide sacramenti. In Evangelio vero non sit mentio nisi de adultis quibus prædicatur Evangelium, et ideo ad eos solos est referendum quod dicitur: *Qui crediderit et baptizatus fuerit.* Praecepta enim in jure civili non dantur parvulis et indiscretis, sed adultis et discretis. Quod in baptismō fides exigitur a parvulis, non ideo sit ut tunc habeant, sed ut habeant tempore congruo.

Unde patrinus respondet pro parvulo, *Credo, id est fidem despondeo, quam habiturus est tempore determinato.* Dicimus quoque quod si gentilis adultus est ita satius quod invincibili ignorantia nullum mortale addit originali¹⁰, si baptizetur, originale remittitur.

Et licet alia sacramenta non soleant parvulus exhiberi, tamen quia baptismus institutus est contra vulnus originalis peccati, sine cuius remissione nec parvulus nec adultus est salus, ideo tam parvulus quam adultus est necessarius. In baptismi autem institutione, quia adhuc vigebat circumcisio, quæ originale peccatum delebat, non oportebat parvulos baptizari, cum jam circumcisi essent. Adulti autem baptizabantur, ut inde vita regenerativam aquis inesse inteligerent¹¹, et alias ad

baptisma invitarent. Christus autem sicut alia sacramenta tradidit in annis discretionis, ita et baptizari voluit in annis discretionis, ut exemplum baptizaudi illis traderet. Catechismus autem proponitur parvulis, non ut tunc instruantur, sed quomodo in annis discretionis instrui debeant, ostendatur.

235 Quod autem parvulis valeat baptismus, illa auctoritate Joannis probatur: *Nisi quis renatus fuerit ex aqua et Spiritu sancto, non potest intrare in regnum Dei (Joan. iii).* Hic nullus excluditur, parvulus vel adultus: igitur baptismus omnibus est necessarius. Item, quidam inter innocentes ab Herode occisos, fuerunt unius vel duorum dierum (Matth. ii): eis autem est remissum peccatum originale, quia salvati sunt¹². Sed non est remissum per circumcisioem, quia haec non siebat citra diem octavam. Qua ergo virtute dimissum est, nisi baptismō sanguinis, qui æquivalet baptismō fluminis¹³? Etenim triplex baptismus, fluminis, flaminis et sanguinis. De primo dicitur: *Euntes in mundum, docete omnes gentes, baptizantes eos in nomine Patris, et Filii, et Spiritus sancti (Matth. xxviii).* De secundo dicitur: *Ille baptizabit vos in Spiritu sancto et igne (Matth. iii; Marc. i).* De tertio dicitur: *Baptismo habeo baptizari, etc. (Luc. xii).* Item, circumcisio in Veteri Testamento siebat octavo die ad delendum originale peccatum, eamdem vim obtinet baptismus in Novo Testamento: ergo eadem ratione valeat baptismus parvulis, qua valebat circumcisio. Forte dicent haeretici, nullius efficaciae vel sanctitatis fuisse circumcisioem. Sed quid dicent de Christo, qui octavo die fuit cireuncisus, quam non suscepisset, nisi ut in se legem adimplendam ostenderet. Negabunt forsitan Abraham circumcidisse filium suum Isaac. Sed hoc attestatur apostolus Paulus, et eamdem antiquitus profuisse suspicentibus asserit. Item Dominus præcipiens omnes gentes baptizari, non exclusit parvulum vel adultum. Item Christus ait: *Sinite parvulos venire ad me; talium est enim regnum cœlorum (Marc. x).* Sed non possunt venire ad Christum, nisi per baptismum, quia sine hoc salvari non possunt. Sunt ergo baptizandi ut ad Deum veniant, et salventur. Per multa quoque similia potest ostendi quod puer salvari potest in fide alterius, per baptismum. Nam in Evangelio legitur quod puer centurionis, merito ejus a Domino sanatus est (Matth. viii). Filia etiam archisynagogi defuncta, ad preces ejus suscitata est (Marc. v). Item, offerentium meritis sanatus est paralyticus (Matth. ix); et ad intercessionem mulieris Chananææ filia ejus a dæmonio liberata est (Matth. xv). Si ergo multi aliorum meritis sanati sunt in anima et corpore, quanto magis parvuli sal-

VARIÆ LECTIONES.

¹⁰ In impresso præcedentia omnia imperfecta sunt. ¹¹ In impresso quedam hic prætermittuntur, q. à sensum relinquunt imperfectum. ¹² In impresso perperam hic additur circumcisio. Sed et immediate sequentia nullum admittunt sensum perfectum. ¹³ In impresso habet flaminis.

vari possunt in fide aliorum per baptismum? Item, A et pœnæ, sc̄e gratiae collationem in anima; quia si puer ante baptismum damnandus erat pro peccato alieno, scilicet Adæ, cur post baptismum non erit salvandus in fide aliena, scilicet fide patrini vel Ecclesia? Alias injuste ageretur cum parvulis, cum non habeant liberum velle vel nelle, si baptismi sacramentum in fide aliorum eis prodesse non posset. Apostolus etiam conferens ^{**} delictum Adæ gratiae Christi, ostendit non sic esse delictum sicut et donum (*Rom. v*), quia plus valet donum quam delictum. Quia, si unum delictum processit in omnes occasionaliter, gratia Christi delevit et originale et actuale. Et sicut originale peccatum transfusum est in posteros, sive parvulos, ita donum, id est gratia, collata est parvulis per baptismum. Alter, non esset donum amplius quam delictum. Item si nullo modo potest remitti parvulis peccatum, cur est eis imputandum?

CAPUT XLIII.

Opinio hæreticorum qui dicunt quod baptismus nullum habet efficaciam, vel in parvulis, vel in adultis.

Sunt qui dicunt sacramentum baptismi quod celebratur in Ecclesia Dei, nullam habere efficaciam in parvulis vel adultis. **236** Afferunt enim penes hominis voluntatem, non penes rem extrinsecam esse omne meritum. Hoc autem multipliciter asserere nituntur. Et primo sic: Iste accedens ad baptismum, pœnitit vel non. Si non pœnitit, non prodest ei baptismus; si pœnitit, iam justificatus est, et omne peccatum est ei remissum: ergo non habet baptismus in eo efficaciam remittendi peccatum; et sic, non est necessarius baptismus aquæ quantum ad peccati dimissionem. Apostolus etiam ait: *Neque qui plantat, neque qui rigat est aliquid, sed qui incrementum dat Deus (I Cor. iii).* Quasi dicit: Nec prædicatione, nec baptismo remittitur peccatum, sed sola divina gratia. Item, si sacramenta instituta sunt ad peccati remissionem, quare non ab initio generis humani sunt instituta, ut antiqui Dei gratia magis indigentes, per hæc peccatorum remissionem consequerentur? Item, quæ est hæc vis aquæ, ut corpus tangat, et mentem abluat?

CAPUT XLIV.

Solutio prædictorum, et quod baptismus efficaciam habeat in parvulis et in adultis.

Primam objectionem sic infirmamus: Dicimus quod penes voluntatem est omne meritum. Non excludimus tamen ^{**} bonum opus vel sacramentum. Et si forte alicui ante baptismum remittatur omne peccatum, tenetur tamen adhuc suspicere baptismi sacramentum; tum ad implendum divinum mandatum, tum etiam ad plenioram remissionem culpæ

A baptismus non exigit gemitum vel planetum ^{**}. Ex predicta solutione infirmata est secunda objectio, quia in baptismō non remittitur peccatum solum originale, verum et alia, etiam venialia, si in pœnitente sunt dum baptizatur, et, ut dictum est, gratia additur. Ad hoc quod Apostolus ait, dicimus quod neque baptismus, neque prædicatio ex vi sua confert aliquid, nisi per gratiam divinam. Ad aliud dicimus, quod sicut in fide quædam processio fuit, et in Dei manifestatione, et in sanctorum multiplicatione, ita in sacramentorum collatione. Nam ante legis traditionem sufficiebat alicui credere Deum unum, remuneratorem bonorum, et punitorum malorum, cum observatione naturalium præceptorum. Deinde, ipsa fides processum habuit tempore Veteris Testamenti, quia majores tenebantur credere, Deum trinum et unum, et quæ in sacramentis continebantur. Tempore vero gratiae, ad plura credenda tenentur fidèles. Secundum ergo processum fidei, processum babuit Dei cognitio, et fidelium multiplicatione, et sacramentorum traditio. Decuit ergo quod in adventu Domini qui erat redemptor generis humani, multiplicaretur gratia, et sacramenta gratiarum collativa.

B Vim illam aquæ qua mens purgatur hominis, confert Verbum cœlestis, id est Dei Filius, juxta illud: « Accedit verbum ad elementum, et fit sacramentum, non quod dicitur, sed quod creditur. » Quid est ergo illud quod creditur, nisi Dei Filius ^{**}, cuius virtute consecratur baptismus?

Quod autem omnes teneantur ad baptismi susceptionem, multis auctoritatibus probatur. Ait enim Christus: *Nisi quis renatus fuerit ex aqua et Spiritu sancto, non potest intrare in regnum Dei (Joan. iii).* Et alibi: *Ite, prædicate Evangelium omni creaturæ; baptizantes eos, etc. (Marc. xvi).* Item Petrus ait: *Pœnitentiam agite, et baptizetur unusquisque vestrum (Act. ii).* Item: *Qui crediderit, et baptizatus fuerit, salvis erit (Marc. xvi).* Item, quare cum tanta solemnitate baptizatus est Christus, nisi ut significaretur **237** magis baptismi virtus? In baptismo enim Christi, coeli aperti sunt, vox Patris auditæ est, Spiritus sanctus apparuit in ec-

D lumbæ specie (*Matth. iii*). Sed forte dicent Christum suis baptizatum, hoc sic astruere volentes: Christus non indiguit baptizari, cum a peccato liber esset ^{**}; ad quid ergo baptizaretur? Præterea, quanta esset presumptio, si Joannes Christum baptizaret?

Ad hoc dicimus quod non ideo Christus baptizatus est, quod baptismo indiguerit, sed ut aquis vim regenerativam conferret, et baptizandi exemplum aliis præberet.

VARIAE LECTIONES.

^{**} In impresso pro conferens, male habetur consensu. ^{**} In impresso voluntas non excludit. ^{**} In impresso pro vel, male habetur sed. ^{**} In impresso habetur sic: Quod est ergo illud verbum quod creditur? ^{**} Hæc ultima verba in impresso prætermissa sunt.

Et sicut circumcisus est ut legis præceptum im-
pleret, sic et baptismi sacramentum suscepit, ut
supremum humilitatis gradum impleret, ab inferiori
suscipiendo baptismi. In Joanne quoque non fuit
præsumptio⁹⁹, si Christum baptizavit, quia Christo
*ita placuit. Unde in Matthæo legitur: *Venit Jesus a**

Galilæa ad Joannem in Jordane, ut baptizaretur ab

eo. Joannes autem prohibebat eum dicens: Ego a te

debeo baptizari, et tu venis ad me? Respondens au-

tem Jesus dixit: Sine modo; sic enim decet nos im-

plere omnem iustitiam. Tunc dimittit eum. Baptizatus

autem Jesus, confestim ascendit de aqua (Math. iii).

Hic dicitur quod Jesus baptizatus fuit. Et in Marco

*legitur: *Veniens Jesus a Nazareth Galilææ, bapti-**

zabatur a Joanne in Jordane (Marc. 1). Voluit

ergo Jesus Christus baptizari, ut baptismum con-

firmaret, et aliis exemplum præberet, et specialiter

Joannis baptismo¹⁰⁰, in quo peccata non dimitte-

bantur, ut ostenderet se absque peccato esse, et non

indigere remissione originalis vel actualis, cum

neutrum habuit¹. In baptismo namque Joannis,

tantum corpora exterius lavabantur, nec peccata

remittebantur; quod exinde patet, quia quos Joa-

nnes baptizaverat, hos postea Christus baptizavit.

*Unde idem Joannes: *Ego baptizavi vos aqua, ille**

vero baptizabit vos Spiritu sancto (Math. iii;

Marc. 1).

CAPUT XLV.

Opinio hæreticorum qui dicunt quod baptismus non

prodest sine manus impositione.

Fuerunt qui dicenter baptismum non prodesse
 sine manus impositione; quia in Actibus apostolo-
 lorum legitur quod apostoli manus imponebant ba-
 ptizatis, et sic accipiebant Spiritum sanctum (Act.
 viii). Sed tunc primo Spiritus sanctus datur quando
 peccatum remittitur: ergo ante manus impositionem
 non dimittitur peccatum; et sic baptismus non valet
 sine manus impositione.

Dicunt etiam illud hæretici quod omne pecca-
 tum, quantumcunque fuerit, per manus impositio-
 nem remittitur, præsertim si unus ex ipsis hæreticis
 quos perfectos vocant, manus imposuerit. Et sic hac
 occasione multos ad peccata invitant, spem in ma-
 nus impositione ponentes, qui per diversa peccata
 diffluant. Hi etiam distinguunt inter consolatos et
 perfectos: Consolatos vocant eos qui nuper ad
 eorum hæresim venerunt, et nondum in ea sunt
 confirmati; sed hi potius dicendi sunt desolati quam
 consolati. Perfectos vero dicunt eos, qui in hæresi
 sunt confirmati; sed hi potius in defectu quam
 perfectione consistunt.

238 CAPUT XLVI.

Solutio prædictorum.

Prædictam eorum objectionem sic refellimus: Cum

A legitur in Actibus apostolorum, quod quidam qui
 baptizati erant, non acceperant Spiritum sanctum,
 sic intelligendum est: acceperant eum in peccati
 remissionem, sed non in significationem². Nam in
 primitiva Ecclesia quodam speciali signo significabatur
 Spiritus sancti descensus in baptizatos, vel
 quod statim loquebantur variis linguis, vel alio spe-
 ciali miraculo. Cum ergo dicitur quod aliqui bapti-
 zati nondum acceperant Spiritum sanctum, sic est
 intelligendum: nullo visibili signo significatus erat
 descensus Spiritus sancti in eos. Sed postquam apo-
 stoli manus super eos imposuerunt acceperunt Spi-
 ritum sanctum, id est descensus Spiritus sancti in
 eos quodam visibili signo demonstratus est. Non
 legitur tamen quod omnibus baptizatis imposita fuit
 manus.

B Nec etiam usque reperitur quod eunucho qui a
 Philippo baptizatus est (Act. viii), fuerit imposta manus.
 Nec centurioni, quem Petrus baptizavit
 (Act. x). Sine ergo manus impositione peccatum
 deletur, et gratia confertur.

Dicitur autem Spiritus sanctus accipi multis mo-
 dis, scilicet quantum ad peccati remissionem, vel
 iustitiae collationem, vel donorum divisionem, vel
 ad virtutum robur.

CAPUT XLVII.

*Opinio hæreticorum qui dicunt quod post remis-
 sionem peccatorum quæ sit in baptismō, locum non
 habet pœnitentia.*

C Alii hæretici asserunt quod post remissionem quæ
 sit in baptismo, non habet locum alia quæ sit per
 pœnitentiam: quod nituntur probare variis auto-
 ritatibus. Dicunt etiam illud esse peccatum in Spi-
 ritum sanctum, quod sit post peccati remissionem
 in baptismo factam, quia specialis sit injuria gratiæ
 Spiritus sancti, cum post acceptam gratiam re-
 dit quis ad culpam. Unde dicunt quod hoc pecca-
 tum nec hic, nec in futuro dimittetur.

D Unde si quis illorum peccaverit, postquam illorū
 baptismū suscepit, sine omni injuria³ ejici-
 tur ab eorum consistorio. Quod videtur haberi
 ab Apostolo⁴ in Epistola ad Hebræos. Ait enim⁵:
Impossible enim est eos qui semel sunt illuminati,
gustaverunt etiam cælestis donum, et participes facti

sunt Spiritus sancti, gustaverunt nihilominus bonum

Dei verbum, virtutesque futuri sæculi, et prolapsi

scit, renovari rursus ad pœnitentiam (Hebr. viii).

Idem in eadem: Voluntarie peccantibus nobis post

acceptam notitiam veritatis, jam non relinquitur pro

peccati hostia. Terribilis autem est quedam iustitia⁶,

*et ignis temulatio, quæ consumpta est [consump-
 tura est] contra adversarios (Hebr. x).*

Conantur etiam idem rationibus probare quod
 sicut baptismus, vel ordo, vel confirmatio iterari

VARIÆ LECTIONES.

⁹⁹ *In impresso omissum est verbum non, unde absurdissime contrarius causatur sensus.* ¹⁰⁰ *In impresso pro Joannis baptismo, habetur Joanni baptistæ, cum insigni rursus confusione sensus.* ¹ *In impresso habetur amicit, sed perperam.* ² *In impresso additur in Justi significationem.* ³ *In impresso habetur misericordia, et bene.* ⁴ *In impresso quod videtur insinuare Apostolus.* ⁵ *In impresso cum ait.* ⁶ *In impresso pro iustitia, habetur exspectatio judicii.*

non debet, sic nec poenitentia. Item, qui semel de peccatis suis penitet, omnibus diebus vitaे suae de eisdem poenitere tenetur; ut ait auctoritas: ergo si incidat in peccatum, cassa et frustratoria est illa poenitentia.

Unde et auctoritas ait: « Poenitere est **239** peccata deflere, et flenda iterum non committere. » Augustinus etiam velle dicitur, quod poenitentia iterari non possit: ergo si prima poenitentia debet continuari usque in finem, secunda locum habere non videtur.

CAPUT XLVIII.

Objectorum solutio, et cur poenitentia iteretur, et non baptismus, et quædam alia sacramenta.

Ad primam auctoritatem dicimus quod Apostolus loquitur ibi contra quosdam qui dicebant baptismum posse iterari ad poenitentiam peccati⁷. Negat ergo iterationem baptismi, dicens⁸ quod impossibile est eos qui semel acceperunt quod ibi legitur⁹, rursus per baptismum rénovari lapsos ad poenitentiam (*Hebr. viii*).

Secunda sic est intelligenda: *Jam non relinquitur hostia pro peccato* (*Hebr. x*), subaudi in Novo Testamento, sicut in Veteri Testamento datum est saepius offerri hostiam pro peccato. Non enim est Christus iterum immolandus pro peccato, quod semel factum est, et secundo non est opus. Sed magis opus est manere in fide et veritate, quod si non feceris¹⁰, iudicium te exspectat, nisi per poenitentiam renoveris. Ideo subditur: *Terribilis autem, etc.* (*ibid.*). Sed in hoc non excludit poenitentiam, sed baptismum secundum. Nam non dixit, non est ultra poenitentia vel remissio, sed, hostia, id est crux secunda¹¹, quia unica sufficit. Hoc dicit ne ultra hic exspectemus, sed poeniteamus.

Dicimus etiam quod baptismus vel confirmatio, vel ordo iterari non possunt. Nam baptismus Christi passionem representat, sicut ipse semel est oblatus, semel est passus, ita passionis representatione iterari non debet propter dignitatem. Similiter ordo, qui est sacramentum dignitatis iterari non debet propter sui dignitatem: a simili, sacramentum confirmationis, ratione propriae dignitatis; poenitentia vero est quasi secunda post naufragium tabula.

Primum enim naufragium est in originali peccato, contra quod valet baptismus; secundum naufragium est in actuali peccato, contra quod est secunda tabula, scilicet poenitentia. Et si plures occurrat peccatum, plures debet occurtere poenitentiae remedium. Unde dicitur quod quis toto tempore vitaе suae poenitere tenetur, quia nimis per totam vitam suam peccat. Si quis autem

VARIÆ LECTIONES.

⁷ In impresso in remissionem peccatorum. ⁸ Impress. insinuans. ⁹ Impressum in supra dicta auctoritate legitur. ¹⁰ In impresso, verbum, feceris, prætermissum est. ¹¹ Hoc ultimum in impresso est prætermissum, omnino tamen ponendum est. ¹² In impresso, frustratarium remedium. ¹³ In impresso, pro propria voluntate, habetur, vel opere vel voluntate. ¹⁴ In impresso, Hieronymi. ¹⁵ In impresso, reprobari. ¹⁶ In impresso male habetur intelligitur. ¹⁷ In impresso additur criminibus. ¹⁸ In impresso habetur Hieronymus.

A de peccato penitet, et patitur peccati recidivum, præmissa penitentia est frustratoria¹⁴, quia non est æternæ beatitudinis consecutiva. Si tamen iterum de peccato penitet, sequens penitentia efficax est et fructuosa. Quod antem dicitur: « Poenitentia est peccata deflere, et flenda iterum non committere, » sic est intelligendum, ut non ad diversa tempora, sed ad idem referatur, ut scilicet tempore quo deflet commissa, non committat, proposita voluntate¹⁵, flenda. Vere autem sic describitur penitentia: « Poenitentia est anteacta peccata deflere, et deflenda iterum nolle committere. » Verba autem Origenis¹⁶ quibus videtur velle quod penitentia iterari non possit, hæc sunt: « Si nos aliqua culpa morari venit, quæ non est in crimine mortali, vel in blasphemia fidei, sed in sermonis vel morum viatio consistat, hæc culpa semper potest reparari¹⁷, nec interdicitur¹⁸ plures penitentiam agere; sed de gravioribus¹⁹ tantum semel conceditur penitentia locus. » Ambrosius etiam ait: « Reperiuntur, qui saepè penitentiam agendam putant, qui luxuriantur in Christo; nam si veram penitentiam agerent in Christo, iterandam postea, non peccarent, quia sicut unum baptismum, ita una penitentia. » Sed quod Origenes²⁰ ait, de solemní poenitentia intelligendum est, quæ palam fuit **240** extra ecclesiam, in cinere et cilicio, quæ pro gravioribus horrendisque peccatis tantum imponitur: et illa non est iteranda, pro reverentia sacramenti, et ne vilescat, et hominibus contempsibilis fiat. Similiter et illud Ambrosii, et etiam illud quod alibi ait: « Poenitentia semel usurpata, nec vere celebrata, et fructum prioris aufert, et usum sequentis amittit; de solemní poenitentia intelligendum est.

CAPUT XLIX.

Quibus auctoritatibus et rationibus probatur, quod poenitentia potest iterari.

Quod poenitentia non tantum semel, sed saepius iteretur, et per eam frequenter venia præstetur, exemplis, rationibus et auctoritatibus probatur. Legimus Petrum saepius peccasse. Nonne etiam antequam ad Christum veniret (*Marc. iii*), peccaverat? Unde mutatio nominis significavit mutationem status mentis, cum dictum est: *Tu es Petrus* (*Matth. xvi*). Et quando facta est contentio inter discipulos, quis eorum videretur esse major (*Luc. xii*), nonne tunc Petrus peccavit, si de principatu litigavit?

Similiter quando Christum instruere voluit, dicens: *Absit a te, Domine!* (*Matth. xvi*). Et Christus ait ei: *Vade retro, Satanás* (*ibid.*). Et forsitan, quando ex quadam præsumptione ait: *Etsi oportuerit me mori tecum, non te negabo* (*Matth. xxvi*). Item, quando Malchi auriculam abscondit (*Joan.*

xviii), et quando Christum negavit (*Matth. xxvi*). Sed sicut in Petro iterata sunt peccata, sic per iteratam poenitentiam ei dimissa. Unde legitur, quod sui peccati recordatus, flevit amare (*Luc. xxii*). Similiter ceteris apostolis ante Christi resurrectionem saepe peccantibus, per iteratam poenitentiam peccata sunt dimissa. Et si Veteri Testamento fidem adhibent, posset idem astrui exemplo David, qui legitur frequenter peccasse, et frequenter poenituisse. Augustinus etiam scribens contra quosdam haereticos, qui dicebant peccantibus post baptismum, semel tantum utilem esse poenitentiam, ait: « Ita adhuc persidi, quoniam¹⁹ plus quam oportet sapient, non sobrii, sed excedentes mensuram, dicunt quod etsi semel post baptismum valet poenitentia, non tamen saepe peccantibus prodest iterata, alioquin remissio esset ad peccatum incitatio; quis enim peccare cessaret, si semper redire posset? » Dicunt etiam Deum esse incitatem ad malum, si semper peccata dimitteret, vel poenitibus subvenire: eique placere peccata, cum semper praesto esset remittere. Errant autem; constat enim ei displicere virtus, qui semper praesto est destruere illa: si illa amaret, non illa semper destrui curaret²⁰. Dicit etiam Joannes Chrysostomus, de reparatione lapsi: « Talis est erga homines Dei pietas, nunquam spernit poenitentiam, si ei sincere offeratur²¹. Eliamsi ad summum quis venerit malorum, et inde reverti velit ad veritatis viam, sufficit²², amplectitur libenter, et omnia facit quatenus ad priorem revocet statum, quodque adhuc praestantius est²³, etiamsi non potuit quis explore omnem satisfactionis ordinem, quantulamcunque tamen, et quantumlibet brevi tempore gestam non respuit poenitentiam. Suscipit namque ipsam, nec patitur, quamvis exiguae conversionis²⁴, perdere mercedem. » Rationibus etiam idem probatur. Iste post baptismum peccavit, non potest ei subvenire poenitentia vel aliud sacramentum, ad peccati remissionem. Ergo in eo perit libertas arbitrii, ita quod non possit bene operari, vel per poenitentiam peccatum delere: non est ergo imputandum ei, si non bene operatur, cum ex necessitate permaneat in peccato.

Item, iste dolet de peccato quantum debet dolore, et conteritur, peccatum confitetur, pro ipso satisficit; ergo injuste cum eo agitur, si non ei remittitur peccatum.

241 CAPUT L.

Opinio haereticorum qui dicunt poenitentiam non valere ad peccati remissionem.

Sunt alii asserentes nullam poenitentiam valere ad peccati remissionem. Quod sic probare conantur: Deus remittit peccata gratis, ergo non bonis meritis, ergo nec per poenitentiam. Si enim per poeni-

tiam dimittitur peccatum, merito poenitentiae dimittitur. Item, auctoritas ait: *Non ex operibus quae fecimus nos, sed ex sola gratia salvos nos fecit* (*Tit. iii*). Item: *Non est volentis neque currentis, sed misericordis Dei* (*Rom. ix*). Item, prima gratia quam Deus operatur in homine, est peccati remissio, quam operatur sine homine. Ergo non mediante poenitentia remittitur culpa²⁵.

CAPUT LI.

Præmissorum solutio, et quod poenitentia valet ad peccati remissionem.

Prædicta refellimus dicentes quod per solam Dei gratiam remittitur peccatum, nec poenitentia est causa efficiens remissionis peccati, sed tantum gratuita Dei voluntas. Est tamen causa sine qua non, quia nisi homo poeniteat, non dimittitur a Deo peccatum. Sic sol domum illuminat quia fenestra aperitur, non tamen apertio fenestra est causa efficiens illuminationis, sed occasionalis tantum, sed ipse sol est causa efficiens illuminationis.

Quod autem dicitur: *Non ex operibus quae fecimus nos, etc.* (*Tit. iii*), sic est intelligendum, quod opera non excludant gratiam, nec gratia, opera, quia ex gratia sunt opera, et ipsa gratia est causa salutis efficiens.

Similiter gratia non excludit poenitentiam, nec poenitentia gratia quia poenitentia est quedam gratia. Similiter intelligendum est: *Non est volentis, etc.* (*Rom. ix*), quamvis cursus, id est bona operatio, vel bona voluntas sit salutis occasio, causa tamen efficiens est Dei misericordia. Concedimus etiam quod Deus primam gratiam in nobis operatur sine nobis, juxta prædictam intelligentiam.

CAPUT LII.

Opinio haereticorum qui dicunt quod sufficit soli Deo confiteri.

Sunt alii haeretici qui dicunt sufficere soli Deo confiteri, quod sic probare conantur; ait Ambrosius super Lucam: « Ideo flevit Petrus, quia culpa subrepsit ei²⁶: non invenio quid dixerit, invenio quod flevit, lacrymas ejus lego, satisfactionem non lego: quod defendi non potest, ablui potest: lacrymæ lavant delictum, quod voce pudor est confiteri; et venie fletus consultit et verecundiae. » Hoc etiam dicit Maximus episcopus. Item Joannes Chrysostomus, super Epistolam ad Hebreos: « Non tibi dico ut te prodas in publicum, neque te apud alios accuses, et obedire te volo Prophete dicenti: *Revela viam tuam ante Dominum* (*Psal. xxxvi*): ergo confitere peccata tua apud verum iudicem cum ratione²⁷, delicta tua pronuntia non lingua, sed conscientiae tuæ memoria; et tunc demum spera misericordiam consequi posse. Si habueris peccata tua in mente quotidie, nunquam

VARIE LECTIONES.

¹⁹ In impresso habetur ad hoc instant perside. ²⁰ In impresso, non semper defleret. ²¹ Impressum addit sincere et simpliciter. ²² Ms. suscipit. ²³ Impressum addit et eminentius. ²⁴ In impresso, absurdissime, pro conversionis, habetur perditionis. ²⁵ In impresso, per totam hanc periodum nullus est sensus, sed omnia confusa. ²⁶ Impressum habet obrepit. ²⁷ Impressum cum oratione.

malum aduersus proximum tuum in corde tenebis. » Item idem : « Peccata tua dico ut dereas illa, sed si confunderis alicui dicere, dico ea quotidie in anima tua. Non dico ut confitearis ea servo tuo²⁸, ut tibi exprobret, sed dico Deo, qui curat ea. Nec enim si non dixeris, ignorat ea; cum faciebas, præsto erat; cum admitteres ea, cognoverat. »

242 CAPUT LIII.

Solutio, et quod homo tenetur confiteri peccata sua.

Prædicta sic solvimus : Illud Ambrosii : « Lacrymæ lavant delictum, etc.; » ad publicam pœnitentiam referendum est. Ibi enim virtutem lacrymarum et confessionis ostendens, innuere voluit quod lacrymæ occultæ, secreta confessio soli sacerdoti facta, lavant delictum, quod pudet aliquem publice confiteri. Quod autem dicit se Petri lacrymas legisse, non confessionem vel satisfactionem, per hoc neutrum excluditur : multa enim facta sunt quæ scripta non sunt. Vel forte, nondum facta erat illa institutio confessionis quæ nunc est. Vel sic intelligi potest, « lacrymæ lavant delictum, » id est fletu purgantur ubi pudor est in confitendo, quia nisi in confessione fuerit verecundia, non deletur culpa²⁹.

Illud Joannis Chrysostomi non est sic intelligentium, ut liceat alicui, si opportunitatem habeat, sacerdoti non confiteri, sed quia sufficit, ubi crimen occultum est, soli Deo per sacerdotem dicere, et semel, nec oportet publicare coram multis, quod est occultum, sicut ipse notavit dicens : « Non tibi dico ut te prodas in publicum, » etc. Sicut enim publica noxa publico eget remedio, ita occulta, secreta confessione et occulta satisfactione purgatur.

Nec est opus ut quod sacerdoti semel confessum, iterum confitemur. Attamen non tantum lingua carnis, verum etiam lingua cordis apud verum judicem confiteri debemus, si peccata nobis remitti velimus. Unde idem Joannes Chrysostomus ait³⁰ : « Si tuorum peccatorum recorderis, et frequenter in conspectu Dei pronunties, et pro eis depreceris, citius ea delebuntur. Si vero obliviscaris, tunc eorum recordaberis nolens, quando publicabuntur, et in conspectu proferentur omnium inimicorum, et amicorum, et sanctorum angelorum. »

CAPUT LIV.

Quibus auctoritatibus probatur quod pœnitentia valeat ad remissionem peccati.

Quod pœnitentia valeat ad remissionem peccatorum, multiplex auctoritas monstrat. Ait enim Joannes : *Pœnitentiam agite, appropinquavit enim regnum cælorum* (Matth. iii). Idem ait Christus. Et Petrus in Actibus apostolorum ad eos, qui ad ejus prædicationem compuncti fuerant corde : *Pœnitentiam agite, et baptizetur unusquisque ve-*

A strum (Act. ii). Item Petrus : *Pœnitentiam agite, ut delazuntur peccata vestra* (Act. iii). Quæ considerantur in pœnitentia, exiguntur ad peccati remissionem, scilicet, cordis contritio, confessio, satisfactio. Quod tamen hæretici negant.

CAPUT LV.

Quibus auctoritatibus probatur quod contritio valeat ad remissionem peccati.

Quod contritio valeat ad remissionem peccati, patet per Evangelium, ubi legitur quod *recordatus est Petrus verbi quod dixerat ei Jesus : Priusquam gallus cantet, ter me negabis. Et egressus foras, flevit amare* (Matth. xxvi). Ecce quomodo corde compunctus et mali præteriti recordatus, currit ad lacrymas. Præterea, quomodo **243** remittetur homini peccatum nisi volenti? sed cum homo vult sibi remitti peccatum, vult non habere peccatum: vult ergo se non esse in peccato; ergo conteritur de peccato. Si jam prædicti hæretici crederent prophetis, per eos probari posset, contritionem valere ad peccati remissionem. Ait enim auctoritas : *Quacunque hora peccator ingemuerit, omnium iniquitatem ejus non recordabor* (Ezech. xviii). Et Joel : *Scindite corda vestra, et non vestimenta vestra* (Joel. ii). David etiam ait : *Cor contritum et humiliatum, Deus, non despicies* (Psal. l). Contritio enim est cumpunctio cordis, quæ nascitur ex recordatione præteriorum malorum, cum intentione non relabendi, malens omnia mortis subiisse pericula, quam tali laborasse culpa.

CAPUT LVI.

Quibus auctoritatibus probatur quod confessio valeat ad remissionem peccatorum.

Similiter oris confessio ad peccati deletionem exigitur, licet hoc ipsum etiam hæretici negent. Ait enim in canonica Epistola Jacobus : *Confitemini alterutrum peccata vestra* (Jac. v). Non dixit soli Deo, ut ipsi dicunt, sed *alterutrum*³¹. Item Paulus : *Corde creditur ad justitiam, ore autem confessio fit ad salutem* (Rom. x). Christus etiam præcepit iis quos a lepra sanaverat, ut se ostenderent sacerdotibus, per hoc insinuans, quod ille qui vult a lepra peccati mundari, debet se per confessionem ostendere sacerdoti. Pluribus etiam

D sanctorum auctoritatibus potest idem astrui; sed forsitan non iis assentirentur Christianæ fidei adversarii. Fortasse etiam dicent aliqui quod sola contritione remittitur peccatum; ad quid ergo exigitur peccati confessio ad ejusdem remissionem? Ad hoc dicimus, quod ille qui conteritur³² confitendi propositum habere tenetur: nisi enim hoc proponat, peccatum non remittitur³³. Tenetur ergo ad confitendum multiplici de causa scilicet ratione propositi et ratione pœnitendi, magna enim pœnit-

VARIÆ LECTIONES.

²⁸ Impress. conservo. ²⁹ In impresso pro deleatur, habetur dicitur. ³⁰ In impresso habetur Joannes evangelista, sed perperam, quia verba Chrysostomi sunt, non Joannis evangelistar. ³¹ In impresso desunt hæc ultima verba. ³² In impresso male habetur convertitur. ³³ In impresso nisi proponat confiteri.

tia est, erubescientia de confessione. Cum enim ob alias causas instituta sit peccati confessio, instituta est etiam ut erubescientia pro peccato cedat in pœnam, ratione etiam quandoque satisfaciendi, quia nisi peccator sacerdoti revelaverit, ipse per injunctam satisfactionem non poterit eis mederi.

CAPUT LVII.

Opinio hæreticorum qui negant panem transsubstantiari in corpus Christi.

Dicunt etiam præfati hæretici, panem non transsubstantiari in corpus Christi per sancta ¹⁸ verba quæ a sacerdote dicuntur in missa. Et hoc sic probare conantur : Si singulis diebus panis in corpus Christi mutaretur, illud in infinitum augeretur.

Quærunt etiam utrum ille panis desinit esse. Si desinit esse, annihilatur, et ita etiam corruptitur. Item quærunt, corpus tantæ quantitatis quomodo intrat per os hominis. Item, si corpus Christi comeditur, dentibus aterritur, et ita in partes dividitur; item panis fit corpus Christi, ergo erit corpus Christi, et ita aliud quam sit. Item panis fiet corpus, ergo de pane fiet corpus Christi, et sic panis erit materia corporis Christi ¹⁹. Item post transsubstantiationem, remanent accidentia, ergo in alio subjecto, vel in aere, sed si in aere, aliqua pars aeris est rotunda, sapida, alba, et secundum quod illa forma ²⁰ defertur per diversa loca, mutant accidentia subjectum. Item in eadem parte aeris manent illa accidentia, et ita soliditas est in aere, cum illa sint solida, et sic aer solidus est. Ex his videatur quod accidentia illa non sint in aere, sed nec in corpore Christi sunt, nec est assignare aliud corpus in quo sint, ergo non videntur remanere accidentia. Item, cum forma illa sub qua latet corpus Christi dividatur in partes, sub illa forma desinit corpus Christi. Quomodo ergo sub singulis portionibus illius hostiæ datur corpus Christi?

244 Item, si Christi corpus latet sub illa exigua forma, ubi est Christi caput vel pes ? et ita indistincta sunt membra illius. Item Christus dedit suum corpus discipulis ante passionem : sed dedit eis mortale vel immortale : si mortale dedit, sed tunc erat mortalitas : ergo quando erat mortalitas immortalis erat, quod est impossibile ²¹. Item ponatur quod aliquis celebraverit divina tempore passionis Christi ; corpus existens Romæ passum suisset Romæ, quia ubicunque erat, patiebatur tempore passionis ; et sic non patiebatur tantum in Jerusalem, sed in multis aliis locis. Item, ponatur quod mus accedat ad pixidem in qua est Christi corpus ; mus aliquid comedit, ergo aera, vel accidens, vel corpus Christi. Sed quod comedat aera vel accidens, absurdum

A est, et magis absurdum quod comedat corpus Christi. Item, cum sanguis Christi glorificatus sit, nec faciat localem distantiam ²², videtur quod calice, replete sanguine, aliis liquor possit infundi. Item, Christus ait in Evangelio : *Omne quod in os intrat, in secessum emittitur* (*Matth. xv*). Ergo Christi corpus non intrat in os quando ad manducandum datur, vel in secessum emittitur.

CAPUT LVIII.

Præmissorum solutio, et quod panis transsubstantiatur in corpus Christi.

Ad primam objectionem dicimus quod mutationum alia est alteratio ²³, alia est alteritas, alia transsubstantatio. Alteratio dicitur illa mutatio quæ fit secundum varietatem accidentium in eodem sub-

B jecto, ut cum aliquod subjectum primo est album, post incipit esse nigrum. Secundum hanc mutationem, concedimus has : Album erat nigrum, album incipiet esse nigrum, et fiet nigrum. Hanc autem negamus, De albo fiet nigrum, ne album intelligatur esse materia nigri ²⁴ : nam, *de*, materiam notat. In hac mutatione manet subjectum, manent et substantialia, sed non manent quædam accidentalia. Alteritas vero est illa species mutationis, in qua manente eadem materia, non manent substantialia : quæ mutatio facta est in Cana Galilææ, quando aqua mutata est in vinum (*Joan. ii*). Ibi enim materia mansit, quia eadem materia aquæ et vini, sed mutata sunt quædam substantialia ; nam illud substantialie quod aqua erat, desiit esse aqua et illud quod vinum est, vinum esse incœpit. Quædam etiam accidentalia mutata sunt. Juxta mutationem hanc dicitur quod de aqua factum est vinum, et quod aqua mutata est in vinum. Sed, nec aqua fuit vinum, nec cœpit esse vinum, nec fuit futura vinum. Transsubstantatio est illa species mutationis, secundum quam et mutatur materia, et substantialis forma, sed remanent accidentia. Unde dicitur, transsubstantatio, quia nihil de substantia remanet, vel quantum ad materiam, vel quantum ad substantialem naturam ²⁵. Talis mutatio fit in consecratione panis. Panis enim ita mutatur in corpus Christi, quod nihil de materia panis remaneat : nec substantialia remanet ; sed quædam accidentalia, ut

C rotunditas, albedo, sapor. Et quia tota substantia mutatur in corpus Christi, non augetur, quamvis multoties panis in Christi corpus mutatur, non remanet in corpore Christi, nec remanet corpus Christi ; et ideo nec corpus Christi augetur. Sunt enim duæ augmenti, seu augmentationis species ²⁶, una quæ fit per partium extensionem, alia per additionem. Juxta primam, crescit virgula in horto ²⁷,

VARIÆ LECTIONES.

²⁰ Male in impresso pro sancta habetur secunda. ²¹ In imp. confuse sic, panis erat materia corpus Christi. ²² In imp. farina. ²³ In imp., in discursu præcedenti, pro immortalis, ubique habetur immortale. ²⁴ In imp. additur distantiam a materia. ²⁵ In imp. sic : Alia est mutatio, alteratio, etc. sed lectio nostra retinenda est. ²⁶ In imp. vitiouse legitur nigra, sed et in sequentibus quædam prætermissa sunt quorum occasione, cætera quoque sensu carent. ²⁷ In imp. pro naturam, habetur materiam. ²⁸ In imp. pro augmenti, habetur argumenti. ²⁹ Haec in impresso prætermissa sunt substitutis aliquot punctis.

juxta secundam, crescit acervus, cum ei aliquid additur ⁴⁴. Quod primo modo augetur, verbi gratia virgula, non crescit quod aliquid in ea addatur, sed quia mediante calore et humore, extenduntur ejus partes. Secundum hanc augmenti speciem, multiplicati sunt panes illi, quibus Dominus **245** refecit quinque millia hominum (*Matth. xvi*). Quia ergo nihil Christi corpori additur, nec ejus partes extenduntur, dicimus quod Christi corpus non augetur.

Secundum hanc mutationem transsubstantiationis, dicendum est quod panis mutatur seu convertitur in corpus Christi. Concedimus etiam alia verba mutationem significantia, ut panis sit corpus Christi, non tamen incipiet esse corpus Christi. Dicimus etiam quod panis desinit esse, nec tamen corruptitur; non enim desinit esse per naturalium confirmationem, sed per miraculum.

Non est etiam mirum, si corpus Christi aliquantæ quantitatis intret per os hominis, cum jam sit glorificatum, nec aliquam in loco distantiam faciat. Hoc tamen negamus quod de pane sit corpus Christi, quia denotat materiam, et panis non est, nec erit materia corporis Christi. Dicimus etiam quod licet corpus Christi comedatur, semper tamen incorruptibile et indivisible remanet. Cum autem corpus Christi dicitur dividi vel frangi, potius ad formam panis referatur quam ad corpus Christi; fractio enim illa vel divisio non est in corpore Christi, sed in forma panis. Non est etiam mirum, si ille qui fecit omnia ex nihilo, faciat accidentia esse sine materiali subjecto ⁴⁵. Ad hoc quod dicunt, quod in altari adhuc est panis post consecrationem, quia ibi prius fuit panis, et adhuc est forma panis; respondemus, quod vere ibi fuit panis, sed mutatus est in corpus Christi, et forma remanet, sub qua latet corpus Christi. Et hoc sit multiplex de causa. Prima est, quia ⁴⁶ s̄ides non habet meritum, cui humana ratio præbet experimentum; ⁴⁷ alia, ne Christianus abhorreat comedere Redemptorem suum, ne, inquam, animus horreat quod oculus cernit: non enim est in usu carnem crudam comedere; tertia, ne hæretici insultarent nobis, dicentes: Vos comeditis Dominum vestrum. Videmus etiam, quod quædam res mutantur in alias, et tamen quædam proprietates rei mutatae remanent, ut, quando vinum mutatur in acetum, remanet ibi liquiditas ⁴⁸. Sub forma unius sæpe latet alia, unde frequenter angeli leguntur latuisse sub humana forma; non tamen humana forma erat in angelo. Similiter corpus Christi est in altari, sed sub alia forma, scilicet sub forma panis. Et accidentia quæ remanent sunt sine subjecto, ut dictum est, quia qui ea creavit ut in subjecto essent, potest facere ut sine subjecto sint; quod enim hoc modo vel alio sint, a Deo

A est. Possumus tamen dicere, quod color et sapor sunt in forma panis, et ita, miraculose accidens sit in accidente.

Sed similiter hic queri posset, de ipsa forma, in quo sit, cum et ipsa forma sit accidens.

Dicunt quidam, nulla accidentia ibi esse post transsubstantiationem, sed videri esse, cum non sint. Unde non dicunt ibi esse albedinem vel rotunditatem, sed talia ibi videri in sacramento; nec dicunt ibi esse præstigium, sed sacramentum.

Sunt enim multæ species fallaciarum visus: Una est, quando non videntur quod oculis præsentatur, quæ dicitur aurisia ⁴⁹, id est avidentia, qua percussi fuerunt qui Elisæum quærebant (*IV Reg. vi*); alia est quæ dicitur præstigium, quando arte magica ita præstigiuntur oculi ⁵⁰, ut videatur aliquid esse quod non est, nec videatur quod est: hoc autem fit a magis ad decipiendum; alia vero est, quæ fit ad instruendum, et in sacramentum; juxta quod videbatur prophetis videre, quod non videbatur. Unde, Jeremias videbatur videre ollam succensam ab aquilone, cui dictum est: *Ab aquilone pandetur omnium super habitatores Jerusaleme* (*Jer. 1*).

Similiter, sapor et color videntur esse in sacramento altaris, nec tamen ibi est præstigium, quia hoc non fit ad decipiendum, sed potius ad instruendum, et in sacramentum. Sed, quid ire volumus per verborum anæstasis? unica est ad hæc responsio, quod in miraculo, noua est querenda ratio. Dicimus etiam quod quando forma illa dividitur in partes, sicut prius Christi corpus totum et integrum latebat sub integra forma, postea **246** sub singulis portionibus hostiæ fractæ latet idem corpus integrum et totum, sicut in speculo integro appetet aliqua imago et integra, eo autem fracto, in singulis portionibus eadem forma appetet. Dicimus etiam quod sub illa exigua forma, latet totum Christi corpus, quia cum jam sit glorificatum, tantæ subtilitatis est, quod non facit distantiam aeris ad aera, et ideo ⁵¹ latere potest in parvo loco, et tamen membra ejus distincta sunt. Corpus quoque suum discipulis dedit tale, quale habuit, id est mortale ⁵²; miraculosum autem fuit, quod corpus tanta quantitatis intravit per os comedentis angustum. Quo enim miraculo natus est clauso utero Virginis, et quonodo super aquas ambulavit siccis pedibus, eodem miraculo intravit in os comedentis.

Dicimus etiam, quod si quis celebrasset sacramentum eucharistiae Romæ, in die passionis, Christus Romæ existens pateretur in Jerusalem, sed non Romæ pateretur, sicut dum aliquid incipit esse, in hoc momento incipit esse.

De mure accedente ad pixidem, dicimus quod non comedit corpus Christi, sed formam illam panis,

VARIA LECTIONES.

⁴⁴ *Hic rursus plura omissa sunt, punctis substitutis.* ⁴⁵ *In impresso pro materiali subjecto, habetur aliqua subjecto.* ⁴⁶ *In impresso vitiōse pro liquiditas, habetur siccitas.* ⁴⁷ *In impresso acrisia.* ⁴⁸ *In impresso præstringuntur.* ⁴⁹ *In impresso errore crasso ponitur non, pro ideo.* ⁵⁰ *In impresso, pro mortale, habetur miraculosum, non sine crasso errore.*

quæ miraculose cedit in ejus nutrimentum, ac si esset panis substantia. Nec mirum, cum in natura libus contingat, quod aliquis inebriatur solo odore vini. Legimus etiam quod quidam populi pascuntur solo odore pomorum. Sunt tamen qui dicunt quod nihil comedit, sed videtur quod comedat, et sic miraculose saturatur ac si ederet. Calice autem pleno sanguine Christi, alias liquor non potest infundi illo manente, quamvis sanguis non faciat distantiam aeris ad aera: Species enim vini sub qua latet sanguis, implet locum et implet calicem sic miraculose, sicut miraculose glorificatum corpus locum non implet. Quod autem Christus ait: *Omne quod in os intrat*, etc. (*Matth. xv; Marc. vii*), intelligendum est de cibo materiali, non spirituali: sicut enim materialis cibus vadit in secessum, ita spiritualis in mentis excessum. Ille enim est cibus ventris, hic mentis.

CAPUT LIX.

Utrum sit articulus fidei, panem transsubstantiari in corpus Christi.

Quærunt etiam hæretici utrum sit articulus fidei Christianæ panem transsubstantiari in corpus Christi, cum de hoc non fiat mentio in aliquo symbolo. Non enim in symbolo Apostolico, scilicet: *Credo in Deum; vel in Nicæno: Credo in unum*, etc.; vel in symbolo Athanasii: *Quicunque vult*, etc. Cum in his symbolis, de omnibus articulis Christianæ fidei fiat mentio, cur non sit mentio de illo inestabili sacramento, cui magis videtur obviare humana ratio⁵¹.

Ad hoc dicunt quidam, quod in primitiva Ecclesia ita omnibus patebat transsubstantiari panem in corpus Christi, quod nulli dubium erat, cum Christus hoc esset in Evangelio testatus. Nec super hoc in primitiva Ecclesia ulla hæresis pullulavit, ad quam reprimendam opus esset mentionem fieri de hoc in aliquo symboli articulo. Unde, quia in primitiva Ecclesia de Trinitate pullulavit hæresis apud Arium et Sabellium; de Incarnatione apud Eutychen et Nestorium; de resurrectione apud alios, ut testatur Apostolus in Epistola ad Corinthios (*I Cor. xv*), de his articulis sit mentio in symbolis. Dici tamen potest, quod in Apostolico symbolo fiat mentio de eucharistia, cum dicatur, *sanctorum communionem*. In hoc enim spiritualiter communicant sancti, dum recipiunt corpus Christi, non solum sacramentaliter, sed etiam spiritualiter.

247 CAPUT LX.

Quibus auctoritatibus probatur quod Christus corpus suum dedit discipulis suis.

Quod Christus dedit corpus suum discipulis, Matthæus aperte in evangelio declarat, inquiens: *Cænantiibus autem eis, accepit Jesus panem, benedixit et fregit, deditque discipulis suis*, et ait: *Acci-*

pite et comedite, hoc est corpus meum: et accipiens calicem et gratias agens dedit illis dicens: Bibite ex hoc omnes. Hic est enim sanguis novi testamenti, qui pro multis effundetur in remissionem peccatorum (Matth. xxvi). Item Lucas: *Accepto pane, gratias egit et fregit, et dedit eis dicens: Hoc facite in meam commemorationem. Similiter et calicem, postquam cœnavit, dicens: hic est calix novi testamenti in sanguine meo, quod pro vobis effundetur (Luc. xxii).* Item Dominus in Evangelio: *Amen, amen dico vobis, nisi manducaveritis carnem Filii hominis, et biberitis ejus sanguinem, non habebitis vitam in vobis (Joan. vi).* Item: *Qui manducat meam carnem, et bibit meum sanguinem, habet vitam æternam; et ego resuscitabo eum in novissimo die. Caro enim mea vere est cibus, et sanguis meus vere est potus: Qui manducat meam carnem, et bibit meum sanguinem, in me manet et ego in illo. Sicut misit me vivens Pater, et ego vivo propter Patrem, et qui manducat me, ipse vivet propter me. Hic est panis qui de celo descendit, non sicut manducaverunt patres vestri manna, et mortui sunt; qui manducat hunc panem, vivet in æternum (ibid.).* Propter hæc verba⁵², quidam de discipulis ejus dixerunt: *Durus est hic sermo, quis potest eum audire? et ideo multi abierunt retrorsum, et amplius cum eo non ambulabant (ibid.).* Quorum imitatores sunt prædicti hæretici.

Apostolus etiam in epistola ad Corinthios prima: *Ego enim accepi a Domino quod et tradidi vobis, quoniam Dominus Jesus Christus in qua nocte tra-debatur, accepit panem, et gratias agens fregit et dixit: Accipite et manducate; hoc est corpus meum quod pro vobis tradetur; hoc facite in meam commemorationem. Similiter et calicem, postquam cœnavit, dicens: Hic calix novi Testamenti est in meo sanguine. Hoc facite, quotiescumque bibetis in meam commemorationem. Quotiescumque enim manduca-bitis panem hunc, et calicem bibetis, mortem Domini annuntiabitis donec veniat (I Cor. xi).* Item: *Qui-cunque manducat panem, et bibit calicem Domini indigne, reus erit corporis et sanguinis Domini (ibid.).*

CAPUT LXI.

Opinio hæreticorum qui dicunt quod Christus dicens: Hoc est corpus meum, demonstraverit seipsum, et non corpus quod sub forma latebat.

Præterea, dicunt hæretici, quod cum Christus ait, *Accipite, hoc est corpus meum*, non demonstravit corpus quod sub forma latebat in fine prolationis verborum, sed seipsum. Quasi dicat: *Ego sum qui do; hoc est, corpus meum est quod vobis do, non hunc panem, et ideo dignius quam panis est quod do.*

Ad hoc dicimus quod istud stare non potest, si verborum series diligenter attendatur. Ait enim

VRIÆ LECTIONES.

⁵¹ *In impresso sic: cui magis videtur obligari anima rationalis, nostra tamen lectio retinenda. In invesso, pro propter, male habetur præter.*

evangelista : *Accipit Jesus panem et benedixit, ac fregit, et dedit discipulis suis, dicens : Accipite, hoc est corpus meum (Matth. xxvi)*, quasi dicat : Hoc quod offero vobis, est corpus meum. Præterea, ad quid seipsum ostenderet, cum ipse, et corpus ejus discipulis appareret? Item, quid sanguine dicunt²³? **248** Legitur enim in Evangelio, *Accipiens Jesus calicem, gratias egit, et dixit illis ; bibite ex hoc omnes²⁴ ; hic est sanguis novi Testamenti, qui pro multis effundetur in remissionem peccatorum (ibid.)*. Hic non possunt dicere quod ostenderet sanguinem suum, nisi quem in calice porrigebat, quem discipulis suis dabat dicens : *Hic est sanguis meus*, etc.

CAPUT LXII.

Quare Christus sub aliena forma dederit corpus suum.

Quæritur etiam ab hereticis, cum tot auctoritates clament panem mutari in corpus Christi, quare negent tantum sacramentum? Si dicant quod est contra naturam, eis possumus respondere, quia qui fecit omnia ex nihilo, potest unum mutare in aliud. Et, si Filius Dei sub forma humana latet, quid mirum si corpus Christi sub forma panis latens non appareat? Quia sicut ratio fuit, ut sub humanitate lateret divinitas, ita ut sub forma panis lateret humanitas. Sicut enim divinitas sine velamine nobis apparere non potuit, ita glorifica humanitas, nisi mediante aliena forma, nobis mortalibus et infirmis apparere noluit²⁵. Decens etiam fuit ut qui ab hominibus recesserat per præsentiam carnis, sedens ad dexteram Patris, nos aliquando visitaret, quamvis sub aliena forma lateret. Maxima quoque gratia nos privare contendunt qui Christum in altari esse per virtutem sacramenti non credunt. Quam enim majorem gratiam potuit nobis conferre, quam sacramentum eucharistiæ? Unde ipse ait : *Vobiscum sum usque ad consummationem sæculi (Matth. xxviii)*. Quamvis enim hoc intelligatur de præsencia spirituali, potest tamen etiam intelligi de corporali.

In horum hereticorum confusionem, in pluribus ecclesiis celebratur miraculum, quo in hostia species carnis visa est. Longum etiam esset referre miracula²⁶, quæ propter infirmitatem quorundam sunt circa eucharistiam. Stultissimum etiam est diffiteri quod Christus confessus est, quod apostoli testantur, quod omnes sancti attestantur, in qua fide videmus tot viros religiosos vitam finire.

CAPUT LXIII.

Opinio illorum hereticorum qui dicunt nuptias damnabiles esse.

Prædicti etiam heretici nuptias damnant. Dicunt enim quidam eorum quod omnibus modis se homo

A debet purgare ab eo quod habet a principe tenerarum, id est a corpore, et ideo passim et qualitercumque fornicandum esse, ut citius liberetur a mala natura.

Et ideo nuptias damnant, quæ fluxum luxuriæ coarctant. Unde, ut fertur, in conciliabulis suis immundissima agunt. Hi dicuntur Cathari, id est diffuentes per vitia, a catha, quod est fluxus; vel cathari, quasi casti, quia se castos et justos faciunt. Vel Cathari dicuntur a cato, quia, ut dicitur, osculantur posteriora catti, in cuius specie, ut dicunt, apparet eis Lucifer. Quod autem nuptias damnabiles sint, auctoritatibus et rationibus probare conantur.

Et primo sic : Nisi execrabilis essent nuptiae, Dominus Joannem evangelistam non revocasset a fluctivaga nuptiarum tempestate. Et quia conjugium non consummatur nisi carnali coitu, et ita in peccato, dicunt conjugium execrabile esse, ac si amatores essent castitatis, cum potius sint sectatores incestus²⁷ et luxuriæ.

249 Dicunt etiam conjugium obviari legi naturæ, quia lex naturalis dictat omnia esse communia²⁸ : conjugium vero appropriat, quod commune debet esse ex jure naturali. Item, si bonum est nubere, quare dicit Apostolus : *Volo vos omnes esse sicut ego sum (I Cor. vii)*, id est continentes? Dicunt etiam quod conjugium est causa maximi peccati, id est adulterii, quia nisi conjugium præcederet, non sequeretur adulterium.

CAPUT LXIV.

Objectorum solutio, et quod nuptiae non sint damnabiles.

Prædictis respondemus, quod non ideo Christus Joannem revocavit a nuptiis, quod nuptiae essent execrabilis, vel male, sed ut ad maius bonum invitaret, id est ad virginitatem : melior est enim virginitas, id est expeditior et ad maius bonum promptior, quam castitas conjugalis. Conjugalis enim status multis negotiis implicatur, quibus acquiruntur necessaria vita, per quæ idem status minus promptus est ad bonum. Concedimus etiam conjugium non posse consummari sine carnali coitu, verum carnalis coitus non semper peccatum est : nam per conjugii sacramentum sit, ut carnale commerium aut grave non sit peccatum, aut omnino peccatum non sit. Quot enim non caderent in fornicationis periculum, nisi esset conjugium? Excipitur autem in honestate conjugali, fornicationis peccatum²⁹. Unde Apostolus invitans ad fornicationem vitandam, ait : *Propter fornicationem autem unusquisque uxorem suam habeat, et unaquaque virum suum (I Cor. vii)*. Et cum carnis

VARIÆ LECTIONES.

²³ In impresso male sic : Item quoque dicent de sanguine. ²⁴ In impresso, hic rursus omnia confusa : nam pro bibite, etc, habetur hoc est corpus meum. ²⁵ In impresso, apparere non valuit. ²⁶ In impresso omnia confuse sic : Longa etiam possem referre miracula, quæ per infirmitatem. ²⁷ In impresso, incastitatis. ²⁸ In impresso absurdissime pro communia, habetur convivia. ²⁹ In impresso sine sensu, sic. Excipitur honestate conjugali, ut sit peccatum. ³⁰ In ms. post verba hæc, propter fornicationem autem subjungitur inclusum parenthesi (subaudi vitandam).

commerciū sit de Jure naturali, non in hoc con-jugium naturali juri obviat, sed potius exornat. In hoc enim jus naturale et carnis commercium exor-natur, quod homo passim diversas non cognoscat, sed unam sibi assumat; quod et in brutis animali-bus liquet, quæ ducta naturali jure, non gaudent paris pluralitate, sed unitate.

Ad ultimam objectionem dicimus quod Apostolus non ideo volebat eos quibus scribebat, esse solutos a conjugio et continentes esse, quod conjugium sit malum, sed ideo quia virginalis status vel viduialis expeditior. Conjugium enim sanctum est, unde et ipsi gentiles in tanta veneratione habuerunt conju-gium, quod filios qui nati non erant de conjugio, illegitimos judicabant.

CAPUT LXV.

Quibus auctoritatibus et rationibus probatur quod conjugium bonum et sanctum sit.

Quod autem conjugium bonum et sanctum sit, quod naturale commercium per bona conjugii ex-eusetur, variis rationibus et auctoritatibus probari potest. Ait enim Apostolus : *Unusquisque uxorem suam habeat propter fornicationem, et unaquæque virum suum. Uxori vir debitum reddat, similiter et uxor viro* (*I Cor. vii*). Item : *Mulier sui corporis po-testatem non habet, sed vir; similiter et vir sui cor-poris potestatem non habet, sed mulier* (*ibid.*). Item Apostolus in prima ad Timotheum : *Volo juniores viduas nubere, filios procreare, matres familias esse* (*I Tim. v*). Audiant etiam haeretici attestantem Apo-stolum quod neque vir, neque mulier continere po-test, nisi uterque consenserit. Item Paulus : *Nolite fraudare invicem, et nisi forte ex consensu ad tem-pus ut vacetis orationi, et iterum revertimini in id-ipsum, ne tentet vos Satanas propter incontinentiam vestram* (*I Cor. vii*). Ecce, quomodo debeat esse utriusque consensus. Item Paulus : *Dico autem in-nuptis 250 et viduis : Bonum est illis si sic perma-neant, sicut et ego; quod si se non continent, nu-bant : melius est enim nubere quam ubi. Iis autem qui matrimonio junci sunt, præcipio, non ego, sed Dominus, uxorem a viro non discedere, et vir ux-o-rem non dimittat* (*ibid.*). Item : *Si quis habet uxo-rem infidelem, et hæc consentit habitare cum illo, non dimittat illam; sanctificatus est enim vir infide-lis per mulierem fidelem, et mulier infidelis per vi-rum fidelem : alioquin, filii vestri immundi essent, nunc autem mundi sunt* (*ibid.*)

Sed forte haeretici objicient nobis illud Apostoli : *Qui habent uxores, sint tanquam non habentes* (*ibid.*), quod sic intelligendum est; potius servientes Deo quam carnis commercio. Item, qui matrimonio jun-git virginem suam, bene facit, et qui non jungit me-lius facit (*ibid.*). Ecce, quomodo Apostolus com-mendat utrumque, conjugium scilicet et virginini-tatem, licet virginitatem præferat. Item Paulus :

VARIÆ LECTIONES.

[“] *Textus Scripturæ habet, cum alio viro.* [“] *In impresso viliōse pro postponamus, habetur proponamus.*
[“] *Impress. respectu Creatoris.*

A *Mulier alligata est viro, quanto tempore vivit; quod si dormierit, liberata est, cui rult nubat, tantum in Domino* (*ibid.*). Objiciunt etiam illud Apostoli : *Viri diligite uxores vestras, sicut Christus Ecclesiam* (*Ephes. v*). In quo putant continentiam inter con-jugatos, ab Apostolo, velut præceptum, commen-dari, quod absit! Non enim hoc ait Apostolus pro-pter continentiam, sed ad confirmandum sinceræ dilectionis vinculum, ut, si necesse fuerit, virum aliquid pro uxore pati non recuset, sicut Christus pro desponsata sibi Ecclesia, mortem subire non recusavit. Item, Paulus ad Romanos : *Nam quæ sub viro est mulier, vivente viro alligata est legi viri, si autem mortuus fuerit vir ejus, soluta est a lege viri : Igitur vivente marito, vocabitur adultera, si fue-rit cum aliquo* [“] (*Rom. vii*). Item, Dominus in Evan-gelio, cum interrogaretur, si liceret homini dimit-tere uxorem suam quacunque ex causa, dixit : *Non legistis quia qui fecit hominem ab initio, masculum et feminam creavit eos, et benedixit eis dicens : Cro-scite et multiplicamini* (*Matth. xix*). Et dixit Adæ : *Propter hoc relinquet homo patrem et matrem suam et adhæreibit uxori suæ, et erunt duo in carne una. Itaque jam non sunt duo, sed una caro. Quod ergo Deus conjunxit, homo non separat* (*ibid.*) Item, obji-ciunt haeretici : *Quicunque reliquerit domum, aut fratres aut sorores, aut patrem, aut uxorem, etc., centuplum accipiet, et vitam æternam possidebit* (*Luc. xviii*). Dicunt autem quod juxta hanc aucto-ritatem, Deus præcepit dimittere uxores. Sed in-tellectus verborum is est : *Præcepit Deus, ut intuitu divinæ dilectionis, omnem creaturam postponamus* [“] *Creatori* [“]. Item quomodo conjugalis co-pula Zachariæ et Elisabeth, adulterium fuit, quo-rum genitura, scilicet S. Joannes, repletus est Spi-ritu sancto adhuc in utero matris? et si Spiritu sancto repletus est, ergo sanctificatus; et si san-tificatus, ergo ab omni peccato mundatus, ergo non ex adulterio conceptus, ergo Zachariæ et Eli-sabeth copula non fuit adulterium.

B Sed forsitan dicent ipsum Joannem non esse fi-lium Zachariæ. Sed audiant quid dixit angelus ad Zachariam : *Nascetur tibi filius* (*Luc. 1*). Item : *Oc-tavo die venerunt circumcidere puerum, et vocabant eum nomine patris sui Zachariam* (*ibid.*). Insuper : *Manus Domini erat cum illo, et Zacharias pater ejus repletus est Spiritu sancto, et prophetavit, etc.* (*Ibid.*) Et alibi : *Et factum est verbum Domini super Joannem Zachariæ filium, in deserto* (*Luc. iii*). Item, sacra-mentum conjugii in paradiso inst tutum est a Deo, quando formavit mulierem de costa viri, et insti-tuens unam esse unius, ait : *Crescite et multiplica-min, et replete terram* (*Gen. 1*). Item, ad commen-dandum conjugii sacramentum voluit Christus de conjugata nasci. Et ad idem commendandum inter-fuit nuptiis et miraculum ibi fecit (*Joan. ii*). Legi-

mus et de Petro, quod habuit uxorem : quam non duxisset, si credidisset peccatum. Etiam cum per conjugium arctetur fluxus luxuriæ, potius videtur esse bonum quam malum, cum apud Dëum et homines ignominiosum sit, nasci de non conjugatis. Maxime etiam contradicunt effectui misericordiæ Dei ⁴⁴, qui conjugium damnant : in hoc enim maxime apparet effectus misericordiæ Dei, quod conjugii sacramentum **251** ad hoc instituerit, ut qui continentes esse non possunt, ab incontinentiæ peccato excusarentur.

CAPUT LXVI.

Opinio hæreticorum qui dicunt, quod confirmatio nullam habet efficaciam.

Sunt etiam hæretici qui derogant aliis quibusdam sacramentis, ut confirmationi, ordini et extrema unctioni. Dicunt enim nullam esse virtutem sacramenti confirmationis, cum nec in Evangelio, nec in aliis libris Novi Testamenti legatur esse instituta a Christo, vel ab ejus discipulis.

Ad hoc dicimus quod ubi Christus insufflavit in apostolos, dans eis Spiritum sanctum ad robur, insinuavit eis confirmationis sacramentum. Illa enim virtus quæ ab apostolis dabatur per manus impositionem, datur fidelibus per confirmationem. Nec legitur hoc sacramentum in primitiva Ecclesia fuisse datum, nisi ab apostolis. Unde etiam postea non est collatum hoc sacramentum alicui, nisi apostolorum vicariis, qui apostolorum habent vicem. Et si ab aliis præsumptum fuerit, irritum habetur et vacuum, nec inter ecclesiastica reputabitur sacramenta. Virtus autem sacramenti hujus est donatio Spiritus sancti ad robur, qui datus est ⁴⁵ in baptismo ad remissionem peccatorum. Cum ergo ipsi hæretici judicent ⁴⁶ magnum esse sacramentum, manus impositionem, cuius vicem retinet hoc sacramentum confirmationis, inique ⁴⁷ derogant huic sacramento. Quomodo etiam audent derogare auctorati omnium sanctorum apostolos sequentium, qui maximum testantur esse hoc sacramentum ? Quod etiam tantæ est dignitatis, quod iterari non debet ; sine quo etiam nullus adultus et discretus sine periculo discedit ; quod etiam a jejunis tradi debet, nisi aliter cogat necessitas.

CAPUT LXVII.

Opinio illorum qui dicunt quod ordo non sit sacramentum.

Dicunt etiam fidei catholicæ inimici, ordinem ⁴⁸, ut diaconatum vel sacerdotium, non esse sacramentum quod sic probare conantur : non legitur in aliqua canonica Scriptura apostolos ordinatos fuisse in sacerdotes, cur ergo eorum vicarios sic ordinari oportet ⁴⁹? Item, apostoli, qui majores sa-

A cerdotes dicti sunt, non leguntur uncti fuisse christi, cur ergo unguntur eorum vicarii ? Præterita merita faciunt et suffragantur ⁵⁰ ut quis sit dignus aliquo officio ; quid ergo confert ordo ⁵¹ ?

Ad hoc dicimus quod Christus apostolos instituit sacerdotes, quando dans eis corpus suum, ait : *Hoc facite in meam commemorationem* (*Luc. xxii*; *I Cor. xi*). Multa etiam reliquit apostolis ordinanda, quæ ipse non ordinavit, ut de ordinum collatione, sacerdotum consecratione. Præterea si ordo nihil conferret ad consecrationem, relinquitur ut laici etiam possint consecrare, ut sacerdotes, quod absurdum videtur. Legitur etiam in *Actibus apostolorum* quod apostoli septem ordinaverunt diaconos (*Act. vi*) : a simili intelligendum est ab apostolis alios ordinatos esse sacerdotes. Legitur quoque Jacobum Alphæi ab apostolis ordinatum fuisse Hierosolymorum episcopum. Item, Paulus Timotheum ordinavit episcopum. Item in *Epistola ad Corinthios* ait : *Deum in Ecclesia ordinasse quosdam apostolos, quosdam prophetas, alios doctores, quosdam sacerdotes* (*I Cor. xii*). Similia habet in *Epistola ad Ephesios* (*Ephes. iv*). Quid ergo absurdius, quam ecclesiasticum destruere ordinem, quem instituerunt sancti Patres, et mater Ecclesia tanta veneratione celebrat. An magis credendum est simplicibus et idiotis, imo a fide Catholica alienis, quam viris prudentibus et religiosis ? **252** Quid magis rationabilius est ⁵², quam illos esse prædictos quædam spirituali dignitate, qui conficiunt sacramentum eucharistiæ ? Nonne Christus apostolis et eorum vicariis hanc contulit dignitatem, quæ nunc vicariis apostolorum in eorum consecratione conferitur ?

CAPUT LXVIII.

Opinio eorum qui dicunt, extrema unctionem non esse sacramentum.

Dicunt etiam extremam olei unctionem quæ datur infirmis, nec esse sacramentum, nec aliquem habere effectum, quia hoc sacramentum unctionis infirmorum ab apostolis institutum non legitur.

Nos autem dicimus quod sacramentum unctionis infirmorum ab apostolis institutum legitur : *e Subscriptis in hoc Alanus, Hugoni de Sancto Victore, lib. ii De Sacramentis, p. 15 cap. 2 ; Altisiodorensi, lib. iv Summæ, tract. 7, c. 1; Magistro, in 4 dist. 23 ; sancto Bonaventuræ, a. 2, q. 2, et pluribus aliis antiquioribus theologis, qui pariter docuerunt, sacramentum hoc a B. Jacobo fuisse institutum, intelligendo nimurum, non de institutione prima, qua lex aliqua legislatoris auctoritate primo conditur ; sed de promulgatione, qua sanctus Jacobus*

VARIAE LECTIONES.

⁴⁴ In impresso omissa sunt hæc duo verba, misericordiæ Dei. ⁴⁵ In impresso, quo donatus est. ⁴⁶ In impress. dicunt. ⁴⁷ In impress. injusto iudicio. ⁴⁸ In imp. confuse habetur Catholicæ fidei ordinem. ⁴⁹ In imp. deest hæc interrogatio. ⁵⁰ In imp. absurde sic : Multa eorum suffraganci faciunt. ⁵¹ In imp. pre confert, habetur constat. ⁵² In impresso, quasi rationabilius est.

omnium primus sacramentum hoc promulgavit, A non quomodounque, sed prius scripto tradens, et commendans illud posteritati, quo sensu, non absurde ipsum instituisse dicitur: Sic enim etiam legimus, a diversis pontificibus plura fuisse instituta, quæ tamen constat, divinæ aut apostolicæ esse institutionis. Sed quia a pontificibus lege scripta promulgata sunt, aut neglecta ad usum revocata, ab iis institutæ dicuntur. Atque ita auctores hos intelligendos et exponendos esse vide apud S. Thomam, *Supplm.* quæst. 29 a. 3, ad secundum. Et Guil. Estium, in 4, p. 2, dist. 23, § 3, lit. C. Et antea, dist. 1, § 16, ubi etiam expresse docet, adhuc post concilium Tridentinum, a Catholicis disputari, utrum omnia sacramenta a Christo instituta sint immediate? Itēn, ferendam esse illorum opinionem, qui dicunt, aliqua sacramenta instituta esse ab apostolis. » Ait enim Jacobus apostolus in Canonica sua: *Infirmatur quis ex vobis? inducat presbyteros Ecclesiarum, et orent super eum, ungentes eum oleo, in nomine Domini, et alleviabit eum Dominus, et si in peccatis sit, dimittentur ei* (Jac. v). In quo ostendit, dupli ex causa sacramentum hoc institutum fuisse, ad peccatorum remissionem, et ad corporalis infirmitatis alleviationem. Unde constat eum qui hanc unctionem fideliter⁷³ suscepit, tam in anima quam in corpore alleviari⁷⁴, si tamen expediatur in utroque allevietur. Si autem corporis valetudinem forte illi habere non expedit, illam quæ animæ est sanitatem in hoc sacramento acquirit.

CAPUT LXIX.

Opinio quorundam, qui dicunt quod locus materialis non est ditendus Ecclesia.

Non desunt qui dicant locum materialem non esse Ecclesiam, sed conventum fidelium tantum, quia, ut aiunt, locus ad orationem non pertinet: Sicut enim ubique est Deus, sic ubique adorari vel orari potest. Hoc autem probare nituntur auctoritate Christi dicentis Samaritanæ: *Mulier, crede mihi, venit hora, quando nec in monte hoc, nec in Hierosolymis adorabis Patrem. Sed venit hora et nunc est, quando veri adoratores adorabunt in spiritu et veritate* (Joan. iv). Item si locus facit ad orationem, cur eremita antiquitus in abditis locis habitantes, ecclesias non habebant? Cur etiam sacramenta effectum suum habent, etsi non celebrentur in loco qui dicitur ecclesia? Item, quid operantur paries ad supplicandum ei qui ubique est, cum in illo loco non magis sit quam in alio? **253** Christum etiam in montibus et locis desertis legimus fructuosior orasse, non in locis orationi dedicatis⁷⁵. Item estne oratio fructuosior quæ sit in templo, quam illa quæ sit in agro, si par fuerit devotio?

VARIÆ LECTIONES.

⁷³ *In impresso* devote. ⁷⁴ *Ibidem*, et in corpore et in anima. ⁷⁵ *In impresso* sic: In loco orationi dedicato, vel in templo. ⁷⁶ *In impresso* pro veritate, habetur prosperitate. ⁷⁷ *In impres.* qualibet hora.

CAPUT LXX.
Prædictorum infirmatio, et ad quid sit institutus locus qui dicitur ecclesia.

Dicimus, locum vel tempus non esse de substantia orationis, sed circumstantiam. Duo vero sunt de substantia, intentio bona et finis debitus. Nam ut oratio sit meritoria, oportet ut fiat bona intentione, pie et perseveranter, et fine debito, id est pro æterna salute. Unde Christus ait: *Veri adoratores adorabunt Patrem in spiritu et veritate* (Joan. iv); in spiritu, id est bona intentione, in veritate, hoc est pro veritate⁷⁸, scilicet pro æterno bono, quod vere verum est bonum, quia immutabile. Locus autem de substantia orationis non est, sed tamen ad orationem institutus est, ut ratione loci ad hoc destinati, ad orandum excitetur humana devotione. Et etiam, institutus ad significandum, quia templum materiale significat templum spirituale, quod est Ecclesia. De quo templo dicit Apostolus: *Templum Dei sanctum est, quod estis vos* (I Cor. iii). Similiter, nec tempus est de substantia orationis; quia qualibet tempore⁷⁹ potest orari Deus. Sunt tamen quædam horæ specialiter orationi deputatae, et non sine ratione; ut media noctis hora, quia illa hora captus est Christus. Ille David: *Media nocte surgebam ad confitendum tibi* (Psal. cxviii). Prima hora diei similiter orationi deputata est, quia tunc Christus a Iudeis traditus fuit Pilato; eadem etiam hora a mortuis resurrexit, eadem hora Mariæ Magdalene apparuit. Hora quoque tertia orationi deputata est, quia tunc linguis Iudeorum Christus crucifixus est et flagellatus. Eadem quoque hora Spiritus sanctus in die Pentecostes apostolis datum fuit. Similiter, sexta hora, qua Christus crucifixus est; qua etiam hora in die ascensionis cum discipulis discubuit (Act. 1). Similiter, hora nona, quia eadem clamans emisit spiritum, et sanguis de latere fluxit (Joan. xx). In vespera, de cruce depositus fuit, et antea eadem hora cum discipulis suis in coena discubuerat: hac etiam hora in die resurrectionis, duobus discipulis suis euntibus Emmaus, in fractione panis cognitus fuit (Luc. xxiv). In completorio, pro discipulis suis Patrem oravit. Eadem hora in sepulcro positus fuit. Propter has rationes, prædictæ horæ specialiter deputatae sunt orationi.

Quod autem de eremitis objiciunt, non obest, quia nec locus de substantia orationis est, et ipsi eremiti causa humilitatis in solitudinibus et locis abditis latebant.

Ex his patet aliarum objectionum solutio. Christus enim ideo in locis desertis oravit, ut insinuaret quod homo a tumultu sacerdotalium cogitationum debet animum secludere, dum orat Deum. Unde ipse ait: *Cum oraveris, intra in cubiculum, et clauso*

ostio ora Patrem in abscondito, etc. (Matth. vi).

Oravit etiam ideo in desertis, ut per hoc insinuaret quod ubique potest orari Deus. Dicimus etiam, quod sola devotio operatur ad meritum orationis, locus tamen excitat ardorem devotionis.

CAPUT LXXI.

Quibus auctoritatibus probatur quod materialis locus dicatur domus Dei et orationis.

Quod locus materialis dicatur domus Dei, ad quam convenienti fideles ut orent, variis probatur auctoritatibus. Legitur enim in Marco : Dominus ingressus in 254 tempulum, cœpit ejicere ementes et vendentes in illo (Marc. xi). Et quod ipse ait illis : *Scriptum est : Domus mea domus orationis vocabitur cunctis gentibus* (ibid.). Item idem in Matthæo. Auserte ista hinc : *et nolite facere domum Patris mei domum negotiationis* (Matth. xxi). Paulus ad Timotheum : *Ut scias quomodo te oporteat conversari in domo Domini, quæ est ecclesia Dei vivi* (I Tim. iii). Idem ad Corinthios : *Primum quidem convenientibus vobis in ecclesiam, audio scissuras esse* (I Cor. xi). Et infra : *Nanquid non habetis domos ad manducandum, et bibendum, aut ecclesiam Dei contemnitis?* (Ibid.) Sciendum ergo, quod tam locus materia'is, quam conventus fidelium, dicitur Ecclesia Dei. Sicut et Jerusalem, dicta est Civitas, et etiam conventus populi qui erat in ea. Unde illud : *Jerusalem, Jerusalem quæ occidis prophetas, et lapidas eos qui ad te missi sunt* (Matth. xxiii). Hoc enim intelligi non potest de lignea vel lapidea, sed de turba. Sic etiam fororum dicitur locus in quo venduntur res venales, et populus existens in foro. Item, queratur ab illis utrum aliquas vel nullas fieri concedunt ecclesiæ. Si dicunt nullas, videntur obviare apostolis, qui ecclesiæ fabricasse leguntur.

CAPUT LXXII.

Quibus auctoritatibus et rationibus dicant hæretici quod orationes sanctorum non prosunt vivis; nec vivorum orationes defunctis, et quod sancti non orent pro vivis.

Dicunt etiam hæretici quidam orationes sanctorum non prodesse vivis, nec vivorum orationes mortuis. Probare etiam videntur, quod sancti non orant pro vivis, quia sciunt qui sint salvandi vel damnandi; pro illis autem quos sciunt salvandos, non orant, quia superflua esset oratio, quia sive orent sive non, salvabuntur: Si vero orarent pro damnatis, non assequerentur quod petunt, et ita, beati non essent; beatus enim est cui omnia optata succedunt. Item, quilibet judicabitur secundum opera sua, et non aliena merita, nec pro alienis meritis reddetur ei. Et ideo, orationes sanctorum non prosunt vel quantum ad meritum, vel quantum ad præmium, quia non augent merita vel præmia.

A Item, sancti non sunt in loco merendi, sed recipiendi, ergo orationibus nec aliis bonis merentur sibi vel aliis. Item in Evangelio Lucae legitur, quod Abraham dixit animæ divitis quæ erat in inferno : *Magnum chaos firmatum est inter nos et vos* (Luc. xvi). Ubi chaos nihil aliud vocavit, nisi dissimilitudinem bonorum et malorum, tantam, ut etiam sancti damnatis non compatiantur. Si vero non compatiuntur, nec orant pro eis.

CAPUT LXXIII.

Predictorum determinatio.

Ad prædicta dicimus, quod et vivi orant pro mortuis, et mortuis prodest; et animæ defunctorum, ut verbi gratia, Petri et Pauli⁴⁰ pro vivis, et eis prodest. Nisi enim sancti qui sunt in paradiso

B pro nobis orent, frustratoria esset quotidiana Ecclesiæ oratio, quæ sit⁴¹ ad sanctos, ut pro nobis orent, nec locum haberent litaniae. Quis autem dicere audeat Dei Ecclesiam in his decipi, et suis orationibus frustrari? Cum unusquisque habeat angelum sibi ad custodiæ deputatum, nonne verum est angelos velle eorum salutem, et interpellare pro eis? Paulus etiam dicit⁴², Christum pro nobis interpellare apud Patrem, et si caput interpellat, nonne et membra, id est sancti? Alia iterum auctoritas dicit, quod angeli representant Deo nostras orationes. Quid autem est hoc, nisi angelos pro nobis orare, et nostras orationes Deo offerre, ut nostri misereatur? De anima quoque divitis, legitur quod oravit pro fratribus vivis, ne venirent in 255 locum tormentorum (Luc. xvi). Si ergo in inferno damnatus et malitia depravatus, oravit pro salute suorum, multo magis sancti qui prædicti sunt misericordia, orant pro salute vivorum. Nonne ipsi compatiuntur miseriae vivorum? et si in illis est compassio, et voluntas⁴³, et si volunt corum salutem, videntur pro eis orare.

Dicimus etiam quod sancti vivorum futuram salutem vel damnationem nesciunt, sed solus Deus : sic nec diem judicii sciunt. Et quia nesciunt salutem vel damnationem vivorum, promptiores sunt ad bonum quam ad malum, magisque flectuntur ad salutem quam ad damnationem : et sic volunt vivorum salutem et pro eis orare videntur. Sed Gregorii auctoritas qua dicitur : « Quid non vident, qui videntem omnia vident? » huic opinioni obviare videtur; sed hujus auctoratis sensus est : « Quid non vident, » subaudi, de iis quæ pertinent ad eorum salutem, quasi dicat : Omnia cognitionem habent quæ pertinent ad eorum salutem. Non quod omnia sciunt, sed ea quæ scire est de eorum salute, ut haec universitas sit accommoda, non vaga⁴⁴. Objiciunt etiam hæretici : Si sancti orant pro salute viventium damnatorum, non assequuntur

VARIA LECTIONES.

⁴⁰ In impresso confuse sic: Et animæ defunctorum ut precentur palam pro vivis, et eis prodest. ⁴¹ In impr., funditur. ⁴² In impresso sic: Ideone etiam Paulus prædicat. ⁴³ In impresso vito ergo voluntas salus eorum. ⁴⁴ In impresso vro universitas, habetur universis.

quod petunt, et ita beati non sunt, quia beatus est A num videlicet et alios mendaces fuisse asserendo. cui omnia optata succedunt. Sed ad hoc dicimus quod, licet non assequantur omnia quæ petunt vel volunt pro aliis, non minus ideo beati sunt : sic enim intelligendum est quod dicitur : Beatus cui omnia optata succedunt, subaudi, sibi, etsi non aliis. Si eu'm scirent damnationem alicujus, non pro eo rogarent. Unde illi qui sunt in patria, non orant pro iis qui sunt in gehenna, quorum damnatio æterna est ⁸³. Item, quamvis quisque judicetur secundum propria merita ⁸⁴, tamen orationes sanctorum prosunt viventibus, ut eis insundatur gratia remissionis peccatorum, et justificantur, et sic sua justitia mereantur. Si enim in vita aliquis potest mereri primam gratiam ⁸⁵, vel majorem gratiam, multo magis sancti per suas orationes et preces, possunt vivis mereri gratiam, vel eam facere majorem ⁸⁶ : quia et hoc sancti meruerunt in vita ⁸⁷, ut viantibus prodessent eorum orationes in patria existentium. Deus enim ab æterno prævidit, ut ad orationes sanctorum quibusdam conferret, vel peccatorum remissionem, vel gratiæ multiplicationem, aut alia corporis vel animæ commoda. Et quamvis sancti jam in patria non mereantur sibi, in via tamen existentes, hoc meruerunt, ut orationes corum in patria existentium viatoribus prodessent. Quod autem Abraham dixit magnum chaos firmatum esse (*Luc. xvi.*), sic intelligitur : Sancti non compatiuntur his qui sunt in inferno, quia certa est eorum damnatio, sed iis tantum compatiuntur, qui ad utrumque C se habent. Vivorum etiam orationes aliis prosunt. Unde in Actibus apostolorum legitur quod Petrus oratione sua paralyticum curavit (*Act. ix.*), et Tabitham suscitavit a mortuis. (*Ibid.*) Et Jacobus Apostolus ait : *Multum valet deprecatio justi assidue* (*Jacob. v.*). Christus etiam ait Petro : *Oravi pro te ut non deficeret fides tua* (*Luc. xxii.*). Ecclesia etiam pro schismaticis et haereticis orat, ut Deus convertat eos ad penitentiam : quod non faceret, nisi crederet orationes posse iis prodesse. Christus etiam pro suis persecutoribus oravit (*Luc. xxiii.*). Stephanus pro suis lapidatoribus intercessit (*Act. vii.*); quorum multi postea ad fidem sunt conversi. Palam ⁸⁸ etiam est quod orationes vivorum prosunt mortuis, cum tota Ecclesia Dei oret pro defunctis, ut vel pena sit tolerabilius, vel citior liberatio. Si sancti ut Petrus et Paulus habent potestatem ut suscident mortuos orationibus suis, multo magis videntur habere potestatem subveniendi mortuis in purgatorio, ut citius liberentur.

Hoc autem clamant omnes auctoritates sanctorum, quibus contraire irreligiosum est, Augusti-

B num videlicet et alios mendaces fuisse asserendo. Et si libros Machabæorum reciperent, apertam auctoritatem ibi invenirent super hoc ubi videlicet dicitur : « Vir fortissimus Judas, collatione facta, duodecim milia drachmas misit Jerosolymam, offerri pro 256 peccatis mortuorum sacrificium (*II Mach. xi.*) ». Sancti etiam nonne possunt hoc mereri bonis operibus apud Deum, ut orationibus et aliis benefactis subveniant animabus amicorum suorum ?

CAPUT LXXIV.

Opinio haereticorum, qui dicunt quod non debemus carnes comedere.

B Afferunt præfati haeretici, carnis vesci esse mortale peccatum. Quod sic probare conantur : Legitur Deus maledixisse terræ (*Gen. iii.*), et in maledictione terræ, maledixisse animalibus quæ vivunt de terra, et ideo, quibus maledixit Deus non est utendum. Item, caro descendit a carne sensitiva ⁸⁹, immunditia, per luxuriam ; immundis autem non est utendum ⁹⁰. Item, caro præbet fomentum luxuriae, et ideo a carnis abstinentia est, quia ab omnibus quæ præbent incitamenta peccati, abstinentia est. Præterea, non legitur quod Christus carnes comededit, et ideo non comedit, ut nobis exemplum abstinenti a carnis præberet, et ita ab eis cavendum insinuavit. Sancti etiam leguntur abstinuisse a carnis, et non sine causa ⁹¹; ergo et nobis abstinentia est.

CAPUT LXXV.

Præmissorum determinatio, quod non est malum comedere carnes.

D Ad hæc dicimus, quod non ideo abstinentia est a carnis, quod terræ maledixit Deus, quia simili ratione abstinentia esset a fructibus. Terræ autem maledici nihil aliud fuit, quam eam sterilitati subjici. Nam quæ ante peccatum Adæ fertilis erat ⁹² ad omnes fructus sponte serendos, post peccatum, et pro peccato sterilitate damnata est, ita ut raros faciat fructus, nec sine labore hominum ⁹³, spinas et tribulos germinans (*Gen. iii.*). Non tamen ideo damnata est caro, ut ea non sit licitum uti, quamvis propter peccatum Adæ sit infirmata. Et quamvis ex traduce producatur caro ex carne, mediante luxuriae pruritu ⁹⁴, non tamen est immunda quantum ad esum. Quid enim prohibet ad comedendum quod concepta est per pruritum ⁹⁵? quæ immunditia ex hoc in carne ut prohibetur a comedione? Nihil apud Deum reputatur immundum, nisi ratione peccati; cum ergo bestiarum caro non sit peccato subjecta, cur prohibetur ab esu hominum? Bonum dicimus a carnis abstinere,

VARIÆ LECTIÖNES.

⁸³ *Ms. melius*, quorum damnatio certa est. ⁸⁴ *In impresso* judicabitur. ⁸⁵ *In impresso* additur alteri mereri primam gratiam, et bene. ⁸⁶ *In impresso* quædam hic omissa sunt. ⁸⁷ Via. ⁸⁸ *In impresso*, manifestum. ⁸⁹ *In ms. pro sensitiva, habetur seminativa, et bene.* ⁹⁰ *hoc totum deest in impresso.* ⁹¹ *In impresso* sic : ergo ratio est qua abstinentia. ⁹² *In impresso*, uberrime fertilis. ⁹³ *Deest ultima periodus in impresso.* ⁹⁴ *In impresso*, pro pruritu, habetur principatu, sed male. ⁹⁵ *Rursus hic pro pruritu, male habetur per peccatum.*

non quia sint malæ, sed quod carnali concupiscentiæ præstant fomenta, non tamen est peccatum edere. Quia ut ait Apostolus : *Omnia mihi licent, sed non omnia expedient* (*I Cor. vi*) ; quod intelligitur de esu carnium. Item, quamvis non legeretur quod Christus comedenter carnes, non est tamen verum quod non comedenter : multa enim fecit Christus quæ scripta non sunt. Christus autem comedens agnum paschalem cum discipulis suis, de quo non est dubium, cum in Evangelio legatur : *Ubi vis paremus tibi comedere Pascha?* (*Math. xxvi*). Ibi per pascha agnus paschal is intelligitur.

Sancti autem a carnibus abstinuerunt, non quod malæ essent, vel edere malum esset, sed ne fomentum concupiscentiæ eis præberent.

257 CAPUT LXXVI.

Quibus auctoritatibus et rationibus probatur quod non tenetur abstinere a cibis quos Deus creavit.

Isti errori multis auctoritatibus et rationibus obviari potest. Probatum est superius omnia a Deo creata esse; sed nihil a Deo creatum est immundum. Ergo nec caro est immunda. Ergo abstinendum non est a carne propter ejus immunditiam. Item, qua ratione dicunt abstinendum esse a carnisbus, et non ab ovis, cum ova magis præbeant fomentum luxuriæ quam carnes? Cur etiam non abstinent a piscibus, qui etiam quadam seminativa ratione nascantur, et quidam etiam delicati-

A pruritum excitent libidinis. Præterea, quare etiam utuntur leguminibus, ut fabis, et pisis, quæ magis ventositatem faciunt et libidinem succendent? Legitur quoque in Actibus apostolorum dictum esse Petro : *Quod Deus creavit, immundum ne dixeris* (*Act. x*). Apostolus etiam reprehendit hæreticos illos, qui prohibent *nubere et abstinere a cibis quos Deus creavit* (*Tim. iv*). Dominus etiam mittens discipulos suos ad prædicandum, ait : *In quamcunque domum intraveritis, manete, edentes et bibentes quæ apud illos sunt* (*Luc. x*). Idem Dominus, ut præostensus est, comedens pascha, id est agnum paschalem. Item Christus ait : *Omne quod in os intrat, non coinquiat hominem* (*Math. xv*). Ergo nec caro. Item Apostolus : *Omne quod de mucello B venit, manducate, nihil interrogantes propter conscientiam* (*I Cor. x*). Idem : *Omnis creatura Dei bona est, et nihil rejiciendum quod cum gratiarum actione percipitur: sanctificatur enim per verbum Dei et orationem* (*Tim. iv*). Item ad Titum : *Omnia munda mundis, coinquinatis et infidelibus nihil est mundum* (*Tit. i*). Sed objiciunt hæretici quod Apostolus prohibet comedere carnes et libere vinum, dum dicit : *Bonum est homini non comedere carnes, et non bibere vinum* (*Rom. xiv*). Sed dicimus quod Apostolus non prohibet hic usum carnis vel vini, sed dat consilium abstinendi. Hæc contra hæreticos prædictos dicta sufficiant. Nunc ad illos qui Waldenses dicuntur, stylum vertamus.

LIBER SECUNDUS.

CONTRA WALDENSES.

258 CAPUT PRIMUM.

Quibus auctoritatibus et rationibus probatur quod nullus debeat prædicare, nisi sit a majore prælato missus.

Sunt quidam hæretici qui se justos esse singunt, cum sint lupi ueste ovina induiti. De quibus Dominus in Evangelio dicit : *Attendite a falsis prophetis qui veniunt ad vos in vestimentis ovium, intrinsecus vero sunt lupi rapaces* (*Math. vii*). Hi Waldenses dicuntur, a suo hæresiarcha, qui vocabatur Waldus, qui suo spiritu ductus, non a Deo missus, novam sectam invenit, scilicet ut sine prælati auctoritate, sine divina inspiratione, sine scientia, sine litteratura⁹⁸ prædicare præsumeret. Sine ratione philosophus, sine visione propheta, sine missione apostolus, sine instructore⁹⁹ didascalus, cuius discipuli, imo, muscipuli, per diversas mundi partes, simplices seducunt, a vero aver-

C tunt¹⁰⁰, non ad verum convertunt. Qui potius ut satient ventrem quam mentem¹⁰¹, prædicare præsumunt, et cum non velint laborare propriis manibus ut acquirant victimum, malunt otiose vivere et falsa¹⁰² prædicare, ut videntur cibum (*I Cor. iv*); cum Paulus dicat : *Qui non laborat, non manducet* (*II Thess. iii*). Qui primo, in hoc navigant contra divinam auctoritatem, et contra sacrae Scripturæ præconia, quod prædicant non missi a superiori prælato, aut a Deo; nam a Deo missos esse non probant eorum opera, nec miracula comprobant. Missio enim a Deo facta, et operibus probatur bonus, et miraculis comprobatur. Nec etiam legimus aliquem sanctum prædicasse nisi missum. Nam et Christus a Patre missus est, nec venit ad prædicandum nisi secundum Patris beneplacitum. Hoc idem patet in prophetis et apostolis, eorumque vicariis. Jonam¹⁰³ a Fco missum legimus (*Jon. i*). Et D

VARIAE LECTIONES.

⁹⁸ In impresso habetur, sine conscientia, sine littera. ⁹⁹ In impresso, instructione. ¹⁰⁰ In impresso, a via seducunt. ¹⁰¹ Satientur ventre quam mente. ¹⁰² In impresso milia præcineret. ¹⁰³ In impresso male pro Jona, habetur Joannes.

ad Jeremiam alt Dominus: *Priusquam te formarem A mittitur eis loqui, sed subditas esse, sicut et lex dicit: si quid autem volunt discere, viros suos domi interrogent; turpe enim est mulierem in ecclesia loqui* (*I Cor. xiv*). Item Apostolus in Epistola prima ad Timotheum: *Mulier in silentio discat cum omni subjectione; docere autem mulieri non permitto, neque dominari in virum* (*I Tim. ii*). De his haereticis ait etiam Apostolus in Epistola secunda ad Timotheum: *Hoc autem scito, quod in novissimis diebus instabunt tempora periculosa, et erunt homines seipsos amantes, cupidi, elati, superbi, blasphemantes, parentibus inobedientes, ingrati, scelesti, sine affectione, sine pace, criminatores, incontinentes, immobiles, sine benignitate, proditores, protervi, tumidi, voluptatum amatores magis quam Dei, habentes speciem quidem pietatis, virtutem autem ejus abnegantes; et hos devita: ex his enim sunt qui penetrant domos, et captivas ducunt mulierculas, oneratas peccatis, quae ducuntur variis desideriis, semper discentes, et nunquam ad veritatis scientiam pervenientes* (*II Tim. iii*). Hæc omnia maxime conveniunt Waldensibus, qui *elati* sunt, prælatis Ecclesiæ detrahentes; *superbi*, propria opera jactantes; *blasphemi* in Deum per haereses, parentibus carnalibus et spiritualibus *inobedientes*¹⁰, quia negant obedientiam prælatis suis; *scelesti*, quia suas animas et alias pravis dogmatibus interficiunt; *sine affectione* ad aliquem¹¹, *sine pace*, alios inquietantes, *criminatores*, quia aliis crimina imponunt; *incontinentes* tamen in conciliabilis suis gulae indulgent et luxuriæ intendunt, ut testantur illi qui a consortiis eorum recedunt; *immobiles*, exercendo lites; *sine benignitate*, quia subvenire aliis nolunt; *proditores*, quia secreta aliorum revelant; *tumidi corde inflati*, profana religione protervi et procaces, *speciem quidem pietatis habentes*, *virtutem autem ejus abnegantes*, quia extrinsecus religionem prætendunt, intrinsecus autem sunt lupi rapaces; cæci non intelligentes quid loquuntur, nec de quibus agunt; *voluptatum amatores*, carnales lætitias spiritualibus præponentes¹². Isti sunt *qui penetrant domos viduarum* et eas decipiunt; hi sunt qui semper laborant in gymnasii suis, ut addiscant, et nunquam ad scientiam veritatis pervenient.

VARIÆ LECTIÖNES.

⁸ In impresso, super alios, et alios missos missi. ⁹ Auctoritate majoris. ¹⁰ Hoc ultimum deest in impresso. ¹¹ reprobavit. ¹² Totum hoc deest in impresso. ¹³ In impresso sic: qui sacramentum Scripturæ non intelligunt. ¹⁴ In impr., periculum. ¹⁵ In impresso, contra Apostolum in hoc præsumunt. ¹⁶ In impresso, deest carnalibus. ¹⁷ In impresso, sine affectione animæ. ¹⁸ Plura ex præcedentibus desunt in impresso.

B
C
D

260 CAPUT II.

Quibus auctoritatibus et rationibus muniti Waldenses, dicunt neminem debere alicui obedire nisi Deo.

Isti Waldenses asserunt neminem debere obediere alicui homini, sed soli Deo. Quod probare nituntur auctoritate Petri et Joannis, qui n. in Actibus apostolorum legitur, ad Scribas et Pharisæos loquens ait: *Vos ipsi judicate an potius obediendum sit Deo*

præcipienti, an vobis prohibentibus (*Act. 4* et *v*). Quasi dicat : Erratis, prohibentes quæ Deus præcipit, nec estis audiendi : ubi enim superior præcipit, et inferior contradicit, non est inferior audieundus. Dicunt etiam quod si homini obediendum est, propter Deum obediendum est, et non propter hominem, et sic soli Deo obediendum est. Item, Samuel ad Saul : Species ariolandi est nolle obedire (*I Reg. xv*). Species ariolandi est, quodammodo Deum negare per inobedientiam; sed nolle obedire homini, non est ariolari, sed non velle obedire Deo. Deo igitur obediendum est, et non homini, quia per hoc quod non obedimus homini, non ariolamur, sed per hoc quod negamus obediendum Deo.

CAPUT III.

Solutio præmissorum, et quod Deo et hominibus obediendum est.

His respondendum est quod Deo et homini obediendum est, sed Deo magis quam homini : homini tamen etiam, quia est super homines potestas ordinata a Deo, quia ut ait Apostolus : *Non est potestas nisi a Deo* (*Rom. xiii*)¹³. Unde Christus ad Pilatum : *Non haberes in me potestatem, nisi tibi datum esset desuper* (*Ioan. xix*). Si ergo Pilatus, qui aë imperatore Romano potestatem terrenam acceperat, eam super Christum habebat, longe fortius¹⁴ et alius homo super alios homines. Christus etiam patri putativo et Matri obediens fuit (*Luc. ii*). Petrus autem et Joannes, per hoc quod dicunt potius esse obediendum Deo præcipienti quam hominibus (*Act. v*), non negant homini esse obediendum, sed potius Deo quam homini. Homini tamen nunquam est obediendum in malis, sed tantum in bonis : et in hoc quod quis obedit homini in bono, obedit Deo. Quod autem Samuel ait, species ariolandi est nolle obedire (*I Reg. xv*), intelligitur in eo casu, quando ex præcepto divino, vel inspiratione divina quispiam alicui aliquid injungit ; sicut Samuel ex inspiratione divina, vel præcepto divino injunxit Sauli ut exspectaret eum ad offrendum sacrificium. In eo igitur quod non exspectavit, Deo inobediens fuit, et non tantum homini ; et haec inobedientia quodammodo species ariolandi fuit.

261 CAPUT IV.

Auctoritates quibus probatur quod hominibus obediendum est, maxime prælatis.

Quod autem hominibus, et maxime prælatis obediendum sit, manifeste ostendit Apostolus in Epistola ad Romanos, dicens : *Omnis anima potestatis sublimioribus subdita sit; non est enim potestas nisi a Deo : quæ autem sunt a Deo, ordi-*

nata sunt. Itaque qui resistit potestati, Dei ordinationi resistit (*Rom. xiii*). Et infra : *Ideo et tributa præstatis; ministri enim Dei sunt, in hoc ipsi deservientes* (*ibid.*). Petrus etiam in Epistola canonica ait obediendum esse dominis suis, non solum modestis sed etiam dyscolis (*I Petr. iii*). Dicit etiam Dionysius in *Hierarchia*, quod angeli invicem obediunt, minores scilicet majoribus. Bruta quoque animalia sibi invicem obediunt; quod apparet etiam in minimis animalibus, id est apibus; nam et apes regem habent.

Potestates ergo tam ecclesiasticæ quam sæculares ordinatæ sunt a Deo; ut superiores inferiores rogant, et ut subditi laudem¹⁵ habeant ex illis si bene agant; vel, si male, puniantur¹⁶. Debent subditi suis obediare prælatis, sive boni sint, sive mali, in bonis tamen, et non in malis. Obedientia enim est animi deliberantis, honestæ et justæ jussionis effectus ; quia in his debemus obediare prælatis quæ juste deliberant et juste imperant. Sunt autem quædam sine quibus non est salus, ut adiunctiones præceptorum moralium, in quibus omnino tenemur obediare prælatis.

Sunt aliæ in quibus non est salus, ut mortalia peccata, in quibus agendis, nulli est obediendum. Sunt et alia media, cum quibus est salus, et sine quibus est salus, ut carnes comedere, vel non comedere. Prædicare autem laico non licet, et ei periculosem est¹⁷, quia non intelligit quod dicit, nec Scripturas intelligit quas exponere præsumit¹⁸. Ergo si prælatus ei injungat ut taceat, tenetur tacere ; et si non tacet, mortaliter peccat.

Unde, si sub pena excommunicationis prohibet ei prædicare, si prædicet, sententiæ excommunicationis subjet. Quare, isti Waldenses qui contra præceptum domini papæ prædicant, imo contra totam Ecclesiam, huic sententiæ subjacent. In concilio etiam Lateranensi in eos sententia excommunicationis lata est. Unde eis etiam communicandum non est, cum sententia apostolica ab Ecclesia præcisi sint. Ideo autem excommunicati sunt, quia officium non suum usurpant contra fidem et quidem verbis Ecclesiam prædicant, cui factis derogant, et os in cœlum ponunt, Romanæ curiæ detrahentes, cum instar sacrilegii sit, de facto summi pontificis disputare. Quibus etiam magis credendum est, idiotis, an sapientibus Ecclesiæ universis? Si ergo in his quæ non sint periculosa, sed indifferentia, ut, abstinere a carnis vel a vino, obedimus majoribus et prælatis Ecclesiæ, multo magis tenentur prædicti hæretici prælatis Ecclesiæ obedere in his quæ periculosem est facere; cum prælati sententia (testante Gregorio) sive justa sit sive injusta, non solum timenda, sed etiam tenenda sit.

VARIE LECTIONES.

¹³ *Hoc ultimum deest in impresso.* ¹⁴ *In impresso multo magis.* ¹⁵ *Impressum habet gratiam.*

¹⁶ *In impresso, si male operantur, pœnam sustineant.* ¹⁷ *In impresso omnia hic sunt confusa, et vero vericulosum est, habetur vericulosum non est.* ¹⁸ *In impresso, promisit.*

CAPUT V.

Ovinio eorum qui dicunt quod bonis prælati tantum sit obediendum eorumque refutatio.

Forte dicent quidam hæretici, quod bonis prælati obediendum est, qui apostolorum vicarii sunt vita et officio; non vero iis qui apostolorum vitam non habent, nec **262** officium eorum retinent, quia hi mercenarii sunt, non pastores.

Verum his obviat beatus Clemens, dicens : « Sacerdotes et reliqui ministri Ecclesiæ, omnisque plebs, episcopos suos diligere debent, eorumque præceptis obediare; etiamsi ipsi aliter agant (quod absit), nisi in fide erraverint. » Item Eusebius papa : « Oves quæ suo pastori commissæ sunt, eum reprehendere non debent, nisi a fide exorbitaverit, » nec ulla tenus accusare possunt; quia facta pastoris, gregis gladio serienda non sunt ¹⁹.

CAPUT VI.

Auctoritate probare conantur hæretici quod tantum apostolorum imitatoribus obediendum est.

Quod autem illis solis potestas ligandi et solvendi data sit, qui doctrinam simul et vitam apostolorum servant, variis conantur auctoritatibus probare. Ait enim Augustinus, in libro *De Baptismo* : « Remissionem peccatorum per seipsum facit Deus, vel per columbae membra. » Dicit etiam idem Augustinus, peccata vel commissa dimitti a sanctis.

Idem super *Exodus*, ubi de lamina aurea sacerdotis loquitur, quæ semper erat in fronte sacerdotis. « Hæc, inquit, significat fiduciam bona vitæ, quam qui vere, perfecteque, non tantum significacione, sed veritate sacerdos habet, solus potest peccata auferre. » Item Gregorius : « Illi soli habent in carne positi ²⁰, ligandi et solvendi potestatem sicut sancti apostoli, qui illorum exempla simul cum doctrina tenent. » Item ex dictis Gregorii : « Hæc soli Petro concessa est potestas, et imitatoribus Petri, nam quicunque Petri vestigia imitantur, habent haec ligandi et solvendi potestatem. » In *Malachia* etiam legitur : *Maledicam benedictionibus vestris* (*Malach. ii*). Et alibi : *Væ illis qui vivificant animas quæ non virunt, et mortificant animas quæ non moriuntur* (*Ezech. xiii*). Si enim maledicit Dominus benedictionibus eorum, et si animæ quas vivificant, non vivunt, quomodo per eos gratia benedictionis datur ²¹?

CAPUT VII.

Præmissorum determinatio. Quod omnes sacerdotes habent ligandi et solvendi potestatem.

Ad hoc dicimus, quod omnes sacerdotes habent potestatem ligandi et solvendi, sed illos solos digne ac recte hac potestate uti, qui prædicti sunt vita et doctrina apostolica, et ad hoc referendæ sunt præ-

A dictæ auctoritates, quæ dicunt injustos sacerdotes nec ligare nec solvere, id est nec digne, nec recte. Absolute tamen per illos qui sancti non sunt, fit remissio vel retentio peccatorum. Dat enim Deus benedictionem digne petenti, etiam per indignum ministrum. Quod autem in *Malachia* legitur : *Maledicam benedictionibus vestris* (*Malach. ii*), sic intelligitur, *Benedictionibus vestris*, id est iis quæ nostris benedictionibus non possidetis, *maledicam*, quia me vos deserente, vobis cedent in malum. Vel sic : et si benedicunt sanctis, non hoc faciunt ex vero corde; et sic, benedictio vertitur eis in maledictionem. Vel sic : quod a vobis benedicitur, a me maledicitur, quia male agentibus benedicunt, adulanturque peccantibus, dummodo sint divites ²². Vel intelligatur hoc dici contra hæreticos ab Ecclesia præciosos et excommunicatos, quorum benedictiones **263** sunt maledictiones, qui eorum sequuntur errores. Illud autem, *Væ illis qui vivificant animas*, id est se vivificare dicunt, intelligitur de his qui absque clave scientiæ et forma bonæ vitæ, ligare vel solvere presumunt.

Quod vero potestatem ligandi et solvendi habent omnes sacerdotes, testatur Hieronymus super illum locum Evangelii, ubi Dominus ait Petro : *Tibi dabo claves regni cælorum*, etc. (*Matt. xvii*). « Habet eamdem judicariam potestatem cæteri apostoli, habet et omnis Ecclesia in episcopis et presbyteris, sed ideo Petrus eam specialiter accepit, ut omnes intelligent quod quicunque ab unitate fidei et societate Ecclesiæ se separaverit, nec a peccatis solvi, nec cœlum potest ingredi. » Item quod sacerdos etiam si malus sit, gratiam tamen transfundat pro suæ dignitatis officio, Augustinus ostendit dicens : « Dictum est a Domino, in *Numeris*, ad Moysen et Aaron sacerdotes : *Vos ponite nomen meum super filios Israel, ego Dominus benedic eos* (*Num. vi*). » Ut gratiam per ministerium ordinati transfundat hominibus, nec voluntas sacerdotis obesse vel prodesse potest, sed meritum benedictionem poscentis. Quanta autem sit dignitas sacerdotalis officii et ordinis, hinc advertimus. Augustinus dicit in libro *Quæstionum Veteris et Novi Testamenti* : « Dictus est de nequissimo Caipha, inter cætera : Hoc autem a semetipso non dixit, sed cum esset pontifex anni illius, prophetavit (*Joan. ii*), per quod ostenditur spiritum gratiarum personam ²³ non sequi indigni vel digni, sed ordinem traditionis, ut, quamvis aliquis boni meriti sit, non tamen possit benedicere, nisi fuerit ordinatus, ut nihil ministrorum officium exhibeat ²⁴. Dei autem est officium ²⁵ tribuere benedictionis.

VARIÆ LECTIONES.

¹⁹ In impresso, omnino contrarie, sic : *Pastoris gladio oves serienda non sunt*. Verum, lectionem nostram retinendam esse, quilibet facile collegerit. ²⁰ In impresso sic : *in hac causa positi*. ²¹ In impresso, pro, datur, habetur transfunditur. ²² Sequentia omnia in impresso desunt. ²³ In impresso, partem. ²⁴ In impresso ita, ut officium ministri exhibeant. ²⁵ In impresso pro officium habeat effictum.

CAPUT VIII.

Opinio illorum qui dicunt quod officium vel ordo nihil confert ad consecrandum, vel benedicendum, ad ligandum et solvendum.

Aiunt etiam prædicti hæretici quod magis operatur meritum ad consecrandum vel benedicendum, ligandum et solvendum, quam ordo vel officium. Unde ipsi quamvis ordinati non sint, quia se justos esse fingunt et merita apostolorum habere, modo sacerdotali benedicere præsumunt. Dicunt etiam se posse consecrare, ligare et solvere, quia meritum dat potestatem, non officium : et ideo qui se dicunt apostolorum vicarios, per merita debent habere eorum officia. In quo maxime contra Ecclesiam navigant, et se contra demonstrant esse. Istum autem errorem fulcire conantur auctoritate N.^o, dicens : « Sacerdotes non propria virtute benedicunt, sed quia figuram Christi gerunt, et propter eum qui in ipsis est, benedictionis plenitudinem tribuunt. » Itaque, non solum is qui sacerdotium sortitus est, sed quicunque Christum in seipso habet, et ejus figuram gerit per conversationem bonam, sicut Moyses idoneus est, ut benedictionem præstet. Ad hoc etiam notandum, aiunt, quod Apostolus in Epistola ad Romanos, dicens, *per quem accepimus gratiam et apostolatum* (*Rom. i*), præposuit gratiam apostolatui¹⁶.

Prædictis autem respondemus, quod alia est benedictio quæ congruit solis sacerdotibus, alia quæ ab omnibus communiter exhibetur. Denique sacerdutes in quibus Christus habitat, benedictionis plenitudinem tribuere dicuntur, non quia illi soli gratiam transfundant, sed quia illi soli licite et digne id agant¹⁷. Nec subditos mala vita sacerdotis laedit, si vere faciunt quod ille dicit.

Unde Gregorius : *Multi dum plus vitam sacerdotis quam suam discutiunt, in erroris foream dilabuntur, minus considerantes, quod non eos vita sacerdotum laederet, si humiliter bonis sacerdotum admonitionibus aures accommodarent*¹⁸.

CAPUT IX.

Infirmatio illorum qui dicunt quod non tenetur quis confiteri sacerdoti, si presto sit laicus.

Præfati etiam dicunt hæretici quod non est necesse hominem confiteri peccata sua sacerdoti, si presto sit laicus cui possit confiteri. Sed, quod studiose requirendus sit sacerdos, cui Deus concessit potestatem ligandi et solvendi, ostendit Augustinus in libro *De pænitentia*, dicens : « Qui vult coulteri peccata, ut inveniat gratiam, querat sacerdotem qui sciat ligare et solvere, ne cum negligens circa se existit, negligatur ab eo qui miseri-

A corditer eum monet et petit. » Idem : « Judicet se homo voluntate dum potest, et mores in melius convertat, ne cum non poterit, præter suam voluntatem a Domino judicetur. Et cum protulerit in se severissimæ (sed tamen utilissimæ) medicinæ sententiam¹⁹, veniat ad antistites, per quos illi claves in Ecclesia ministrentur. A præpositis sacramentorum²⁰ accipiat suæ satisfactionis modum. » Item Leo papa : « Multiplex misericordia Dei ita lapsibus humanis subvenit, ut non modo per baptismum, sed etiam per pœnitentiam spes vitæ reparetur, sic divine voluntatis praesidiis ordinatis, ut indulgentiam Dei, nisi supplicationibus sacerdotum nequeat obtinere. Christus enim hanc præpositis Ecclesiæ tradidit potestatem, ut pœnitentibus et peccata contentibus darent pœnitentiae satisfactionem, et eosdem salubri satisfactione purgatos, ad communionem sacramentorum, per januam reconciliationis admitterent. » Item Leo : « sufficit confessio quæ primum Deo offertur per sacerdotem, quem pro delictis primum peccator accedit. Tunc enim plures ad pœnitentiam provocari poterunt, si populi auribus non publicetur conscientia contentis²¹. » Item Augustinus. « Quem pœnitet de peccatis, dolorem lacrymis ostendat, et per sacerdotem suam vitam Deo repræsentet : præveniat Dei judicium per confessionem ; præcepit enim Deus mundanis ore sacerdotibus peccata esse confitenda, non per scriptum, vel nuntium, ut singuli pro peccatis suis erubescant ; quia erubescencia partem habet remissionis. »

CAPUT X.

Quod in necessitate potest homo confiteri peccata sua proximo, vel socio suo, si desit sacerdos.

Ex prædictis patet quod non sufficit confiteri Deo sine sacerdote ; nec est vere humilis et pœnitens, nisi desideret ac studiose requirat sacerdotis judicium. Si tamen sacerdotis habere non possit copiam, socio vel proximo sufficit confiteri. Unde Augustinus, in libro *De pœnitentia* : « Tanta est vis confessionis, ut si desit sacerdos, confiteatur proximo. » Sæpe enim contingit quod pœnitens non 265 potest verecundari coram sacerdote. Et quoniam desideranti nec tempus, nec locus offert, et si ille cui confitebitur, ligandi et solvendi potestatem non habeat, fit tamen dignus venia, ex sacerdotis desiderio, qui crimen confitetur socio. Mundati enim sunt leprosi dum irent orare, vel ostendere se sacerdotibus, antequam ad eos pervenirent. Unde patet, Deum ad eorum corda respicere, qui non possunt ad sacerdotes pervenire²² (*Luc. xvii*).

Oijicunt autem nobis in hunc modum : Si pec-

VARIAE LECTIONES.

¹⁶ *Nomen auctoris in impresso desiderabatur, in ms. autem legere nequivi, quantum autem concicerere potui, erat, Esilius : hujus vero loco, exemplar impressum substituerat, auctoritas eventu dicens.*
¹⁷ *Tota hæc periodus deest in imp.* ¹⁸ *In impresso sic, sensu contrario, non quia illi soli licet et digni id agant.* ¹⁹ *In impr. adhíberent.* ²⁰ *Plura hic desiderantur in impresso.* ²¹ *In impresso, sacerdotum.* ²² *Cetera desiderantur in impresso.* ²³ *In impresso sic sine sensu, dum necessitate te prohibent sacerdotes prævenire.*

catum omnino remissum est a Deo per cordis con-
tritionem, ex quo pœnitens habuit voluntatem con-
fessandi²⁴, quid postea dimittitur a sacerdote? Video
enim quo vinculo eum ligat, scilicet temporali
pœna, sed non à quo eum absolvat. Ante pœnituti-
nem enim cordis, anima rei maculam habet, et fetio-
rem peccati, et aeternæ ultiōnis vinculo ligata exis-
tit. Si vero ante confessionem, per contritionem
cordis, Deus per seipsum sine ministerio sacerdo-
tis, et debitum omnino relaxat, et animam interius
purgat a contagio, et fetore peccati, quid igitur
muriat, quid dimittit sacerdos?

Ad hoc dicimus quod homo, quando peccat, de-
linquit contra Deum et contra proximum: Contra
Deum, quia facit contra ejus præceptum, contra
proximum, per pravum exemplum. Cum ergo pe-
nitus remittitur ei peccatum quoad reatum, id est
quantum ad debitum pœnæ aeternæ, remissum est
quoad Deum: Sed quia peccavit etiam contra
proximum, restat pœna temporalis ei injungenda.
Præterea quia nemo certus est utrum revera ha-
beat veram contritionem per quam ei omnia pec-
cata remissa sint; ideo datum est a Deo officium
sacerdotibus, ut pœnitentibus sacramentum abso-
lutionis impendant, et secundum quod viderint illos
dispositos, majorem aut minorem injungant satis-
factionem. Itaque sacerdos solvit per culpas et pœ-
næ relaxationem, et quando per reconciliationem,
in Ecclesiam inducit; ligat, quando sententia ex-
communicationis subditos ferit²⁵.

CAPUT XI.

*Opinio eorum qui dicunt, quod generales absolutio-
nes quæ sunt ab episcopis in variis officiis, non sunt
ratae.*

Predicti etiam hæretici nituntur probare, quod
absolutio quæ sit ab episcopis in consecratione
Ecclesiarum, vel in aliis officiis, non sit habenda
rata. Aiunt enim: Iste tenetur ad satisfactionem
trium annorum, unus episcopus in consecratione
unius ecclesiæ dimittit ei tertiam partem, secundus
relaxat aliam tertiam partem, et tertius reliquam
relaxat tertiam, quia tantam potestatem relaxandi
habet secundus et tertius quantum et primus.
Quod si est pro tribus obolis et nummis, relaxabi-
tur pœnitentia triennis. Item, indiscreta videtur
esse illa relaxatio, nec æqua satisfactionis recom-
pensatio, si pro uno obolo vel nummo, relaxetur
unius anni satisfactio.

Verum ad predicta dicimus, quod ille cui injun-
gitur satisfactio, charitatem habet vel non. Si chari-
tatem non habet, nihil ei ab episcopo relaxatur:
Si vero charitatem habet, aut sit in charitate, hoc
dictat ei charitas, ut perficiat pœnitentiam sibi in-
junctam, nec seipsum palpet, corporalem declinans

A pœnam, quin injunctam sibi pœnitentiam peragat,
si potest. Quia ipsa charitas reddit hominem para-
tum, ut non solum illam, verum etiam majorem
compleat, si ei injungeretur. Talis, si implet illud,
pro quo facta est relaxatio ab episcopo, non rela-
xandæ pœnæ intentione, sed ex charitatis servore,
et decedit ante peractam pœnitentiam, remittetur
ei tantum de pœna purgatoria, quantum in præ-
senti sæculo ei relaxavit episcopus **266**. Dicimus
etiam quod liceat spiritualem pœnam commutari
in corporalem, vel pecuniariam, quæ in plerisque
longe gravior corporali²⁶. Nec isti, qui ex charitate
accedit²⁷, fit commutatio pœnæ quantum ad ipsum,
quia non hac intentione facit illud pro quo sit re-
laxatio, scilicet ut relaxetur ab injuncta pœnitentia,
B sed solo intuitu charitatis. Nec vult ut relaxetur,
sed habeat propositum perficiendi pœnitentiam, si
Deus concederit vitam. Quia igitur proponit eam
perficiere, nec in ipso remanet quin perficiat, si
priusquam perficiat, decedit, et ipse episcopus hac
intentione relaxat, ut in purgatorio ei aliquid de
pœna relaxetur: isti, si fuerit morte præventus,
tantum de pœna purgatorii relaxabitur, quantum in
hoc sæculo de pœna temporali relaxatum esse vide-
bitur.

CAPUT XII.

*Opinio illorum qui dicunt suffragia illa quæ sunt
ab illis qui sunt in peccato mortali, non vrosunt
mortuis.*

C Dicunt etiam predicti hæretici quod orationes vel
suffragia corum qui sunt in mortalibus peccatis²⁸,
animabus mortuorum non prosunt. Nam quomodo
potest aliis prodesse qui sibi non potest prodesse?
Item, oratio quæ sit in orantis perniciem, quomodo
erit in alterius salutem? hoc autem probare nitun-
tur auctoritatibus et rationibus. Dicit enim auctor-
itas: « Si is displicet qui ad intercedendum mit-
titur, irati judicis animus ad deteriora provoca-
tur. » Item: « Qui indevote orat, judicium sibi
postulat. » Sed qui sibi in oratione postulat judi-
cium, quomodo aliis postulat remedium? Item:
Oratio ejus fiat in peccatum (Psal. cxviii). Quomodo
ergo ad salutem aliorum? Item ille qui meretur
offensam apud Deum quia orat, quomodo pro alio
perorabit? *Peccatori enim dixit Deus, quare tu enar-
ras justias meas, et assumis testamentum meum
per os tuum? (Psal. xl.)* Item et rationibus probare
conantur: Sacerdos in mortali peccato existens,
dum celebrat divina, aut orat, actio illa mala est,
et per hanc sibi meretur pœnam aeternam, ergo ea-
dem non meretur alii relaxationem pœnæ: nulla
enim actione potest quis mereri bonum et malum.
Item, dicit auctoritas quod illius sacerdotis missa
audienda non est, de quo indubitanter constat quod

VARIÆ LECTIONES

²⁴ In impresso, votum confessandi. ²⁵ Praecedentia omnia in impresso habebantur hinc inde aliter, et valde
obscure: sed et in ms. vix sensus aliquis colligi potuit. ²⁶ Ms habebat, nain in pecuniarium, quæ tamen
plerumque gravior est corporali. ²⁷ In impresso sic, sine sensu, isti cui ex charitate accedit. ²⁸ In im-
presso, qui in morte sunt.

habeat concubinam. Alia etiam clamat auctoritas, quod ille qui in mortali peccato est nec in ecclesia orare, nec populum docere debet ²⁹.

CAPUT XIII.

Præmissorum solutio, et quod oratio quæ sit ab Ecclesia, a quoque proferatur, prosit mortuis et vivis.

Illi facile potest responderi. Verum enim est quod is qui ad intercedendum mittitur, Deo per mortale peccatum displicet, ex eo quod præsumit orare pro alio. Deterior etiam sit sua conditio divina celebrando; maxime si fuerit in notorio crimine, quia et in eo peccat quod præsumit, et quod aliis occasio scandali sit, sed tamen quia orat in persona Ecclesiæ ³⁰, dicens: *Oremus, ipsum significatum orationis, seu ipsa orationis significatio* ³¹ prodest aliis, non ex virtute orationis orantis, sed ex virtute Ecclesiæ, ad hoc orationem instituentis, ut prosit vivis vel mortuis. Peccat ergo qui in mortali peccato præsumit celebrare; prodest tamen oratio **267** quantum ad vim significationis, non quantum ad actionem orantis.

Sciendum etiam quod duplex est devotio, scilicet naturæ et gratiæ: Devotio naturæ est, quando quis ex naturali pietate orat, et ex quadam humilitate, quamvis sit in peccato. Talis si orat, ex eo quod orat non peccat, quia non indevote orat quantum ad devotionem naturæ; hujus oratio ipsi oranti non obest et illi pro quo orat potest prodesse quantum ad virtutem orationis. Devotio gratiæ est, quando aliquis ex charitate orat. Est ergo sensus: qui indevote orat, id est sine devotione naturæ vel gratiæ, judicium sibi postulat, id est peccat. Ille autem qui peccato notorio laborat, et aliis præbet scandalum, oratio ejus sit in peccatum illi, et non aliis pro quibus orat; activo, inquam, orantis, et non virtus orationis. Licet igitur apud Deum mereatur offensam actione prava, tamen pro alio virtus orationis perorat. Cum autem dicitur: *Peccatori autem dixit Deus, etc.* (*Psal. xix.*) Peccator dicitur ille, qui gloriatum cum male fecerit, quia laborat publico crimine, vel qui convictus vel confessus est in jure: Talis, si in publico id est in ecclesia orat, vel predicit, vel psalmos cantat, peccat, ut dictum est. Item, si talis divina celebret, quantum in se est, peccat; virtus tamen orationis alios adjuvat. Si vero hæreticus ab Ecclesia divisus, pro aliis orat, jam non orat in persona ³² Ecclesiæ, nec ipsi nec aliis prodest oratio.

Ex præmissis patet quod peccatoris obstinati actio qua orat, mala est, nec ei nec aliis prodest, sed ipsa significatio orationis, quia ab Ecclesia Dei ad hoc est instituta ut prosit, prodest aliis, et ita non est mala, sed bona. Quod autem dicitur, quod

A talis sacerdotis missa non est audienda, de quo indubitanter constat quod habeat concubinam, intelligendum est de sacerdote qui convictus vel confessus est in jure, seu in judicio; cuius missa audienda non est, non quod sit mala, sed quod hoc faciendum est in verecundiam et confusionem sacerdotis, ut sic peccatum suum cognoscat et pœnitentia.

CAPUT XIV.

Quibus auctoritatibus et rationibus probatur quod orationes ab Ecclesia institutæ, sive a bono vel malo sacerdote proferantur, prosunt.

Quod autem orationes ab Ecclesia institutæ prosint, si in persona ³³ Ecclesiæ proferantur, seu a malo, seu a bono, rationaliter probatur. Si merita ministrorum non augent vel minuant vim Sacramentorum, videtur quod nec viam orationis. Sed patet quod vis baptismi vel eucharistie vel alterius sacramenti, non augetur vel minuitur a quoque detur: a simili, nec vires ecclesiasticarum orationum; habent enim in se quamdam vim sacramentalem. Præterea, si merita ministrorum augerent vel minuerent vim orationum, unitas Ecclesie non staret, imo schisma fieret; quia quidam sequerentur sacerdotem quem crederent meliorem, et fugerent alium quem putarent deteriorem; rursus, alii illum, alii illum sequerentur.

Paulus etiam contra illos qui gloriabantur de baptistis, dicit unum esse baptismum, et unum qui baptizat (*I Cor. i.*). A simili, nemo debet gloriari de orationibus hujus vel illius: tanta enim est vis orationis prolata ab isto quam ab alio, quantum ad ipsius orationis significationem ³⁴, licet non quantum ad devotionem orantis ³⁵; devotio enim **268** orantis poterit esse efficacior quanto major, sed oratio, quantum in se est, non erit fructuosior: Verbis enim inesse virtutem clamat Scripturæ tam divinæ quam humanæ. Nonne vis est in his verbis: *Baptizate in nomine Patris, et Filiæ, et Spiritus sancti? Hoc est corpus meum: Hic est calix Novi Testamenti,* quare in ecclesiasticis orationibus manet vis, si proferantur in persona Ecclesiæ ³⁶, non quantum ad proferentes, sed quantum ad instituentem?

CAPUT XV.

Opinio illorum qui dicunt quod omne mendacium est peccatum mortale.

Est et aliis prædictorum error, quod asserant quod omne mendacium est peccatum mortale. Quod sic probare conantur: Ait enim auctoritas: *Perdet omnes qui loquuntur mendacium* (*Psal. v.*). Et alibi: *Os quod mentitur, occidit animam* (*Sap. i.*). Item: *Sit sermo vester, est, est, non, non;* quod autem amplius est, a malo est (*Matth. v.; Jac. v.*). Ac si dicat

VARIÆ LECTIONES.

²⁹ In impresso sic, nec psalmos dicere debet. ³⁰ In impresso pro persona, viliose habetur propria ecclesia. ³¹ In impresso omnia hic sunt confusa, et sine sensu. ³² In impresso, præsentia. ³³ In impresso, præsentia. ³⁴ In impresso, ab orationis significatione. ³⁵ In impresso pro orantis, habetur orationis, sed perperam. ³⁶ In impresso, non sine crasso errore, pro persona Ecclesiæ, habetur, parochia ecclesiastica.

auctoritas : Simpliciter tantum affirmate quod verum est, falsum negate. Si hoc est præceptum, ergo si quis mendacium asserit, mortaliter peccat. Item, quidquid sit contra conscientiam, ædificat ad gehennam, ergo mortale peccatum est. Item, cum dicitur in Decalogo : *Non falsum testimonium dicet* (*Exod. xx; Matth. xix*), ex parte intelligitur totum. Ergo tibi prohibetur mendacium; ergo qui mentitur contra prohibitioem facit. Ergo mortaliter delinquit.

CAPUT XVI.

Prædictorum solutio, et quod non omne mendacium est peccatum mortale,

Ad hoc dicendum est, quod quoddam mendacium est peccatum mortale, quoddam veniale, quod penes se habet causam excusationis ⁴⁷, ut quando prodest alicui, et nulli obest. Quam mendaciorum differentian manifeste insinuat Augustinus (*in Psal. v.*), dicens : Tria sunt mendaciorum genera ; nam sunt mendacia pro salute vel commodo alicujus, non malitia, sed benignitate dicta, ut obstetrics in Exodo fecisse leguntur ⁴⁸, quæ dixerunt Pharaoni falsum pro filiis Israel servandis (*Exod. i*). Est et aliud mendacii genus, quod sit joco, quod non fallit, sed sola placendi vel delectandi voluntate profertur, et ille cui dicitur, scit, quod causa joci dicitur. Hæc duo genera mendaciorum non sunt sine culpa, sed non cum magna. Tertium genus est, quod ex malignitate et duplicitate procedit, cunctis cavendum valde. Ad illam ergo speciem mendaciorum, quæ peccatum mortale est, refertur illud quod dicitur : *Os quod mentitur occidit animam* (*Sap. i*). Et illud : *Perdes oves qui loquuntur mendacium* (*Psal. v.*). Quod autem dicitur : *Sit sermo vester, est, est, non, non* (*Math. v; Jac. vi*), non est præceptum sed consilium, et specialiter dicitur contra juramentum. Monet enim sacra Scriptura, ne juremus sine causæ cognitione : superflua enim Juramenta perniciosa sunt. Unde sequitur, quod amplius est, scilicet juramentum, a malo est, non quidem a malo jurantis, seu juramenti, sed a malo **269** jurare cogentis ⁴⁹. Quod autem dicitur, quidquid sit contra conscientiam, id intelligitur de mortali peccato, quia si conscientia dictat ⁵⁰ alicui, aliquod opus esse peccatum mortale, et tamen facit ⁵¹, seipsum ædificat ad gehennam, et æterna morte dignum reddit. Mendacium vero quod est veniale, etsi hoc modo sit contra conscientiam, scilicet quod conscientia dictet tale opus esse peccatum, tamen quia veniale est ex causa non ædificat ad gehennam, nec sic mentienti dictat conscientia, quod tale mendacium sit mortale. Si enim dictaret conscientia quod tale mendacium esset mortale, et ficeret, peccaret mortaliter. Cum autem dicitur :

A *Non falsum testimonium, etc. (Matth. xix)*, dicimus quod tantum prohibetur genus mendacii quod est mortale.

CAPUT XVII.

Utrum in aliquo casu licitum sit mentiri.

Quærunt etiam hæretici utrum aliquo casu licitum sit mentiri, vel non. Si licitum est, ergo aliquo casu mentiri non est malum ; quod falsum est. Ad hoc dicimus quod aliquid dicitur licitum duobus modis, uno modo dicitur licitum illud, quod potest fieri sine aliquo peccato ; juxta quam acceptiōem ait Apostolus : *Omnia mihi licent, sed non omnia expedient* (*I Cor. vi*). Alio modo dicitur aliquid esse licitum, quod quamvis non possit fieri sine peccato veniali, tamen sine mortali aliquando sit, et secundum hoc licitum est mentiri in aliquo casu, et non aliter.

Verum quod aliquis in aliquo casu non solum possit, sed etiam teneatur mentiri, videtur posse probari hoc modo. Ecce aliqui insequantur aliquem ut eum occidant, ille fugiens abscondit se apud alium, insequentes querunt ab illo a quo absconditus est, de abscondito, ubi sit. Ille autem vehementer opinatur absconditum esse in peccato mortali, et taliter moritum si nunc occideretur. Ergo quia proximus ejus est, tenetur eum servare ad vitam corporis et animæ, sed maxime animæ, ergo videtur ad hoc teneri, ut dicat absconditum non esse ibi, et ita tenetur mentiri. Ad hoc dicimus quod non tenetur mentiri, nec falsum dicere, sed potest verum tacere. Et si forte mentitur ad servandam vitam proximi, venialiter peccat ; quia hoc non facit intentione fallendi aliquem, sed intentione conservandi aliquem ad vitam. Ubique ergo intentio mentientis non tendit ad malum, veniale est mendacium ; sed ubi intentio tendit ad malum, non ad bonum, vel potius ad malum quam ad bonum, mendacium mortale est. Nullo ergo modo mentiri bonum est ; sed asserere quod omne mendacium sit peccatum mortale, stultum est.

CAPUT XVIII.

Opinio illorum qui dicunt quod nullo modo est jurandum.

Dicunt etiam prædicti hæretici nullo modo esse jurandum, quod auctoritatibus multis et rationibus probare videntur. Dicit enim Christus : *Sit autem sermo vester, est, est, non, non, etc.* (*Math. v*). Alibi etiam **270** dicit in Evangelio : *Nolite jurare omnino, neque per cælum, quoniam sedes Dei est ; neque per terram, quia scabellum pedum ejus est ; neque per capitulum capitis vestri, quia non potestis unum facere album, vel nigrum* (*Math. v*).

Ad hoc dicimus quod jurare, in se neque bonum neque malum est, sed indifferens ; aliquando ta-

VARIÆ LECTIONES.

⁴⁷ In impresso, errore intolerabili, pro excusationis. habetur excommunicationis. ⁴⁸ In impresso nemur perperam, loquuntur. ⁴⁹ In impresso pro jurare habetur jure. ⁵⁰ In impresso, dicat. ⁵¹ Omnia hic in impresso confusa, hoc modo : tamen facere ipsum ad gehennam, et dignum est æterna morte.

men malum est, aliquando non. Sponte enim et sine necessitate jurare, vel falsum jurare, grande peccatum est; ex necessitate autem jurare, scilicet ad asserendam innocentiam, vel ad fœdera pacis confirmanda, vel ad persuadendum auditoribus quod eis utile est ⁷¹ malum non est, est enim necessarium. Unde Augustinus, *De sermone Dom. in monte*: « Juramentum faciendum est in necessariis, cum homines pigri sunt credere quod eis utile est; licet enim juratio non sit bona, non est tamen mala quando necessaria est. » Item Augustinus *sup. Epist. ad Gal.*: « Non est contra Dei præceptum juratio, sed ita intelligitur Dominus prohibuisse a juramento, ut quantum in ipso est, quis non jurat; quod multi faciunt, in ore habentes jurationem, tanquam aliquid magnum et suave: » Apostolus enim novit præceptum Domini et juravit tamen (*Rom. 1*) ⁷². Prohibemur ergo jurare, cupiditate vel delectatione jurandi ⁷³. Item Augustinus in eodem *Serm.*: « Quod ergo ait Christus in Evangelio: *Ego dico vobis, nolite jurare omnino*, intelligitur præcepisse ne quisquam tanquam bonum appetat juramentum, et assiduitate jurandi, labatur in perjurium. » Quod vero additur: *Sit autem sermo vester, est, est; non, non*, bonum est, et appetendum; quod autem amplius est, id est si jurare cogeris, scias de necessitate venire infirmitatis eorum quibus aliquid suades, quæ infirmitas utique malum est, unde nos quotidie liberari precamur, dicentes: *Libera nos a malo* (*Math. vi*). Itaque, non dixit, *quod amplius est*, malum est; tu enim non facis malum, quia bene utearis juratione; sed *a malo illius est*, qui aliter non credit, id est ab infirmitate, quæ aliqua poena est ⁷⁴, aliquando etiam poena et culpa. Ibi ergo Dominus prohibuit malum, suasit bonum, indulxit necessarium. Quod autem Dominus in Evangelio præcipit: *Nolite jurare omnino, neque per cælum, neque per terram, neque per creaturam aliquam*. Hoc ideo factum est, ne Judæi qui quasi parvuli sensu erant, jurantes per angelos et elementa, creaturem divino venerarentur honore, hoc enim melius erat Deo exhibere quam creaturis. Infirmis ergo prohibuit ⁷⁵, sanctis vero qui in creaturis Creatorem venerabantur, non prohibuit. Unde Joseph per salutem Pharaonis juravit, Dei judicium in eo veneratus quo positus erat quasi Salvator *Egypti*; infirmis vero Christus ita per creaturem jurare prohibuit, ne vel aliquid divinum in eis inesse crederetur, pro quo eis reverentia deberetur, vel ne per eas homines falsum jurantes, se non teneri juramento putarent ⁷⁶.

VARIAE LECTIONES.

⁷¹ In impresso sic: Ad persuadendum aliquid quod alicui est utile. ⁷² In impresso male pro juravit habetur jurare prohibens. ⁷³ In impresso, ergo jurare intellexit. ⁷⁴ In ms. pro aliqua, habetur aliquando. ⁷⁵ In impresso, sequentia omnia confusa sunt et hinc inde quedam omissa, locis relictis vacuis, et punctis respersis. ⁷⁶ Sequentia etiam omnia desunt in impresso. ⁷⁷ In impresso pro Evangelii, habetur Augustini. ⁷⁸ In imp., aliis modis. ⁷⁹ In impresso, huic sententiæ præponuntur sequentia, auctor etiam universorum in multis locis sacrae Scripturæ legitur jurasse. ⁸⁰ De his et sequentibus nihil in impresso. ⁸¹ In impr. additur, vel sacramentum. ⁸² Hoc verbum in impr. prætermissem est. ⁸³ In peccatorum.

In illa etiam auctoritate quæ est in Epistola canonica, *Ante omnia*, etc., non prohibetur juratio, sed pronitas et præcipitatio ad jurandum.

CAPUT XIX.

Quod in quibusdam casibus liceat jurare.

Prædictis auctoritatibus Evangelii ⁷¹, manifestum est licitum esse jurare, ex causæ cognitione; quod et aliter ⁷² probari potest. Dicit enim Apostolus **27** in Epistola ad Hebreos: *Omnis controversia finis est juramentum* (*Hebr. iv*).

Ille igitur qui suspectus est de aliquo crimine, cum ejus simplici verbo non sit credendum quomodo cogetur ad purgationem, nisi per sacramentum, cum aliæ purgationes ab Ecclesia sint prohibitæ, ut, judicium aquæ frigidæ, et ferri eandemtis, aut ignis? hoc enim modo se purgare, est Deum tentare. Dominus etiam Abraham per somet ipsum juravit ⁷³ quod eum benediceret et multiplicaret. Unde Apostolus ad Hebreos: *Abraham namque promittens Deus, quoniam non habuit majorem per quem juraret* (*Hebr. vi*). Et infra: *Volens Deus abundantius pollicitationis hæredibus immobilitatem consilii sui, interposuit jusjurandum* (*ibid.*) ⁷⁴. Super hunc locum dicit auctoritas: Condescendit consuetudini hominum, ut certos faceret. Item in Psalmo: *Juravit Dominus, et non paenitebit eum* (*Psalm. cxix*). Et alibi: *Quibus juravi in ira mea* (*Psalm. xciv*). Legitur et in Apocalypsi quod angelus juravit per viventem in *sæcula* (*Apoc. x*). Apostolus etiam in Epistola ad Romanos, jurat in hunc modum: *Testimoniū est Deus* (*Rom. i*). Quid autem aliud est Deus in testem inducere, quam per eum jurare? Quomodo etiam faciet quis fidelitatem Domino suo, nisi per juramentum ⁷⁵?

CAPUT XX.

Opinio illorum qui dicunt quod nullo modo homo est occidendum.

Afferunt etiam prædicti haeretici, et hostes Ecclesiæ, in nullo casu et nulla occasione, nulla causæ ratione, hominem esse occidendum. Dicunt enim Deum prohibuisse homicidium, dicens in lege: *Non occides* (*Exod. xx; Math. v*). Etiam in Evangelio: *Omnis qui acceperit gladium gladio peribit* (*Math. xxvi*). Item Augustinus ad Marcellinum **D** comitem, pro quibusdam sceleratis ⁷⁶: « Imple, Christiane judex, pii Patris officium, sic succendendum iniquitati memineris, ut non peccatorum ⁷⁷ atrocitatibus exerceas ulciscendi libidinem, sed peccatorum vulneribus curandi adhibeas voluntatem. » Et infra: « Poena illorum quamvis de tantis sceleribus confessorum, rogo te ut præter suppli-

ciūm mortis sit, propter conscientiam nostram, et A ciat, qui minister ⁸⁶ est legis, Domino contradicitur propter catholicam mansuetudinem commendandam. Quod etsi quibusdam de nostris atrocitate commotis, videtur indignum, et quasi dissolutio- nis et negligentiae simile ⁸⁷, transactis tanien motibus animorum, qui pro factis recentioribus tur- bulentius ⁸⁸ solent excitari, egregie luculenta bo- nitas apparebit; Item: « Ex occasione terribilium judicium et legum, ne æterni iudicii penas luant, corrigi eos cupimus, non necari » Item, Grego- riūs: « Reos sanguinis defendat Ecclesia, ne effu- sionis sanguinis particeps fiat. » Item Dominus ait: *Nolo mortem peccatoris*, etc., (Ezech. xviii). De Ju- dæis etiam in Evangelio prohibetur ne occidantur, quia capsarii ⁸⁹ nostri sunt, et cedunt in argumen- tum ⁹⁰ fidei nostræ. Unde in Psalmo legitur: *Ne B occidas eos, nequando obliscantur populi mei* (Psal. lviii). Augustinus etiam, ubi legitur, quod Absa- lon intravit ad concubinas patris (II Reg. xvi), dicit, quod per concubinas intelliguntur hæretici, qui occidendi non sunt, sed in carcerem detru- dendi, et frequenter admonendi, ut ad Christianæ fidei redeant veritatem. Ovis etiam errabunda oc- cidi non debet, sed ad caulas reduci. Similiter hæ- retici qui characterem habent Christianum, co- gendi sunt verbis et verberibus, ut ad Ecclesiæ redeant unitatem.

272 CAPUT XXI.

Item rationibus probare conantur.

Multiplici ratione idem sic probare conantur; si hæc fuit legis Mosaicæ severitas, ut fur cogeretur restituere furtum, in duplum vel in quadruplum (Exod. xxii), quid est quod tempore Evangelii quod prædicat misericordiam, fur pro furto morte ple- citur? Nonne misericordia Evangelii debet præ- judicare austeritati legis? Apud legem magna ju- dicabatur austeritas esse in legis talione quando dens pro dente, oculus pro oculo solvebatur (Exod. xxi; Matth. v), in tempore vero Evangelii multo major videtur esse severitas, cum pro abscissione unius pedis, morte damnetur alius (Matth. xviii). Quæ est hæc misericordia, quæ homicidium ap- probat, leges exasperat? præterea, qui hominem occidit legi obviat naturali, quæ dicit: *Quod tibi non vis fieri, alteri ne feceris* (Matth. vii; Luc. vi). Nemo ergo debet velle alium occidi, vel occidere, cum id nolit fieri de se. Item: Aliquis videt alium esse in mortali peccato ⁹¹ nec pœnitere, et ita di- ciat ei conscientia, quod si molo moreretur, dam- naretur. Si ergo eum occidit, occidit eum in anima et corpore, et ita reus est damnationis illius. Et tamen, cum proximus ejus sit, tenetur eum diligere sicut se ipsum, et sic ad vitam æternam, et conse- quenter, ejus temporali saluti providere, ut provi- deat æternæ. Si vero dicatur, quod judex hoc fa-

C His objectionibus sic respondemus: Quando ju- dex, dictante justitia ⁹², præcipit aliquem occidi, ipse non occidit, sed lex. Judex enim minister est legis, imo Dei, in exequendis iudiciis. Quod au- tem dicitur in Evangelio, *qui gladium acceperit*, etc. (Matth. xxvi). Sic intelligendum est: Qui judicia- ria potestate abusus fuerit; vel injuste, sua auto- ritate, sibi usurpaverit; vel qui ex odio vel super- bia gladium acceperit, gladio peribit, hoc est con- demnabitur. Quod autem Augustinus pro sceleratis intercessit, de misericordia fuit, non de rigore justitiae. De justitia enim poterat eos comes tempo- rali morte punire; ad judicem autem ecclesiasti- cum non pertinet sanguinis effusio. Quod autem Gregorius ait: « Reus sanguinis, » etc., sic intelli- gendum est quod ad judicem ecclesiasticum non pertinet sanguinis effusio, sed ad judicem sacerdo- rem, qui gladium quo puniat corpus portat; judex vero ecclesiasticus, potius animam quam corpus suo gladio punit. Et sicut judex terrenus non de- bet usurpare officium ecclesiastici, ita nec ecclæ- siasticus terreni. Ecclesiam ergo defendere sanguini- nis reos, nihil aliud est quam eos non debere cor- porali pœna punire, sed potius pro eis apud terre- num judicem intercedere. Cum autem Dominus D 273 ait: *Nolo mortem peccatoris* (Ezech. xviii), non intelli- gitur de morte corporis, sed de morte animæ: non vult enim anima mortem, sed potius ut convertatur, et vivat spiritualiter. De Judæis autem dicimus, quod non sunt occidendi. Si ⁹³ tamen laborent illis cri- minibus, pro quibus lex dictat hominem occiden- dum, judex potest eos occidere, ut in hoc deserviat legi. Similiter, hæretici propter hæresim non sunt occidendi, sed propter characterem Christianum quem habent, ad caulam Ecclesiæ reducendi sunt. Si tamen illis peccatis laborant quibus mors tempo- ralis debetur, a judice sacerdotali puniri possunt, si ta- men eos puniat intuitu justitiae, non ex ira, vel animi rancore. De fure dicimus quod ordinare, propter furtum non debeat occidi, sed cegi ad furti

VARIÆ LECTIONES.

⁸⁶ In impr., silere. ⁸⁷ In impr., tribuentibus. ⁸⁸ In impr., fratres. ⁸⁹ Augmentum. ⁹⁰ In impresso iterum hic quedam est confusio, dum ita legitur. Videt alium esse juniores in mortem peccatoris. ⁹¹ In impr., magister. ⁹² In impresso, pro dictante justitia, habetur sententia. ⁹³ In impresso, male habetur sed.

restitutionem, et verberibus corrigi. De latrone vero qui viatoribus insidiatur, secus judicandum est, quia talis de jure interimi potest. Nec intelligitur homicida ⁸³ esse, qui hunc interimit de præcepto principis, sicut legis minister; nec ipse hoc dicitur facere, sed lex ipsa. Dicimus etiam, quod in veteri lege nulla poterat fieri dispensatio circa reos, quos lex judicabat morte puniendos. Ille etiam qui ignoranter aliquem occidebat, non erat tutus nisi consigeret ad aliquam civitatem refugii. Sed in Novo Testamento ⁸⁴, nullus ignoranter occidens morte punitur, imo quomodounque occidat, si ad ecclesiam consigerit, salvis erit; majorem enim immunitatem præstat ecclesia in Novo Testamento, quam civitas refugii in Veteri. Judex etiam ecclesiasticus nullum debet punire poena corporali, imo pro damnatis apud sæcularem judicem intercedere. Pununtur tamen rei a sæculari judge, ut poena unius sit metus multorum: multoties etiam parcitur reis; cum tamen in veteri lege nulla posset fieri dispensatio, sed sine omni misericordia reus damnabatur. Hoc autem non judicamus justum, ut si quis alicui membrum amputaverit, ideo morte corporali plectatur: de rigore tamen justitiae, potest recipere talionem, imo majori poena puniri, ex causæ cognitione. Dicimus etiam quod judex non ⁸⁵ obviat legi naturali, quando præcipit homicidam interfici, quia non ipse, sed lex ipsa hoc facit. Debet etiam judex occidendum, quem credit esse in mortali peccato, diligenter admonere ut paeniteat, nec de contingentibus aliquid omittere, et ita liberat animam suam, nec tenetur reus, pro morte ejus temporali vel æterna, si juxta legem puniat. Qui vero juxta legem non habet potestatem occidendi, et scienter occidit, peccat mortaliter ⁸⁶. Miles cum obediens potestati sub qua legitime constitutus est, aliquem occiderit, nulla suæ civitatis lege reus homicidii est; imo, nisi fecerit, reus erit deserti et contempti imperii: quod si sua sponte et auctoritate fecisset, in crimen effusi sanguinis incidisset. Itaque, unde punitur si fecerit injussus, inde punitur si non fecerit jussus. Multorum autem est opinio, non licere homini occidere hominem, ne ab eo occidatur. Unde Augustinus ad Publicolam: De occidendis hominibus, ne ab eis quisquam occidatur, non mihi placet consilium. Tenetur enim homo ante mortem sustinere temporalem, quam sustineat æternalem; debet enim suum bonum æternale præferre suo bono temporali, et prius mortem sustinere temporalem, quam occidendo fratrem, mortale peccatum incurrit ⁸⁷. Cum autem judex exercet vindictam, ipse Deus dicitur eam exercere. Unde Apo-

A stolus: *Non sine causa, id est non sine auctoritate Dei, gladium portat; Dei enim minister est, vindictam in iram (Rom. XIII), id est propter iram Dei vindicandam, vel ostendendam.* Cum ergo dicitur a Domino: *Mihi vindictam, et ego retribuam (Deut. XXXI),* inhibetur ne homo sua auctoritate se vindicet, sed vindictam relinquat judici vel legi. ⁸⁸ Concedimus etiam, quod « vim vi repellere licet cum moderamine inculpatae tutelæ, » nec licet repellendo injurias, hominem occidere ex deliberatione, si tamen intuitu se defendendi, occiderit alium, non intendendo eum occidere, non peccabit mortaliter. Judex quoque si homicidam vel sacrilegum occidit ad aliorum correctionem ⁸⁹, ut puniatur temporaliter, ne puniatur æternaliter, non debet dici illum odire quem occidit, sed potius diligere. Ad hoc enim punit, ut poena temporali correptus, in ipsa poena pœnitiat ⁹⁰, et sic pœnam vitet æternam.

B Sed objiciunt: *Deus non judicat bis in ipsum (Nahum. I, juxt. LXX).* Ergo si quis temporali morte punitur, non debet æterna puniri; vel si punitur æterna, non debet puniri temporali: alioquin, si duplice morte punitur, injuste cum eo agitur, qui bis in idipsum judicatur. Ad hoc dicimus, quod homicida vel sacrilegus peccat in Deum, et in proximum; secundum quod peccat in Deum, si non paeniteat, punitur æternaliter; secundum quod peccat in proximum, punitur temporaliter. Ergo non judicatur bis in idipsum, quia nec secundum idipsum sic punitur, imo, secundum aliud, quia secundum quod in Deum peccavit, punitur æternaliter, secundum quod in proximum, temporaliter, ad correctionem et cautelam aliorum. Unde, si peccatum remittitur quoad Deum, per paenitentiam, restat tamen quoad proximum, punitum poena temporali.

CAPUT XXIII.

Quod in multis casibus homines interficiendi sint.

C Quod autem in multis casibus homines interficiendi sint, videtur velle Hieronymus, super Isaiam, dicens: « Non est crudelis qui crudelē jugulat, sed crudelis patientibus esse videtur. » Nam latro suspensus in patibulo, crudelē putat esse iudicem. Item super Ezechielem: « Qui malos percutit in eo quod mali sunt, et habet causam interfictionis, scilicet, ut occidet pessimos, Dei minister est. » Et super Joannem ⁹¹: « Homicidas et sacrilegos, et veneficos punire, non est effusio sanguinis, sed legum ministerium. » Item Augustinus, *De libero arbitrio*: « Si homicidium est hominem interficere vel occidere, potest aliquando occidi sine peccato; nam et miles hostem, et judex vel ejus minister innocentem. » Item Cyprianus, in *nono genere abu-*

VARIE LECTIONES.

⁸³ In impresso mc iterum confusio intellectus. ⁸⁴ In impresso pro, novo testamento, corrupte legitur infra notabitur. ⁸⁵ In impresso omissitur, non, unde contrarius causatur sensus, valde absurde. ⁸⁶ In impresso hic sine ullo sensu, ullave ratione, subiunguntur sequentia verba: Unde Jeremia in Jona propheta. ⁸⁷ Præcedentia hic etiam Augustini verba valde imperfecte allegata sunt, quibusdam etiam omissis, quibus sensus confunditur. ⁸⁸ In impr. pro correctionem, habetur cor recidendum. ⁸⁹ Item. In ipsa morte puniatur. ⁹⁰ Ms. habet Jeremiam.

sionis : « Rex debet fulta cohibere, adulteros punire ⁴ impios de terra perdere, parricidas et perjurios non sinere vivere, filios non sinere impie agere.

CAPUT XXIV.

Opinio illorum qui dicunt quod prædicatores non debent laborare manibus.

Dicunt etiam prædicti hæretici quod nullo modo debeant propriis manibus laborare, sed ab illis quibus prædican, necessaria accipere; quod conantur variis auctoritatibus confirmare. Ait enim Apostolus in Epistola ad Corinthios : *Quis militat suis stipendiis unquam? quis plantat vineam, et de fructu ejus non edit? quis pascit gregem, et de lacte ejus non manducat?* nunquid secundum hominem hoc dico? Scriptum est enim in lege Moysi : *Non alligabis os bovi trituranti* (Deut. xxiii). Nunquid Deo cura est de bovis, an propter nos hoc dicit? nam propter nos hæc scripta sunt. Quoniam qui arat, in spe debet arare, et qui triturat, in spe percipiendi fructus, triturat. Si nos vobis spiritualia seminamus, magnum est si carnalia vestra metamus? (I Cor. ix.) Et infra : *Nescitis quoniam qui in sacrario operantur, quod quæ de sacrario sunt sedunt, et qui altari deserviunt, de altari participant* (ibid.). Ita et Dominus iis, qui Evangelium annuntiant, ordinavit ut de Evangelio vivant.

Item Apostolus ait : *Nemo militans Deo, implicet se negotiis sacerularibus* (II Tim. ii).

275 CAPUT XXV.

Solutio prædictorum.

Ad hæc dicimus, quod licitum est prædicatoribus in necessitate, a subditis necessaria sumere. Sei isti pseudoprædicatores sunt, et ut in otio vivant, a simplicibus victum emungunt, cum tamen auctoritas dicat : « Semper aliquid operis facito, ne dia-bolus otiosum te inveniat, » Paulus etiam propriis manibus laborabat, ne sua prædicatio iis, quibus prædicabat, esset onerosa. Unde ait : *Cum apud vos essem et egerem, nulli onerosus fui* (II Cor. ii). Et

A ibidem : *Gratia Evangelium evangelizavobis* (II Cor. vi). Si ergo habeat præparator unde sustentetur, sumptus exigere non debet ⁵. Isti autem qui spiritualia non seminant, qua ratione temporalia metent? Ad hoc ergo spectant omnes præmissæ auctoritates, quod licitum est prædicatoribus in necessitate, sumptus accipere, non tamen debent ab opere manuum vacare. Unde Apostolus ait ad Thessalonices : *Qui non vult operari, non manducet* (II Thessal. iii). Item ad Ephesios : *Qui surabatur, jam non surretur, magis autem laboret, operando manibus sua quod bonum est, ut habeat unde tribuat necessitatem patienti* (Ephes. iv). Item in Epistola prima ad Thessalonenses : *Ut vestrum negotio agatis, et operemini manibus vestris, sicut præcepimus vobis* (I Thess. iv). Hic dicitur in glossa, quod opus manuum facit nos quietos esse, et malum curiositatis quod ex otio venit, tollitur.

Prædicti ergo qui propriis manibus laborare nolunt, hic suæ ignaviae auxilium querunt. Illa vero auctoritas : *Nemo militans Deo* (I Tim. ii), etc., sic est intelligenda : Nemo sæculum relinques, ut Deo militet; *implicet se sæcularibus negotiis* (ibid.), id est non debet intendere curis sæcularibus. Prædicti itaque hæretici, et puri mercenarii per mundum discurrentes ⁶, fingunt se prædicatores, ut a simplicibus victualia emungant, et sic malunt turpiter ostiari quam manibus operari, cum Psalmista dicit : *Labores manuum tuarum manducabis*, etc. (Psalm. xvii.) Item, dicant ipsi pseudoprædicatores cur laborare nolunt, estne peccatum, vel a lege prohibl-tum? nonne melius est proprio labore victualia acquirere, quam invercunde ab aliis exigere? Nonne et prædicatoribus hoc exemplum dedit Doctor gentium, qui proprio labore sibi acquirebat victum? (Act. xx) Ipsi sunt similes pseudoprædicatoribus, quos arguebat Apostolus, qui ut labore fugerent, ab his quibus prædicabant, sumptus ultra necessitatem sumebant.

VARIÆ LECTIONES.

⁴ In impr. pro adulteros, vel adulteria, habetur ad ultima. ⁵ In superioribus multa omessa sunt, et cetera confusa, in exemplari impresso. ⁶ In impresso diffugientes.

LIBER TERTIUS.

CONTRA JUDÆOS (23).

(Bibliotheca Scriptorum sacri ordinis Cisterciensis, etc., opere et studio D. Caroli de Viscz, prioris capitolii S. Mariæ de Danis, etc., editio secunda, ab auctore recognita, etc. Coloniae-Agrip-
piæ, apud Joannem Busæum. — Anno M.BC.LVI, in-4°.)

CAPUT PRIMUM.

Eationes quibus Judæi, pluralitatem personarum divinarum impugnant.

Dicunt Judæi unum Deum esse, sed pluralitatem

(26) Alani Tractatus contra hæreticos duos tantum priores libros cum tribus primis libri tertii capitulis

D personarum esse negant. Nunc ad perversam Ju-dæorum mendicitatem, quæ adhuc cum Asino exspectat ad pedem montis, nec adhuc in Moyse faciem potest intueri, nostrum convertamus sermo-

nem; et primo, quid de auctore omnium sentiant. **A** Dicunt enim eundem esse Deum, et universorum creatorem, sed tres personæ esse in deitate, non credunt, nec quid sic esse personæ in Trinitate attendere volunt. Unitatem quidem essentialem credunt, sed personarum pluralitatem non concedunt. Hoc autem rationibus et auctoritatibus sic probare conantur. Si unus est Deus, sicut clamat sacra Scriptura, quomodo asserit Christianus, tres res inter se distinctas, scilicet, Patrem, et Filium, et Spiritum sanctum, unius esse Deitatis? quia si plures sunt, etiam plures dñi, et non unus Deus esse videntur. Quomodo enim singularis natura unius personæ ab aliis distinctæ, esset natura alterius personæ? Sic ita triplex Deus esse videtur, non unus. Sed Dominus ad Israel per Moysen ait: *Audi, Israel: Dominus Deus noster, Dominus unus est* (*Deut. ix.*). Non ergo triplex, sicut Christiani dicunt hic, nugantes, Deus est Pater, Deus est Filius, Deus est Spiritus sanctus. Alius item Pater, alius Filius, alius Spiritus sanctus, et interim negant tres deos esse. Quæ est hæc monstruositas, ut in Trinitate sit unitas, et in unitate sit Trinitas? Quomodo unus solus Deus est, si plura sint Deus? Qui hoc dicunt, deos constituant alienos, contra præceptum Domini qui ait: *Non habebis deos alienos* (*Exod. xxx.*). Qui unum quidem et solum esse Deum dicunt, et plures tamen esse asserunt. Si Deus voluisse ut Judæi crederent tres personas esse unum Deum et Trinitatem esse in unitate, eis explicuissest sicut cætera ad fidem pertinentia explicuit; quia, ut Christianus ait, sicut ad fidem pertinet unitas, ita et trinitas; sed de hac nec patriarchæ, nec prophetæ mentionem fecisse leguntur. Item, si Pater genuit Filium, necesse est igitur gignentem tempore præcessisse genitum, et aliquam particulam de substantia gignentis decisam fuisse. Item: Nulla pluralitas potest esse in Deo, ubi est summa et perfecta simplicitas. Item: Quod omnia in se simplex est, nihil de se gignere potest.

CAPUT II.

Solutio prædictorum, et quod vere unitas est in essentia, et pluralitas in personis.

Ad primam objectionem sic respondemus; cum dicitur unus, vel unius naturæ Deus est, nulla trium personarum excluditur, quia ipsæ sunt unus Deus,

ediderat D. Carolus Vischius inter Opera Alani anno 1654 Antuerpiæ in lucem emissæ. Hanc lacunam postea supplevit ad calcem *Bibliotheca Scriptorum Cisterciensium*, editionis secunda, quæ anno 1656 Colonæ-Agrrippinæ apud Joannem Bussem prodiiit. En ipsius verba quibus ad hoc supplementum præfatur:

AD LECTOREM.

« Opuscula hæc, partem constituunt Operis quadripartiti Mri Alani de Insulis, de fide Catholica; hoc est, contra hæreticos sive Albigenenses, Waldenses, Judæos et paganos, seu Mahometanos. Ex quibus, priora quidem duo opuscula (scilicet contra Albigenenses et Waldenses) jam a biennio 1653, cum

B A et unius naturæ, veluti dici potest de his vocibus adjectivis, albus, alba, album; qui profert enim unam, nullam aliarum vocum excludit, quia sunt unum nomen; nam, licet istæ voces plures sunt, non tamen sunt plura nomina, sed unum, et unius institutionis nomen. Similiter tres personæ sunt unus et unius essentia Deus. Quamvis enim in naturalibus verum sit, tot esse substantias vel naturas, quot sunt subsistentes personæ; tamen qui naturam creavit, naturæ subjectus non est; licet enim tres sint personæ, unius tamen sunt naturæ; quia si pluralitas esset naturarum, plura dicerentur esse rerum principia, quod abhorret fides catholica. Et quamvis Deus sit trinus, non tamen est triplex, nam triplex notat partium, vel naturarum pluralitatem; in Deo autem, tres personæ non sunt quasi tres partes que Deum constituant; quia si hoc esset, Deus simplex non esset, et sic non esset suæ essentia principium; nam omne compositum est genitum. Non sunt ibi etiam plures naturæ, quia sic plures essent dñi, vel unus Deus triformis esset, quod Christiana abhorret religio. Dicimus ergo, quod alius est Pater, alius Filius, alius Spiritus sanctus, non tamen alius Deus est Pater, alius Deus est Filius, alius Deus est Spiritus sanctus, sicut hæc vox, albus, est alia quam hæc vox, alba, non tamen aliud nomen. Dicimus etiam: quod juxta fidem catholicam non est aliqua monstruositas, sed demonstrata veritas, hæc est, demonstrata ratione, et modo probabili. Dicimus quoque, unitas est in trinitate, et trinitas in unitate, et tres esse unum Deum, non tamen constituimus Deum alienum, cum illæ tres personæ sint unus Deus, et unius naturæ. Ideo autem hoc mysterium Deus Judæis in veteri lege figuris velavit, sicut et alia ad fidem pertinentia, ut secundum temporis accessum, Christianæ religionis fides haberet progressum. Nam ante legem Mosaicam sufficiebat alicui credere quod unus esset Deus, idemque remunerator esset bonorum, et punitor malorum, ita tamen ut rectitudine vivendi responderet rectitudini fidei. In Veteri tamen Testamento, seu tempore legis Mosaicæ, majores quibus revelatum erat, credebant Deum trinum et unum; simplices vero, venerabantur ipsos majores, credentes quod ipsi credebant, et in hac fide salvabantur. Postquam vero apostoli Trinitatis fidem:

aliis pluribus ipsius Alani operibus, in lucem emisi, prout illa repereram in antiquo ms. codice abbatis Parcensis, juxta Lovanium; posteriora vero hæc duo, quantumvis studiose, per nominatissimas quasque Bibliothecas, longe lateque quæsita, tunc reperi nequivi; at nuper (evulgatis jampridem aliis operibus) in archiconohii nostri Cisterciensis Bibliotheca reperta, per venerabilem loci illius priorem (D. Franciscum Du Chemin, S. Theol. doctorem) mihi transmissa fuerunt, quæ operæ pretiūm judicavi, hic nunc publicare, congruam sorte, occasionem aliam haud facile habiturus eadem publicandi. Certe, auctore suo digna sunt, nec sine fructu, Lector, ea evolves. Vale.

« F. Carolus de VISCH, prior Dunensis. »

prædicaverunt, ubique omnes adulti et discreti te-
nentur credere Deum trinum et unum.

Nec oportet, si Pater genuit Filium, quod ibi facta sit decisio: cum enim Pater omnifariam sim-
plex sit, de se Filium non genuit per substantię decisionem, sed secundum naturę integratatem, ita ut tota substantia Patris sit substantia Filii; quod autem Pater Filium genuerit, probabitur infra. In Trinitate vero secundum aliquid attenditur pluralitas, et secundum aliquid identitas; quia in personis pluralitas, in natura et essentia, identitas.

Dicimus etiam quod in naturalibus, nullum simplex ex se aliquid gignere potest; unde nec anima animam, nec spiritum spiritus; in divinis autem, ratio longe alia pactum reformat, nec di-
vina generatio humanę respondet; quia sicut na-
tura Dei omnem superat naturam, sic Dei generatio superat humanam. Unde Isaías: *Generationem ejus quis enarrabit?* (*Isa. LIII.*)

276 CAPUT III.

Quibus auctoritatibus philosophorum et theologorum, et quibus rationibus, et similitudinibus locorum, ostenditur quod tres sunt personae divinæ, et una earum natura.

Quod autem tres sint personae divinæ, et una earum natura, auctoritatibus et rationibus, et similitudinibus variis potest ostendi. Nec solum auctoritatibus theologorum, verum etiam philosophorum. In principio Geneseos, secundum Hebraicam veritatem, legitur, *Heloym*, ubi nos habemus, *Deus*; et alibi; eloah enim est singulare nomen hujus nominis, *Heloym*, sicut Deus singulare hujus nominis, *dii*. Ergo, ubi nos habemus: *In principio crea-
vit Deus cælum et terram* (*Gen. i*), Hebrei habent: *In principio creaverunt dii*, vel *domini cælum et terram*. Sed quos vocat Moyses deos vel dominos, nisi tres personas divinas? Non angelos, quia angeli non creaverunt cælum et terram, imo, creati sunt. Unus autem Deus est qui creavit cælum et terram. Cum ergo Moyses dixerit pluraliter, deos vel dominos, illa pluralitas aut ad divinam natu-
ram refertur, aut ad personam; sed non ad divi-
nam naturam, ergo ad personam; ergo tres in-
sinuavit personas divinas, quæ sunt unus Deus. Consequenter etiam introducitur Deus loquens in bunc modum: *Faciamus hominem ad imaginem et similitudinem nostram* (*ibid.*). Cum ergo Deus hic introducatur loquens, queritur, ad quem, vel ad quos loquatur, cum dicit, *faciamus*. Ad angelos videtur nullo modo loqui; non enim una est imago vel similitudo Dei et angelorum juxta quam factus sit homo. Restat ergo ut Deus Pater loquatur ad Filium, et ad Spiritum sanctum; vel sit communis vox trium personarum juxta quarum imaginem factus est homo. Una autem est imago Patris et Filii, et Spiritus sancti, quia una natura. Ubi etiam diabolus loquitur ad Ewam, dicit: *Eritis sicut dii, scientes bonum et malum* (*Gen. iii*). Quid per deos

A intelligit ibi divina Scriptura, nisi tres personas divinas? Angeli enim hoc nomine non intelliguntur. Ut enim dicit Scriptura, in hoc voluit Deo esse similis Eva, quod appetit esse prædicta divina scientia. In Isaia etiam legitur, quod angeli clama-
bant: *Sanctus, sanctus, sanctus, Dominus Deus Sa-
baoth* (*Isa. vi*). Sed quid insinuat illa tria nominis repetitio, nisi personarum trinitatem? id est Pa-
trem et Filium, et Spiritum sanctum? ut sit sensus; sanctus Pater, sanctus Filius, sanctus Spiritus sanctus. Et ut insinuetur naturæ unitas, sequitur in singulari numero: *Dominus Deus Sabaoth*. De Abraham legitur in Genesi, *quod tres vident, et unum adoravit* (*Gen. xviii*). Per quod insinuatur, quod in tribus qui apparuerunt, intellexit trinitatem; et B quia unum adoravit, intellexit in Trinitate unitatem; et ita intelligitur adorasse Deum trinum et unum. De Filio etiam David ait: *Dixit Dominus Domino meo: Sede a dextris meis* (*Psal. cix*). Si Dominus dixit Domino, aliud fuit qui dixit, aliud cui dixit; sed Deus Pater haec dixit; ergo aliud fuit cui dixit; sed eum David vocat dominum suum, ergo vel Deum vel angelum: sed non angelum; angelo enim non dixit Deus, *Sede a dextris meis*, sed potius pertinet hoc ad Filium, qui existens Deus, sedet a dextris Domini, iu est æqualis est Patri. Æquales enim sedere solent a dextris principum. In alio Psalmo legitur: *Dominus dixit ad me: Filius meus es tu, ego hodie genui te* (*Psal. ii*). C Exquisite præsens conjunxit præterito; nam præ-
sens in se habet recentiam, et præteritum in se habet fluxum, et futurum in se habet exspectationem. Unde, nihil proprie fuisse dicimus, nisi quod esse desiit; nec in præsenti aliquid esse, nisi quod recenter incipit; nec futurum esse, nisi quod nun-
quam fuit, nec est. Ut, paries fuit albus, et modo est niger, et cras erit flavus. Comparatione tamen illorum quod simul durat cum eo quod jam præ-
teriit, et adhuc durat cum eo quod modo incipit, et duraturum cum en quod non est, sed erit; dici-
mus ipsum fuisse, et esse, et futurum esse. Ut sci-
licet, fuit homo, et est, et erit. Noluit ego auctor iste dicere, ego hodie gigno te, ne conjugendo duas notas præsentis, innueret recentiam genera-
tionis. Nec dixit, olim genui te, ne dum duas notas præteritionis conjungeret, generationis fluxum in-
nueret. Ideo dixit: *Ego hodie genui te*, ut recentiam removeat apponendo præteritum, et apponendo præsens removeat fluxum. Nabuchodonosor etiam qui erat gentilis, dixit se in fornace vidiisse quartum similem Filio Dei (*Dan. iii*). Et Mercurius philoso-
phus in *Esclenia*, ait: « *Deus æternus facit deos æternos.* » Quid per Deum intellexit, nisi Patrem? quid per deos æternos, nisi Filium et Spiritum sanctum? qui dicuntur *dii*, id est divinæ personæ, et vere æternæ. *Fecit autem posuit, pro genuit*, dum lapsus sermone, ait, fecit deos æternos. Idem Mercurius in libro qui inscribitur, *Logostileos*, id est *verbū perfectū*, ait: « *Deus summus secun-*

dum fecit Deum, et eum dilexit tanquam Filium A Notio enim illa qua Deus et se, et universa novit a se condita, alia ab ipso est, quia ex ipso et in ipso, quæ, quia non est aliud in substantia ab eo ex quo est, Filius nominatur ea similitudine, quia sicut in naturali generatione filius a patre in persona alius est, substantiæ tamen ejusdem; ita Dei et ex ipso productæ notionis una est existentia, et tamen alia persona, quia, sicut diximus, eadem non potest esse ex se ipsa. Hoc tamen interest in dicta similitudine quæ data est, quod in humana generatione patris et filii una est substantia specie, non singularitate, Dei vero et suæ notionis, singularitate una est essentia.

Jesus etiam Filius Sirac, qui inter Judæos magnus reputatus est, in suo libro, qui *liber Sapientæ* inscribitur, Filium Dei in hunc modum introducit loquentem: *Ego in altissimis habitari, et thronus meus in columna nubis (Eccli. xxiv).* Et alibi: *Antequam quidquam faceret ab initio, eram cum eo, cuncta disponens (Prov. viii).* Quis loquitur hic nisi Filius, qui cum Patre ab æterno cuncta disposuit? Et alibi ait: *Ei ego parturiebar (ibid.).* Quis fuit qui ante mundi initium parturiebatur, nisi Filius Dei, quem ab æterno genuit sine initio? De Spiritu sancto mentionem fecit liber Geneseos, ubi dicitur: *Spiritus Dei serbatur super aquas (Gen. i).* Et in Psalmo: *Flavit spiritus, et fluxerunt aquæ (Psal. cxlviii).* Et in alio psalmo: *Spiritum sanctum tuum ne auferas a me (Psal. l).* Et in Isaia: *Requiescerat super eum spiritus timoris Domini (Isa. xi)*

CAPUT IV.

Idem rationibus probatur.

Idem rationibus potest probari. Quod legitur de numeris, ad numerata referendum est, quia quod dicitur de proprietatibus subjectoru[m], ad ipsa subjecta referendum est. Unde, cum in arithmeticâ datur, quod « sola unitas indivisibilis simplex est origo omnis pluralitatis, » ad res subsistentes istud videtur referendum: sed in creaturis illum existens subsistens invenitur actu et natura simplex et indivisible, quod non sit aliqua specie compositionis compositum. Ergo in alio existente oportet nos invenire illam ineffabilem simplicitatem: restat ergo et hanc esse in Creatore, cum in creatura inveniri non possit. Quia sicut ab unitate indivisibili omnis procedit pluralitas quæ divisibilis est, ita a Creatore invariabili omne procedit variabile, quia]

Ipse manens stabilis dat cuncta moveri.

Et sicut in unitate et numero resultant Creatoris et creaturæ imago, ita et Trinitatis similitudō: in proprietate enim unitatis quodam modo resultat vestigium Trinitatis, quia, ut apud arithmeticum legitur, unitas gignit se ipsam. Inter unitatem autem genitam et gignentem quædam invenitur æqualitas. In quo ergo subsistente hoc poterimus invenire, nisi in Deo? Deus enim gignit Deum, et non alium Deum a Deo gignente, imo genuit illum qui est idem Deus cum gignente; et est ibi perfecta æqualitas gignentis et geniti, sive convenientia, seu connexus, qui dicitur *Spiritus sanctus*, in quo Pater et Filius conveniunt. Unde et philosophus ait: « Monas gigoit monadem, et in se suum reflexit ardorem (*Mercurius Trismegistus*). » Ergo aut in nullo subsistente invenies quod de unitate dicitur, aut in unitate et trinitate divina reperitur. Præterea, sicut Deus ab æterno fuit sapiens, ita sapientia sua fuit ab æterno quæ ab ipso procedit, et ita Sapientia Patris a Patre nascitur, et sic est proles Patris: ergo Filius Patris.

B in ipso autem est tantum una deitas, ergo diversorum personaliter est una essentia, vel illa notio qua Deus novit omnia, non est Deus de Deo. Deus autem notionem suam diligit. Quis autem est nexus et convenientia Patris et Filii, nisi *Spiritus sanctus*, qui ab utroque procedit? Nonne de hujus processione dicit Psalmista: *Emitte spiritum tuum et creabuntur (Psal. ciii).* Quæ est enim illa *Spiritus sancti* emissio nisi *Spiritus sancti* a Deo processio.

CAPUT V.

Similitudinibus sic.

Similitudinibus idem probatur: vestigium enim Trinitatis apparet in anima. Mens humana meminit sui, diligit se, varie intelligit se. Hoc si cernimus, nondum quidem Domini Trinitatem, sed imaginem Dei cernimus. Hic enim quædam apparet trinitas, memoriaræ, intelligentiæ et amoris. Hæc igitur tria potissimum tractemus, memoriam, intelligentiam, voluntatem: hæc tria non sunt tres vitæ, sed una vita, nec tres mentes, sed una mens, una essentia. Memoria vero dicitur ad aliquid; et intelligentia, et voluntas, sive dilectio, similiter ad aliquid dicuntur; vita vero ad se ipsam, et mens et essentia. Hæc igitur tria eo sunt unum, quo una vita, una mens, una essentia, et quidquid aliud, ad se ipsa singula dicuntur, et simul non pluraliter, sed singulariter dicuntur. Eo vero tria sunt, quo ad se invicem referuntur; ista tria sunt in mente hominis, et sunt una mens, nec tamen intelligentia est memoria, nec memoria voluntas, nec voluntas intelligentia, aut memoria.

D Alia etiam similitudine idem probatur: sunt duæ candelæ sibi unitæ, sibi similes, sibi æquales; si accendantur, unam habent lucem, nec major, nec magis unius lux quam alterius. Sed trium est lux una et individua, sicut in una Trinitate sunt tres personæ, nec una persona major quam alia, nec unius major vel alia natura quam alterius. Pater autem spiritualiter dicitur lux, Filius splendor, *Spiritus sanctus* flamma. Ideo Pater dicitur lux, quia lucet a se ipso, non ab alio, et quia ab eo lucet lux illuminans, id est Filius, et lux inflammans, id est *Spiritus sanctus*. Filius ideo dicitur splendor,

quia sicut splendor procedit a luce et splendore, A per Moysen jubet, ab ipso Moyse agatur. Alter ergo ita Spiritus sanctus a Patre et Filio : et sicut flamma tria facit, urit, splendescit, succedit; sic Spiritus sanctus urit virtutem, splendescit peccata, succedit gratiam. Similiter in sole considerantur tria : Solis substantia, radius a sole procedens, calor ab utroque exiens. Ista tria in sole considerantur, et sunt in una solis substantia ; sol ad nullum, radius de sole nascitur, calor ab utroque progredivit : tam radius quam calor coævus est soli. Tres ergo sunt, sol, radius, calor; in una tamen substantia sunt. Similiter Pater et Filius, et Spiritus sanctus sunt in una deitatis substantia, Pater a nullo, Filius a Patre, Spiritus sanctus ab utroque; Pater æternus, Filius et Spiritus sanctus coæterni Patri.

277 CAPUT VI.

Opinio Judæorum qui dicunt quod lex Mosaica non est abolita, sed adhuc est observanda.

Intendant etiam probare legem Mosaicam non esse abolitam, sed adhuc esse observandam in hunc modum : Si lex bona est, et a Deo data est, observanda est; nullum enim alias decretum observandum, si Dei mandatum non observandum. Quod si partem Christiani excipiunt, et aliam observandam esse dicunt, dent nobis consilium quomodo illud effugiemus maledictum : *Maledictus homo qui non permanerit in omnibus quæ scripta sunt in lege* (*Deut. xxvii*). Legislator nihil excipit, sed universaliter omnia mandata observari præcipit; Christiani autem ad suum arbitrium legis et mandatorum observantium determinant.

CAPUT VII.

Determinatio præmissorum.

Ad hæc primo respondemus legem esse bonam, et a Deo datam dicimus, ac ideo quidquid in ea scriptum est, divino sensu intellectum, suis temporibus observatum et observandum esse sentimus; ea vero divino intellectu intelligenda erant, quæ si ad litteram accipimus, multa sibi repugnantia videmus. Cum enim Moyses dicat : *Vidit Deus cuncta quæ fecerat, et erant valde bona* (*Gen. 1*), quid est quod in lege quædam dicantur munda, quædam immunda? Ad litteram quidem non est immundum, quoniam est valde bonum : nec solum ea prohibentur in lege, quæ sui natura nociva sunt homini ad vescendum, verum etiam quæ gestu juvenanda, et æque salubria ad comedendum existunt. Aliiquid ergo sacramenti hæc in se continent, quæ, licet a Deo dicta sint, tamen a se invicem ad litteram omnino dissident. In exordio autem, inter alia præcepta, de faciendo altari Dominus Moysi ibi ita præcepit : *Altare de terra facietis mihi* (*Exod. xx*); in sequentibus autem legitur sic : *Fecit itaque Moyses altare thymiamatis de lignis setim* (*Exod. xxxvii*). Et alibi : *Fundavit bases æneas in introitu tabernaculi* (*Exod. xxvi et xxvii*). Multum itaque adversum videtur, ut aliud et alter quam Dominus

quam littera sonat hoc accipi oportet.

Item, ad litteram quomodo stare potest, quod Deus prohibet : *Ne homoaret in bore et asino?* (*Deut. xxii.*) Onus aliud quocunque tibi placet asino imponere, non vetat lex, et ponere jugum cum asino, quasi non licet, cum ad pascua bovem cum asino ducere licet, in pascuis simul esse, et compasci permittit lex, et arare simul prohibet, et interdictum. Si auctor propterea hæc vetat, quia hoc animal immundum esse perhibetur, cur non etiam arare bovem cum equo vel alio animali immundo prohibetur in lege? Hanc non solum in iis quæ dicta sunt mandatis, sed etiam in pluribus aliis legalibus cæremoniis contrarietatem videmus, nisi ea competenti sensu intellexerimus. Discreto itaque et divino sensu hæc intelligenda sunt et discutienda. Si vero legem debito sensu accipimus, omnia legis mandata debita observatione observare poterimus; quædam ad litteram et sine ullo figurarum velamine dicta esse accipiendo, quædam ad figuram et profundo velamine obumbrata esse intelligendo : quædam ad tempus observari jussa sunt, quædam sine ulla temporum determinatione. Quæ enim alicujus sacramenti prænuntiativa erant, et veritatis figuram faterentur, suo tempore, manifestata rei atque veritatis præsentia, oportuit ut corum non remanearet prænuntiatio et figura. Nam sicut ipso suo loquendi sensu utimur verborum vicissitudinibus, dicendo, erit, quandiu futurum est ipsum quod erit; prorsus omittentes in præsenti, et assumendo, est; cumque ipsum jam præteriisse significantes, utimur, sicut : sic in rebus prænuntiativis alicujus sacramenti, ubi præsens manifestatur sacramentum, ejus jam superflue servaretur figura, seu signum. Quæ alicujus mysterii significativa non erant, sed seu fidei veritatem insinuant, seu charitatis ædificationem commendant, et a Judæis et Christianis, non ad tempus, sed in perpetuum servanda sunt, eorumque transgressio nullatenus potest mala non esse.

CAPUT VIII.

Opinio Judæorum, qui dicunt quod divinæ sanctiones ut tunc non sunt mutandæ.

Item Judæi sic opponunt : si sermo Dei ad tempus servandus est, eoque sermone annihilato, alias alio tempore observandus est, sive per temporum vicissitudines divinæ sanctiones mutantur, quo pacto ratum erit quod dicitur : *In æternum, Domine, permanet verbum tuum?* (*Psal. cxviii.*) Et illud : *Cælum et terra transibunt, verba autem mea non transibunt?* (*Marc. xiii; Matth. xxiv.*) Quid autem interest, cur Deus hoc animal immundum judicet, illud autem mundum? Hoc uti permittit, illo uti prohibeat? Quis enim audivit sensum Domini, aut quis consiliarius ejus fuit (*Isa. xl*), ut illud agi permittat, illud fieri prohibeat? Jussis obsequendum est, et ei obsequi summa virtus est: prohibuit fieri, ergo non licet, ideoque si postea fiat, peccatum esse, ac dignum poena debita puniendum. Ut ergo

servemus litteram, figuram contemnamus; litteram, ut servemus alterum. Quæ ratio ergo est damnare alterum? Servemus ergo litteram, servemus et litteram figuram: maneat parvo sensu nostro littera, maneat etiam et addatur spiritualis (si concessa sit nobis a Deo) mysterii latentis intelligentia. Abstineamus a porco, quia lex jubet (*Levit. xi*), abstineamus et ab eo, si quid est quod per porcum significatur peccatum; non aremus in bove et asino, quia legislator prohibuit, et si aliqua intellexerimus per asini et bovis copulam, fas est vitare, imo peccatum est non evitare. Ita et de cæteris. Ita enim lex adimplenda esse censetur, et adimpletur.

CAPUT IX.

Solutio præmissorum.

Ad hæc dicimus quod sernus divinus nullo modo annibilatur, divinæ sanctiones non mutantur, quia Christus non venit solvere legem, sed adimplere (*Matth. v*). Unde ipse ait: *Amen dico vobis, iota unum, aut unus apex non præteribit a lege, donec omnia fiant (ibid.)*. Non igitur vult eam solvere, sed adimplere. Lex prohibet homicidium, Christus iram et odium: lex prohibet adulterium carnis, Christus et ipsum appetitum cordis. Nobis lex prohibet uti carne porcina, et ea tunc abstinentia nobis necessaria erat, quoniam veritatis futuræ figura erat, et figura servanda erat donec adesset ipsa veritas. Nunc autem nobis necessaria non est, quando ipsa veritas figuræ jam præsens adest, quamvis abstinere liceat, et multi nostrorum abstineant non solum ab ea, sed ab omni carne, et uno et eodem judice se nostrum quisque tuetur. Moyses carnem suillam appellavit immundam (*Levit. xi*), uti ea prohibet, et propterea dicitis; uti ea non licet. Moyses non aliis, sed idem ipse carnem suillam dicit mundam et valde bonam, et eam ad descendum sicut cætera; scribit Deum fecisse bonam, et ideo dicimus quia uti ea licet. Postquam enim denuntiavit Deum fecisse omnia, et pisces maris, et volucres cœli, et cuncta animantia terræ, in quibus est anima vivens, non longe infra subdidit: *Vidit Deus cuncta quæ fecerat, et erant valde bona (Gen. i)*. Quod valde bonum est, nulla ex parte malum est; quod vero nulla ex parte malum est, quomodo malum et immundum est? Quidquid ergo in carne suilla est, non malum aut immundum, sed mundum et valde bonum est, atque uti licet. Quia vero per hoc animal voluptas et immunditia figuratur, immunditia propter hoc animal esse judicatur, et ea immunditia uti non licet. Si ergo mundum et immundum esse animal intelligitur, et eo uti, et non uti nobis permittitur. Eadem ratione licet et asino arare, et prohibetur non aremus in bove et asino. Qui ergo terram colit, aret in bove et asino, si melius non potest, quia Deus permittit, qui hæc omnia humanis usibus creavit. Sed bos qui ungulam fudit et ruminat, ad excolendam terram omnino idoneus, rectorem Ecclesiæ signat discretum, in his quæ agit acsumum

A habentem, qui mandata Dei meditatur, ac meditando apud se ruminat die ac nocte, non solum sibi utilem, sed etiam aliis. Huic non est associandus alter moribus indiscretus, sensu idiota, et litteris imperitus, quia non solum verbo est inutilis, sed suo præviro exemplo aliis nocivus existit.

CAPUT X.

Quibus auctoritatibus et rationibus probatur quod lex, quantum ad litteram, mortua sit.

Quod aut vetus lex in desuetudinem abierit, auctoritatibus et rationibus potest probari. Ait enim Dominus per prophetam: *Consummabo testamentum novum super domum Juda, et super domum Israel (Baruch. ii)*. Quid vocavit novum testamentum, nisi legem Evangelicam? qua superveniente, vetus dicitur cessare, quia simul servari non potest utraque: adveniente enim veritate, dicitur umbra cessare. Item, David ait in *Psalmo*: *Quoniam si voluisses, sacrificium dedicarem utique, holocaustis non delectaberis (Psal. 1)*. Et Isaïas: *Sacrificia vestra odivit anima mea (Isai. 1)*. Item: *Sacrificium et oblationem nolivisti, aures autem perfecisti mei. Holocaustum et pro peccato non postulasti, etc. (Psal. xxxix)*. Et alibi: *Non in sacrificiis tuis argutam te, holocausta, etc. (Psal. xliv)*. *Non accipiam de domo tua vitulos, neque de gregibus tuis hircos (ibid.)*. Videlimus etiam apud Judæos in magna parte cessare quæ ad legem pertinent: non enim est apud Judæos sacrificium, vel hostia, non propheta, non lex, non sacerdos, non templum, non locus sacrificii, et, quid opus ire per singula? in maxima parte abolita est lex: Videtur ergo quod lex locum non habeat. In Sehale etiam loquitur Elias, quod mundus duraturus est per sex millia annorum, et duo millia fuisse vanitatis, quod resertur ad tempus quod fuit ante legem Mosaicam, duo vero millia legis Mosaicæ, sequentia duo millia, Messiae. Sed manifestum est, plus quam quatuor annorum millia transiisse; ergo manifestum est legem transiisse, et Messiam venisse.

CAPUT XI.

Quibus rationibus muniti Judæi probant Messiam non venisse.

Probant etiam Judæi Messiam non venisse, in hunc modum: Ait Isaïas: *Erit in novissimis diebus mons domus Domini præparatus in vertice montium, et fluent ad eum omnes gentes. Venite et ascendamus ad montem Domini, et ad domum Dei Jacob (Isa. ii)*. Si autem jam Christus venit, ubi in toto orbe terrarum nisi apud gentem pauperculam Judæorum, dicitur, ascendamus ad montem Dei Jacob? Alii enim dicunt: Eamus ad domum Petri; alii, ad dominum Pauli; alii etiam, ad dominum Martini; sed nullo modo ad dominum Dei Jacob. Audiant adhuc Christiani de adventu Christi sequentia: *Et confabunt gladios suos in vomeres, et lanceas suas in falces: non levabit gens contra gentem gladium, nec exercebuntur ultra ad prælium (ibid.)*. Nunquid ordo militaris jam conflat gladios suos in vomeres,

et lanceas suas in falces? vix fabri sufficient, vix ferrum sufficit armis militariis fabricandis. Ubi terrarum inveniri potest, non lerabit gens contra gentem gladium? gens contra gentem, effusis viribus, præliaatur, regnum adversus regnum excitatur, ab ineunte ipsa puerilitate quisque ad prælium exercetur. Constat ergo quod Christiani aliter longe de Christo et de adventu ejus quam verum sit, credant.

CAPUT XII.

Solutio Christianorum.

Ad hæc respondentes, dicimus quod jam venerunt illi dies novissimi, in quibus *præparatus est mons Domini in vertice montium* (*Isai. ii*). Mons ille Christus est, in quem jam universi fines terræ credunt, jam adorant in conspectu ejus universæ familiæ gentium, et una concordi voce dicunt: *Eamus ad montem Domini, et ad domum Dei Jacob* (*ibid.*), id est ad domum Dei quem coluit Jacob, quem coluit Aaron; ideo ostenditur unum Deum esse et eorum qui ante legem fuerunt fidelium, et eorum qui sub lege exstiterunt, et eorum qui nunc existunt credentium in Deum. Quod autem arguunt nos super hoc quod dicimus, eamus ad domum Petri, ad domum Pauli, ad domum Martini; nullus qui sane sapit, hoc ita dictum intelligit: nullam quippe domum Petro vel Paulo facimus, sed in honore atque memoria Petri seu Pauli, eam Deo dedicamus, nec ulli pontifici dicere fas est in consecratione ecclesiarum: *Tibi Petro vel Paulo hanc domum consecramus*; sed potius dicitur Deo consecrari. Et quamvis universæ ecclesiæ Deo concrentur, tamen una est dominus Dei, una Dei Ecclesia, quæ est omnium fidelium conventus.

Ad hanc domum Dei accedit qui de unitate Ecclesiæ est; in hac domo Dei adoratur mons montium, et Christus, Sanctus sanctorum. Hic peccata remittuntur; non solum homicidium prohibetur, verum etiam ira et odium tollitur; ut gladio et lancea non permittitur, quia qui renuntiat iræ et odio, fas illi est ut renuntiet lanceæ et gladio: multo quippe facilius est conflare gladium suum in vomerem et lanceam suam in falceum, quam timore cordis submissio, humilem fieri ex superbo, servum ex libero, abnegare uxorem, domum, filios, agros, arma, equos, et omnia quæ possidet, ad hæc, ut se ipsum abneget. In hac domo Dei adimpletur quod per Isaiam dicitur: *Vitulus, leo, ovis, simul moribuntur, et puer parvulus minabit eos* (*ibid.*). Parvulus leonem et ursum minat cum agno cum in domo Dei pastor, id est prælatus, nobili et ignobili, potenti et impotenti, forti et insirmo imperat, puer non sensu, sed malitia parvulus.

278 Quod autem Christus jam venit, variis auctoritatibus probatur. Ait Jacob: *Non auferetur sceptrum de Juda, nec dux de semore ejus, donec veniat qui mittendus est; et ipse erit exspectatio gentium* (*Gen. xliv.*).

Sensus est, quod reges vel duces Israelitici po-

A puli de tribu Juda descendentes, duraturi erunt usque adventum Christi, qui est *exspectatio gentium*. Reges fuerunt in Israel de tribu Juda, a David usque ad Josiam, postea duces usque ad nativitatem: sed tempore nativitatis Christi, regnavit alienigena Herodes, nec postea ducem vel regem habuerunt Judæi de tribu Juda. Ergo Messias venit.

Idem manifeste ostenditur ex verbis Danielis, in illo enim capitulo ubi introducitur Gabriel loquens ad Danielem in hunc modum: *Septuaginta Hebdomades abbreviatæ sunt super populum tuum, et super urbem tuum sanctam, ut consummetur prævaricatio, et finem accipiat peccatum, et deleatur iniqitas, et adducatur iustitia sempiterna, et impleatur visio, et prophetia, et ungatur Sanctus sanctorum*. Scito, et animadverte ab exitu sermonis, ut iterum ædificetur Jerusalem usque ad Christum ducem, hebdomades septem, et hebdomades sexaginta duæ erunt (*Daniel. ix*). His verbis, Christi incarnationem designat angelus, qui legem et prophetas implevit, peccata tulit, et justitiam adduxit, et unctus est oleo lætitiae præ consortibus suis (*Psal. XLIV*); et proponit hebdomadas non dierum, sed annorum, ut septem anni sint hebdomada una; abbreviatas vero dicit, ut intelligamus annos lunares, qui breviores sunt solaribus, undecim diebus. Septuaginta ergo hebdomadæ annorum solarium, faciunt annos quadringtonos septuaginta quinque. Et vero, ab exitu sermonis ut reædificetur Jerusalem, usque ad Christum ducem, fluxerunt anni lunares quadringtoni nonaginta; numerantur autem, a vicesimo anno Artaxerxis, in quo Nehemias pincerna ejus impetravit ab eo, ut restituerentur muri Jerusalem, et restituit eos in multa angustia. Ab illa, inquam, licentia a rege accepta, et usque ad Christi passionem, fluxerunt anni lunares quadringtoni nonaginta; et hæc summa annorum computatur, secundum annos regum qui descenderunt, usque ad octavum decimum Tiberii Cæsarialis, et statim desolatio (*Dan. ix*). Intercidit Daniel modicum de ædificatione facta per Nehemiam, dicens, et rursus ædificabitur platea, et muri in angustia temporum (*ibid.*), de septuaginta Hebdomadis superavit Daniel ultimam, dicens: *Confirmabit auctem pactum hebdomada una* (*ibid.*), quod intelligendum est, de tribus annis et dimidio quibus prædicavit Christus, et quod patribus promiserat confirmavit. Nam jam tres anni et dimidium unius hebdomadis novissime præterierant, quando baptizatus est Dominus, et in dimidio ejusdem hebdomadis residuo, circa finem, deficiet hostia et sacrificium (*ibid.*), id est, veniente veritate, cessabunt umbræ, et in templo erit abominatio desolationis (*ibid.*), id est abominanda et desolanda erunt sacrificia post mortem Christi, et usque ad finem mundi durabit hæc desolatio (*ibid.*). Supra posuit Daniel tempus mortis Christi, dicens: *Et post hebdomades septuaginta duas (subaudi, et septimam et novissimam, quam in duas partes divisimus) occidetur Christus, et non erit*

populus qui eum negaturus est (*Dan. ix*). Dixerunt A enim: *Non habemus regem, nisi Cæsarem* (*Joan. xv*). Et alibi, hunc nescimus unde sit. Quod vero sequitur: *Et civitatem et sanctuarium Dei dissipabit populus* (*Dan. ix*), ad septuaginta hebdomades non pertinet, sed propheta tempore adventus et mortis Christi prophetavit, quid venturum erat populo qui noluit eum recipere, dicens: *Et dissipabit civitatem et sanctuarium populus Romanus cum duce suo venturo, et finis erit vastitas, et post finem belli, statuta a Deo in æternum desolatio*. Ex his manifestum est Christum jam venisse.

Quæro etiam a Judæis pro quo peccato in tanta miseria sint constituti, et in tam diurna captivitate detenti. Antiquitus enim captivas eorum vel per septuaginta annos, vel paulo amplius legitur prolongata fuisse, peccatis eorum exigentibus; sed poenitentia ducti, a captivitate liberabantur. At, post passionem Christi, in captivitate continue detenti sunt, jam per mille annos et amplius; sed pro quibus peccatis tam diurna captivitate detinentur, cum non transgrediantur modo legales observantias, sicut olim transgrediebantur, nec leguntur unquam melius legem observasse, quam modo observant. Restat, quod pro peccato quod commiserunt in Christum, modo puniantur.

CAPUT XIII.

Quibus auctoritatibus probant Judæi Christum non fore Deum.

Probant etiam Judæi Christum non fore Deum, auctoritatibus, sic: *Non assumes nomen Dei tui in vanum* (*Exod. xx*). In vanum nomen Dei assumit, quia homini nomen et cultum divinitatis attribuit; nam si *vanitas est omnis homo* (*Psal. xxxviii*), qui hominem Deum credit et Deum appellat, homini nomen cultumque divinitatis attribuit. Item, in lege scriptum est: *Qui fecerit se Deum, occidatur* (*Deut. xiiii*). Nullus ergo homo est Deus. Præterea, si nulla est apud Deum transmutatio, nec vicissitudinis obumbratio (*Jacob. i*), quomodo penes eum potest fieri tanta rerum alteratio, ut Deus homo fiat, Creator creature, et incorruptibilis credatur esse factus corruptela? Quomodo accipitur: *In principio, Domine, terram fundasti, et opera manuum tuarum sunt cœli; ipsi peribunt, tu autem permanes, et omnes sicut vestimentum veterascent; tu autem idem ipse es, et anni tui non deficient* (*Psal. ci*). Quomodo idem Deus ipse est, si alteratus, homo potest fieri? Si Deus est immensus, quomodo parva huminorum divisione membrorum potuit dimensus circumscribi? Si Deus est immensus, et incircumscriplus, quo argumentationis genere dicitur, quia dimensione corporea circumscripsus totus sub angusto uno Matris utero potuit comprehensus teneri? Adhuc, si Deus est quo nihil majus vel sufficientius cogitari potest, qua necessitate coactus, humanæ calamitatis particeps, tantorum factus est consors malorum? Denique, si Deus factus homo, quomodo stabit quod ipse locutus est ad Moysen

A *Non me videbit homo et vivet?* (*Exod. xxixiiii*.) Multum repugnare videtur, ut Deus homo factus sit, et ab homine, vel ipsa matre sua videri non potuit. Absit enim ut aliquid phantasticum circa Deum fuisse credatur!

CAPUT XIV.

Solutio Christianorum.

Ad hæc dicimus quod necessitas maxima fecit ut Deus homo fieret, et per humanitatis suæ mysterium nos redimeret: rationabile enim fuit, ut sicut per peccatum hominis genus huminum perierat, ita per hominem reduceretur ad vitam. Sed purus homo humanum genus redimere non poterat, ut supra dictum est, quia hominis non est opus bonus, sed Dei; bonum enim quod sit in homine, a Deo est, non ab homine. Ad hoc ergo ut bonum ageret ex se, oportuit eum esse divinæ naturæ. Ex hoc ergo quod Deus homo fuit, bonum opus facere potuit, et non solum actione, sed etiam auctoritate, quo genus huminum potuit redimere. Homo igitur factus est, non id desinens esse quod erat, sed assumens quod non erat, non conversione divinitatis in carnem, sed assumptione humanitatis in Deum, dicimus hominem factum. Et sicut anima rationalis et caro propter unitatem personæ, unus est homo, quamvis alterius naturæ sit anima, alterius caro: nec anima convertitur in carnem, nec caro in animam, sed manente utraque natura, personæ conservatur unitas: ita Deus et homo per unitatem personæ, unus est Christus, quamvis Deus nec in hominem conversus fuerit, nec homo in Deum; sed divisa sit hominis et Dei natura, indivisa Dei et hominis persona, conservetur et adoretur unitas: neque enim omnia quæ ab aliquo modo sunt aliud quam erant, desinunt id esse quod erant. In accidentium enim quorundam alteratione, cum homo niger sit albus, seu albus niger, superveniente altero, perit omnino alterum; et cum sit ex inerni factus armatus, vel ex nudo induitus, seu ex induito nudus, nihil prorsus in se sic alteratus homo vel accipit vel amittit. Suscepit ergo Deus hominem in unitate personæ, ingenita bonitate sua, non nostra, ex multa necessitate, non sua, sed nostra. Ergo Deus immutabilis secundum quod Deus, mutabilis secundum quod homo; incircumscripsus in divinitate, circumscripsus in humanitate, invisibilis secundum divinitatem, visibilis secundum humanitatem. Et sic non assumitur nomen Dei in vanum, quia Christus non tantum est homo, sed Deus, cui nomen cultusque divinitatis ascribitur. Nec est recens vel recenter Deus, quia æternus Deus et ab æterno Deus, nec ipse fecit se ipsum Deum, quia substantialiter est Deus. Ille enim facit se Deum, qui fingit se esse Deum, cum non sit. Nec est Deus alienus, qui vere est Deus; illi vero gentium alieni. illi dicuntur, quia falso illi nuncupantur.

CAPUT XV.

Quibus auctoritatibus probatur Christum esse Deum.
Christum autem esse Dcum, multæ probant au-



cleritatis. Ait enim Jeremias : *Hic est Deus noster, et non estimabitur aliis ante eum : hic adiumentum omnem viam discipline, et dedit illam Jacob pueru suo, et Israel dilecto suo; in terris visus est, et cum hominibus conversatus est (Baruch iii).* Item Michæas ait : *Et tu Bethlehem Ephratha, nequaquam minima est in millibus Iudeæ; ex te enim egredietur dux qui regat populum meum Israel, et egressus ejus ab initio a diebus æternitatis (Mich. v).* De eodem ait Amos : *Præparare, Israël, in occursum Domini Dei tui (Amos iv).* Et alibi de eodem Isaías ait : *Et vocabitur nomen ejus, admirabilis, consiliarius, Dux, fortis, pater futuri sæculi, princeps pacis (Isai. ix).* Et alibi : *Propter scelus quidem populi mei percussi sum (ibid.); non proptor suum, ac si dicat Pater : Permissi quidem Christum pati, non propter peccatum suum, sed propter populi dilectum, quia ut Isaías testatur : Ipse peccatum non fecit, nec inventus est dolus in ore ejus (ibid.; I Petr. ii).* Si ergo verum est quod B. Job testatur (83) : *Non est homo qui non peccet, nec insans cuius est vita unius diei super terram.* Si verum est quod David testatur : *Omnis homo menda (Psal. cxv); et alibi : Non justificabitur conspectus ejus, omnis homo vivens (Psal. cxxii); plus quam homo est, qui peccatum non fecit. Dictus est Christus Emmanuel, id est nobiscum Deus, hoc est, Deus manens in natura nostra.*

CAPUT XVI.

Quibus auctoritatibus munili dicunt Christum non esse conceptum de Virgine.

Conantur etiam prædicti asserere Christum non esse conceptum de Virgine. Ait enim auctoritas : *Naturæ, cœli, desuper, et nubes pluant justum, apertiar terra, et germinet Salvatorem (Isai. xlvi).* Quid per terram significatur, nisi Maria mater Christi? quæ est hujus terræ apertio, nisi Mariæ defloratio? In Ezechiele etiam legitur, *quod clausa porta aperietur principi (Ezech. xliv).* Quid per principem intelligitur, nisi Christus, filius Joseph? Et de ipso Christo, mater ejus ait : *Ego et pater tuus dolentes quereremus te (Luc. ii).* Præterea, quomodo potest aliqua concipere vel parere, nisi viro cognita? Ubi autem Christiani dicunt : *Eccœ virgo concipiet et pariet filium (Ibid. vii), textus Hebreus non habet virgō, sed potius abscondita, vel occulta.*

CAPUT XVII.

Solutio Christianorum ad prædicta.

His auctoritatibus respondendo dicimus, quod per apertione non intelligitur defloratio, vel libidinis stœditas, sed conceptionis secunditas : aperta fuisse dicitur quantum ad Christi ingressum, non aperta per virum, sed sicut fenestra vitrea dicitur aperiri radio solis, non per fracturam vel per divisionem aliquam, sed quia radius eam intrat secundum sui subtilitatem naturæ. Hoc modo, imo subtiliori, dicitur porta clausa aperta esse principi, quia Christus utorum Virginis, per virginitatem clausum,

(26) Job xiv, secundum versionem LXX. Vid. Cyprianum, serm. i contra Judeos, et S. Leonem, serm. 7 De nativitate.

A intravit ineffabili modo. Christus autem dicitur fuisse filius Joseph (*Luc. iii*), quantum ad hominem opinionem, et quantum ad educationem. Secundum quam acceptiōnem, filii qui alios nutrunt, eorum patres dicuntur. Verum est quod sine cognitione viri lege naturæ nulla potest concipere vel parere, sed in miraculis non est querenda lex naturæ. Illud autem quod Iudei negant scriptam esse in Isaia : *Ecce virgo concipiet et pariet, etc. Septuaginta interpres, viri fide et scientia approbati, ita interpretati sunt, et ita interpretari voluit ipse propheta, dicendo et scribendo, ecce, abscondita, dicunt, concipiet, et pariet filium; sed si communis sensu abscondita, id est domi reclusa intelligitur, et nihil aliud, quid mirum, quid novum, in eo excepti? et ejus mysterii signum esse voluit eum ait: Propter hoc dabit Dominus ipse vobis signum: Ecce abscondita concipiet, etc.* Hæc igitur nisi subtiliter intelligantur, puerili omnino sensu et inani dicta esse a propheta considerantur; quod quia credi et dici absurdum est, sensus est abscondita, id est ab amore virili et omni contagione peccati conservata, concipiet. In Syro etiam idiomate, quod affinitate est Hebraico, alma interpretatur virgo et ubi habemus virgo, in Hebreo habetur alma.

CAPUT XVIII.

Quibus auctoritatibus et rationibus probatur quod B. Virgo manens intacta, Christum concepit.

Quod autem gloria Virgo manens virgo concepit, et sine virili semine, multiplex insinuat auctoritas, et multiplex etiam ratio. In Ezechiele legitur : *Et dixit Dominus ad me: Porta hæc clausa erit, et non aperietur, et vir non intrabit per eam, quoniam Dominus solus ingressus est per eam, et erit clausa principi, princeps ipse sedebit in ea, ut comedat panem coram Domino, per viam vestibuli portæ ingreditur, et per viam ejus egredietur (Ezech. xliv).* Hoc, ad litteram nemo potest explere; nam Dominus Deus qui per prophetam loquitur, ait : *Cælum mihi sedes est, terra autem scabellum pedum meorum (Isai. lxvi).* Et alibi : *Cælum et terram ego implobo (Jer. xxiii).* Si, inquam, Dominus Deus Israel totus ubique est, unde ingressus est per portam illam, et quo ingressus est, si Deus incircumscripitus? Quomodo eum in porta sedere ad litteram accipi oportet? Quomodo clausa erit principi, si princeps ipse Dominus Deus Israel ingressus est per eam, et sedebit in ea, ut comedat panem coram Domino, quem panem, vel cuiusmodi panem? unde factum est, vel unde delatum est? Comedet Dominus Deus Israel, et coram Domino, quis est alius ipse Dominus, ut comedat coram eo panem Dominus Deus Israel? Quia ergo ad litteram hæc accipi non possunt, per portam, aliud intelligi oportet, ut omnia considerentur, et considerata fieri posse videantur. Dominus ergo Deus Israel ingressus est per portam illam, ad nos egressus exiit, quia Deus homo factus in utero Virginis ex carne Virginis

D accipi oportet? Quomodo clausa erit principi, si princeps ipse Dominus Deus Israel ingressus est per eam, et sedebit in ea, ut comedat panem coram Domino, quem panem, vel cuiusmodi panem? unde factum est, vel unde delatum est? Comedet Dominus Deus Israel, et coram Domino, quis est alius ipse Dominus, ut comedat coram eo panem Dominus Deus Israel? Quia ergo ad litteram hæc accipi non possunt, per portam, aliud intelligi oportet, ut omnia considerentur, et considerata fieri posse videantur. Dominus ergo Deus Israel ingressus est per portam illam, ad nos egressus exiit, quia Deus homo factus in utero Virginis ex carne Virginis

(non aliter ab originali peccato foret immunis) sicut in Psalmo dicitur : *Tanquam sponsus procedens de thalamo suo* (*Psal. xviii*), ad nos homo exiit, atque Jeremia testante : *In terra risus est, et cum hominibus conversatus est* (*Baruch. iii*). Porta haec erit clausa, quia viro clausa erit, nec vir transibit per eam ; clausa principi servabitur, ut per eam ingrediantur, quia Dominus Deus Israel ingressus est per eam : neque enim ante conceptionem et partum mater ejus viro cognita fuit, quoniam clausa porta erit, et vir non transibit per eam : neque post conceptionem et partum Christi, mater ejus viro cognita fuit, quoniam clausa erit, et clausa servabitur principi, quoniam et totum hoc Dominicæ incarnationis mysterium sola virtute divina, sine humano contagio peractum est. Quod dicit Isaías : *Rorate, cœli, desuper, et nubes pluant Justum* (*Isai. xlvi*). Rore, inquit, et nube colesti, hoc est sola creatione et operatione Dei, sicut paulo post subdit : *Ego Dominus creavi eum* (*Isai. xlvi*). Aperta est terra, id est uterus Virginis, et protulit Salvatorem. Princeps ipse sedebit in ea, quoniam in ea quoque humanitate quam Christus pro nobis assumpsit, omnia sibi subdita accepit. Item Isaías ait : *Generationem ejus quis enarrabit?* (*Psal. l.*) Si ea lege nascendi natus est Christus, qua aliis homo, cur generatio dicitur inenarrabilis ? Per hoc ergo quondam incenarrabilis dicitur, alius modus nascendi in Christo fuisse intelligitur, secundum quem ipse conceptus est sine virili semine, Spiritus sancti operatione ; et sic, mater Christo virgo permanens, Christum concepit. Item, si Christus conceptus est de virili semine, et seminibus patris et matris conceptus est, in pruritu libidinis conceptus est, et sic in peccato natus, quia omnis in concupiscentia natus, peccato est obnoxius. Unde David loquens in persona humani generis, ait : *Ecce enim in iniquitatibus conceptus sum, et in peccatis concepit me mater mea* (*Exod. xlvi*). Et in lege preceptum fuit, ut octava die puer circumcidetur, ut ab originali peccato liberaretur. Unde scriptum in lege : *Homo qui octava die circumcisus non fuerit, peribit de populo suo* (*Levit. xii*), subaudi, aeternaliiter. Et alia auctoritas dicit, quod infans unius diei non est sine peccato (*Job xiv* juxta LXX). Sed, si Christus sicut quilibet alius in iniquitatibus conceptus esset, et in peccatis mater eum peperisset, quid ab alio differret ? quomodo liber inter mortuus existaret, solus ? quomodo generatio ejus inenarrabilia diceretur ? Sed generationem ejus ideo obstupuit, et inenarrabilem dixit Isaías, quia neque in iniquitate mater eum concepit, neque in peccatis peperit ; et ideo inter mortuos liber solus existit (*Psal. lxxxvii*) : ergo, quia sine peccato conceptus est, sive virili semine conceptus est, et sic mater ejus eum sine peccato concepit, ergo cum virum in concipiendo non cognovit, in concipiando, virgo permanuit. Et ideo quia Christus fuit sine peccato, hominem potuit liberare a peccato. Et quia omnis

A homo obnoxius erat peccate originali et pro prævaricatione primi parentis alto Dei decreto, post mortem, anima descendebat ad inferos, opportunum erat, ut per Christum ab inferis liberaretur genus humanum, et per Christum in celum revertetur.

278 bis CAPUT XIX.

Quibus auctoritatibus probatur quod omnes ante Christi adventum ad inferos descendebant, et quod necessarium fuit ad reducendum genus humanum, ut Deus hominem assumeret, et sibi mortem subiiceret.

Quod autem omnes animæ ante Christi adventum, ad infernum descendebant, multiplex probat auctoritas. Ait Jacob : *Descendam ad inferos lugens filium meum* (*Gen. xxxvii*). Et alibi ad filios suos ait : *Deduceatis canos meos cum dolore ad inferos* (*Gen. xlii*). Unde B. Job, cui, Domino teste, non erat vir similis in terra (*Job ii*) : *Infernus domus mea est, et in tenebris strati lectulum meum* (*Job xviii*). Tamen, liberationis spe erectus, paulo post addidit : *Scio quod Redemptor meus vivit, et in novissimo de terra surrecturus sum, et in carne mea videbo Deum Salvatorem meum* (*Job xix*). Qui Redemptorem testatur, venundatum sive captivatum sese, et redemptum esse non insiciatur, audi et beatum David : *Deus redimet animam meam de manu inferi, cum acceperit me* (*Psal. xlviii*), et acceptam ab inferno animam, et redimendam dicit ad inferno. Unde et alibi exsultans, dicit : *Domine, eduxisti ab inferno animam meam, salvasti me a deponentibus in lacum* (*Psal. ix*). Cui dicit, eduxisti, sanasti me, nisi ei de quo in alio psalmo dicit : *Iter facite ei qui ascendit super occasum, Dominus nomen illi?* (*Psal. xcvi*) et quoniam solus super occasum ascendere noluit, audi quid subdiuitur : *Ascendisti in altum, cepisti captivitatem, dedisti dona hominibus* (*ibid.*). Ezechias queque moriturus ait : *Ego dixi : In dimidio diuinorum meorum vadam ad portas inferi* (*Isai. xxxviii*). Et postea subdit : *Tu autem eris animam meam ut non pererves* (*ibid.*). Haec, inquam, spes justorum erat tunc morientium. Nemo ergo in celum ascendebat, sed omnes qui tunc moriebantur descendebant ad infernum. Ne ergo homo in aeternum periret, restitui hominem oportebat ; restitui autem non poterat, nisi Deus hominem assumeret, necessitatem nostram subiret, contra adversarium causidicus noster existoret, et nostre actionis negotium agens in suadendo, justæ rationis judicio adversarium excutientem, causam nostram flairet. Restituendus itaque Deo erat homo, ac per hominem, qui Deo semetipsum abstulerat. Quis autem de communis massa restitueret, vix enim sibi justitia eujusque sufficit, quanto magis et proximo ? non est immunis a peccato infans cuius vita est unius diei super terram (*Job xiv*, juxta LXX). Quid si novus, vel aliunde natus homo, seu angelus factus homo, hominem liberaret, non sic ad pristinum ingenitæ dignitatis statum restitui posset, cum angelis homo par creatus esset, non natura, sed rationis, et concessa

libertatis gratia. Ergo quia soli Deo creatori obnoxius erat, ad eumdem libertatis statum, seu per hominem seu per angelum restitu non valebat. A quo enim quis a servitio redimitur, ei ad serviendum obnoxius esse judicatur. Quia ergo per alium plena hominis restitutio fieri non valebat, necesse fuit ut Creator creature subveniret, creaturam Creator subiret, ut per ipsum Creatorem homo restitutus, soli Creatori ad serviendum obnoxius esset, et hostis jurisdictionem supra humaanum genus amitteret. Nihil ergo in Christo suum hostis invenerat, qui neque in iniuriantibus conceptus erat, neque in peccatis partus fuerat, neque ullam prorsus peccati maculam vivendo contraxerat. Quia ergo presumptio fuit injusta, cum mors invasit eum in quo nihil reperit, et in quo nihil omnino juris habebat, jure amisit eam jurisdictionem, quam peccato primi parentis, in hominem primum, ejusque posteritatem obtinuerat. Mors itaque Christi, peccati originalis apud Patrem hostia et propitiatio fuit. Primo, quod humani generis plena et integra restitutio exstitit, reseratus est in ejus obitu paradisi aditus, remotus est ille gladius versatilis et flammeus, cum in crucis patibulo moriens, et affixus, ait ad latronem : *Hodie tecum eris in paradyso* (*Luc. xxiii*). Tunc quoque adunpletum est quod dictum est in Osea : *O mors, ero mors tua; morsus tuus ero, inferne* (*Ose. xiii*). Igitur illius restitutionis nostrae sacramentum in prophetis habebamus promissum, aliquando per rerum figuram, aliquando per verborum enigmata; aliquando evidenti et aperta promissione. Primis illis temporibus loquens Deus ad Abraham de hoc sacramento, ait : *In semine tuo benedicentur omnes gentes terrae* (*Gen. xxvi*). Quando nimirum universum genus humanum sub maledictione primi parentis oppressum, per eum ab illo maledicto absolvitur, et benedictioni atque gratiae priori restituitur : nam in Isaac gens benedicta non est ulla, nulla gens ditioni ejus subjecta fuisse legitur. In David vero et Salomonem, qui regibus terrae illius fortiores et potentiores extiterunt, quomodo gentes benedicentur, cum omnes circumquaque, praeter Judaicam, eis adversae, et contra eos semper dimicantes fuere? De successoribus eorum regno fugatis, captivatis, exhaeredatis, frustra mentio ulli haberetur. In Christo jam restat ut haec intelligentur, et intellecta omnibus modis adimpleantur. Aliibi etiam dicit auctoritas : « Qui eduxisti vincitos de lacu in quo non erat aqua. »

CAPUT XX.

Quibus auctoritatibus probatur quod Christus passus sit ad nos liberandum, et peccata nostra delendum.

Quod autem Christus passus sit ad nos liberandum, et peccata nostra delendum, multae asserunt auctoritates. Legitur enim in Psalmo : *Dominus regnabit a ligno* (*Psal. xcvi*). Hoc lignum vocatur crux Dominica, per quam Christus in nobis regna-

A vit per gratiam. Isaias etiam ait : *Et ascendet sicut virgultum coram eo, et sicut radix de terra sidenti, et non est ei neque decor, unde nec reputavimus eum: vere languores nostros ipse tuli, et dolores nostros ipse portavit; ipse enim vulneratus est propter delicta nostra, attritus est propter scelera nostra; disciplina pacis nostrae super eum, livore ejus sanati sumus omnes nos, sicut oves erravimus, unusquisque nostrum in viam suam declinavit, et Dominus posuit in eo iniuriam omnium nostrum; oblatus est quia ipse voluit, et non aperuit os suum. De angustia et de iudicio sublatus est. Generationem ejus quis enarrabit? propterea dabit impios pro sepultura, et divites pro morte sua, eo quod iniuriam non fecit, nec inventus est dolus in ore ejus, et voluntas ejus in manu Domini dirigetur* (*Isai. lxi*). Hoc totum ad Christum refertur. Ascendebat Christus tanquam virgultum, quando proficiebat aetate et sapientia auid Deum et homines (*Luc. ii*). Vere languores nostros ipse tulit, id est abstulit, et dolores nostros ipse portavit, id est asportavit. *Ipse enim vulneratus est propter delicta nostra, attritus est propter scelera nostra.* Et quoniam universa haec propria voluntate non coactus pertulit, idcirco adjectum : *Oblatus est quia ipse voluit, et non aperuit os suum. Hoc idem assumpta hominis esse videtur, cetera que sequuntur, hominem excedunt, et solius Dei sunt: De angustia et de iudicio sublatus est, quia mortuus, ab ipsa morte detineri non potuit, cuius generatio est inenarrabilis. Quomodo enim Deus consubstantiale Filium ex se gignat ante tempora, et semper, quis enarrabit? quomodo praedestinatis temporibus ex matre sine virili semine homo creatus sit, et eum Deus assumpserit in unitate personae, quis enarrabit? Propter scelus quidem non suum, sed populi mei, percussi eum. Quid enim sceleris admisit, qui peccatum non fecit, nec inventus est dolus in ore ejus?* Et in Psalmo legitur : *Federunt manus meas et pedes meos, dinumeraverunt omnia ossa mea* (*Psal. xxi*).

CAPUT XXI.

Quibus auctoritatibus probatur quod Christus vere resurrexit a mortuis, et ad caelos ascendiit.

De resurrectione etiam Christi multa a sacra Scriptura habemus testimonia. Ait Oseas : *Duobus diebus vivificabit nos, et post duos dies suscitabit nos* (*Ose. vi*). Quod apertius testimonium de passione et morte Christi, et resurrectione? Item in Psalmo introducit Filius loquens ad carnem suam : *Exsurge, gloria mea, exsurge, psalterium et cithara*, etc. (*Psal. lvi*). Gloriam suam vocat Christus humanam naturam suam, in qua glorificatus est, in qua gloriosa egit. Eamdem vocat psalterium, quantum ad carnis glorificationem, et ascensionem, quia psalterium resonat a superiori. Eamdem vocat citharam, propter passiones quas humana Christi natura sustinuit, quia cithara resonat ab interiori. Et in Psalmo ait Christus : *Quoniam non dabitis sanctum tuum videre corruptionem* (*Psal. xv*). Et alibi : *Et*

refloruit caro mea (Psal. xvii). De ejus ascensione legitur : *Ascendit in altum, captivam duxit captivitatem (Ephes. iv).* Hic insinuat, quod Christus ascendit in cœlum et duxit secum animas sanctorum, quæ prius captivæ tenebantur in inferno. De eadem Christi ascensione alibi legitur : *A summo cælo egressio ejus, et occursus ejus usque ad*

summum ejus (Psal. xviii). Et in dialogo Isaiae, ubi introducuntur angeli admirantes Christi ascensionem : *Quis est iste qui venit de Edom, tinctis vestibus de Bosra? (Isai. lxiii.)* Et in Psalmo : *Quis est iste Rex gloriæ? Dominus fortis et potens, Dominus potens in prælio (Psal. xxiii).* Hæc contra Judæorum errores dicta sufficient.

LIBER QUARTUS.

CONTRA PAGANOS SEU MAHOMETANOS.

278 ter CAPUT PRIMUM.

Quibus auctoritatibus et rationibus dicunt pagani, seu Mahometani, Christum conceptum fuisse de flatu Dei communi.

Nunc contra Mahometi, discipulos stylî vestigium vertamus. Cujus Mahometi monstruosa vita, monstruosior secta, monstruosissimus finis, in gestis ejus manifeste reperitur; qui maligno spiritu inspiratus, sectam abominabilem invenit, carnalibus voluptatibus consonam; et ideo, multi carnales ejus secta illecti, et per errorum varia principia dejecti, miserabiliter perierunt, et pereunt; quos communi, vulgo, vocabulo, Saracenos vel paganos nuncupant; qui cum Christianis, in hoc consonant, quod unum Deum, universorum creatorem affirman; in hoc tamen cum Judæis conveniunt, quod in divina unitate trinitatem abnegant. Ad quos confutandos, quæ contra Judæos de unitate et trinitate diximus, dicta sufficient. Illi non in omnibus Mosaicæ legi concordant, sed ad suum nutuim, ab utraque quædam excipiunt, quæ observanda esse asserunt; non ratione ducti, sed voluntate tracti. Illi asserunt Christum natum de Virgine, et Mariam Virginem permansisse, et Christum de Spiritu Dei, id est de flatu Dei conceptum fuisse. Spiritum autem Dei non intelligunt tertiam in trinitate personam, sed potius naturalem flatum, quem reperimus in homine, et in omni alio animante. Dicunt etiam Deum insufflasse in Beatam Virginem, et ita de illo flatu Virginem concepisse. Quod volunt auctoritate et ratione probare. Ait enim auctoritas : *Flabit Spiritus ejus, et fluent aquæ (Psal. cxlvii).* Spiritum istum dicunt naturalem Dei flatum. Et in Genesi legitur : *Inspiravit in faciem ejus spiraculum vitæ (Gen. ii).* Hoc sic intelligunt : Deus flatu suo inspiravit, vel insufflavit in corpus Adæ, et ita creatus est spiritus in Adam illo flatu divino. Et de eodem flatu intelligunt quod legitur in Evangelio : *Insufflavit Christus in discipulos suos, et ait: Accipite Spiritum sanctum (Joan. xx).* De eodem item intelligunt, quod dicit Gabriel ad Mariam : *Spiritus sanctus superveniet in te (Luc. i).* Et illud, quod Christus dicitur esse conceptus de Spiritu sancto,

Ex Virgine Maria. Ratione etiam idem volunt astruere : Virgo Maria per se (alio non mediante) Christum non genuit, nec de virili semine eum concepit, nec divina substantia; ergo de quodam medio inter rationalem creaturam et Deum; sed quid est illud medium supra hominem, et infra Deum, nisi flatus divinus, quo insufflata peperit virgo Maria. Si flatus materialis imprægnat terram, et facit eam germinare, quid mirum, si flatus divinus fecundavit Mariam?

CAPUT II.

Solutio Christianorum ad præmissa.

Ad hoc respondemus, quod illi qui hæc conantur asserere, indigent sensu et pœna, ideo enim materialis flatus non est, quia ipse in incorporeâ substantia est, nec habet instrumenta flandi ut fauces, etc. Si enim corporeus esset, variabilis esset nec in omni loco incircumscribibilis esset. Quod autem incorporeus sit, probatione non indiget, cum omnis ratio tam humana quam divina hoc irrefragabiliter affirmet. Flatus ergo Dei, sive Spiritus Dei, dicitur Spiritus sanctus, qui procedit a Patre et Filio, de quo dicitur in Genesi : *Spiritus Domini ferebatur super aquas (Gen. i),* et Christi spiritus ubi vult spirat (Rom. viii). Si Spiritus sanctus animi voluntas est, rationalis est et materialis flatus non est. Item Apostolus ait, quod *Spiritus (sanctus scilicet) postulat pro nobis gemitibus inenarrabilibus (ibid.).* Christus etiam ait : *Ite, prædicate evangelium omni creaturæ, baptizantes in nomine Patris, et Filiæ, et Spiritus sancti (Matth. xxviii).* Hic Spiritus Dei comparatur Patri et Filio, et ita est una in Trinitate persona. De hoc Spiritu dicitur : *Flabit spiritus ejus, et fluent aquæ (Psal. cxlvii).* Quando enim Spiritus sanctus per gratiam inspiratur peccatoribus, qui dicuntur aquæ per fluxum peccatorum, aquæ fluunt, id est peccatores convertuntur, fluunt per fluxum lacrymarum, per poenitentia lamentum. Quod autem dicitur Dominus inspirasse spiraculum vitæ in corpore Adæ, sic intelligendum est, spiritum hominis creando eum corpori hominis infudit. Per hoc autem Christus materialiter insufflavit in apostolos, signatum est, quod gratiam Spiritus

sancti infundebat in eos. Supervenit autem Spiritus sanctus in Virginem gloriosam, quia ei infudit suam gratiam. Eadem ratione, dicitur concepisse de Spiritu sancto, id est opere Spiritus sancti, non de substantia ipsius; ipsa enim virgo sola Dei auctoritate, de sua carne Christum concepit, sine alterius rei commissione. Nec alius intelligitur fatus, ut jam dictum est, materialis a Deo procedens, rationalem creaturam excedens; quia si alius materialis fatus procederet a Deo, aut esset ejusdem naturae cum Deo, aut non, si esset ejusdem naturae, ergo esset Deus, et ita de divina natura concepit Virgo, quod dictu et intellectu horribile est asserere. Si ille fatus non est divinae naturae, quæritur, cuius naturae sit? si incorporeae naturae est, et non divinae, angelus vel anima est, cum spiritus sit; et ita B. Virgo de angelo vel de anima concepit. Si corporalis est, non aliud quam aerem esse videtur, et ita absurdum est quod sequitur, ut dicamus B. Virginem ex aere concepisse. Quæritur etiam, utrum ex solo fato sit illa concepcion? Si ex solo fato factus est Christus, vel ipse fatus factus est homo, fuit ille fatus vel anima Christi, vel unitas animæ Christi: si fuit unitas animæ Christi, physicus fuisse videtur; corpus etiam quod Christus habuit, fuit de carne Virginis aut non? Si non fuit de carne Virginis, Filius Virginis non fuit. Unde ergo originem habuit? Si de Virgine habuit, fuit ille fatus unitus carni, ut ex illis duobus fieret conceptio, et illo fato animaretur caro, ad hoc ut Christus fieret homo.

Adhuc nobis objiciunt veritatis inimici, in hunc modum: quomodo Christus fuit Filius Dei, si non fuit conceptus de substantia divina, vel de fato Dei?

Ad hoc dicimus, quod Christus secundum humanam naturam, fuit Filius Virginis, secundum divinam, Filius Dei, ab æterna natus a Patre secundum divinitatem; in tempore de Virgine secundum humanitatem. Quod autem Christus fuit Deus et homo, supra, contra hereticos et Judæos probatum est diligenter, et ideo ad præsens his supersendum est. Non ergo secundum quod homo, Filius Dei, nisi per gratiam, secundum quod Deus, Filius Dei secundum naturam. Si enim de divina natura secundum quod homo conceptus fuissest, nullo modo variabilis esset, nec aliud in eo defectus fuissest.

CAPUT III.

Opinio paganorum, qui dicunt quod Christus fuit impassibilis et immortalis.

Prædicti pagani asserunt Christum immortalem, impassibilem fuisse, quia conceptus est de Dei fagine, et ideo dicunt, ipsum non fuisse passum, vel mortuum, nec a mortuis suscitatum; sed asserunt, loco sui alium hominem posuisse, cum Judæi veleant eum cruci affigere; quod ita nituntur asserere; si Christus de fato divino conceptus est, sicut fatus divinus incorruptibilis est, ita Christus

A impassibilis. Præterea, indecens esset Christum de fato divino conceptum, et sic quodam modo Dei Filium crucis subire patibulum.

CAPUT IV.

Solutio premissorum.

Ad hoc dicendum quod Christus, secundum quod Dei Filius est, nec passus, nec mortuus, nec suscitatus est, sed secundum infirmitatem humanæ naturæ, quam assumpsit de Virgine. Quia ipse si carnem assumpsit, aut passibilem habuit aut impassibilem? si impassibilem, unde eam assumpsit, cum omnis caro passibilis esset; si passibilem assumpsit, pati et mori potuit, et ex divinitatis virtute a mortuis resurgere. Sed caro Virginis passibilis erat, et ex illa passibili carnem assumpsit, et sic passibilis fuit. Quod autem Christus Dei Filius fuerit, et secundum hec immortalis; et Filius Virginis, et secundum hoc mortalibus, diligenter superius probatum est; et quod Christus passus, mortuus, suscitatus, superius variis prohavimus auctoritatibus; et sic Christus quod mortem subiit secundum carnis infirmitatem, non hoc reputavimus Christi miseriæ, sed dignationem, ex summa Dei misericordia et dignatione fuit, quod Christus carnem assumpsit: mortem subiit, non quod hoc meruissest, sed ut a morte nos per mortem redimeret. Si enim rex alius misertus servi sui jacentis in luto, lutum intraret, ut servum liberaret, non hoc ascriberetur miseriæ regis, sed dignationi.

CAPUT V.

Opinio paganorum, qui dicunt homines in æterna beatitudine cibo et potu materiali reficiendos esse.

Dicunt etiam prædicti pagani, in æterna beatitudine homines materiali cibo et potu reficiendos esse; quod auctoritatibus conantur probare; aiunt enim Deum Judæis, si bene agerent, promisso terram fluentem lacte et melle; sed hoc intelligi non potest de materiali terra premisionis, quia non manat lacte et melle, ergo referendum est ad paradisum, in quo beati reficiuntur lacte et melle. Et Christus promittens suis æternam refectionem, ait: *Ut edatis et bibatis supra mensam meam in regno Patris mei* (Luc. xxi). Christus etiam legitur post resurrectionem favum mellis comedisse, ut per hoc insinueretur, quod homines post resurrectionem reficiuntur melle.

CAPUT VI.

Solutio ad premissa.

Ad hoc dicendum, quod in æterna beatitudine, non erit materialis refection, sed spiritualis quia homines spiritualia corpora habebunt, non potu vel cibo indigentia. Quia, sicut attestante Christo, homines in paradyso neque nubent, neque nubentur, sed erunt sicut angeli Dei (Rom. xiv), materialibus alimentis non reficiuntur, sed erunt sicut angeli Dei, cibo et potu non indigentes. Et Apostolus ait, quod *esca et potus non sunt regnum cœlorum; caro et sanguis regnum Dei non possidebunt* (I Cor.

xvi), id est alimenta carnis et sanguinis, in regno Dei locum non habebunt.

Ad litteram etiam de terra promissionis intelligi potest, quod de terra manante lacte et melle dictum est; terra enim illa fertilissima est. Vel, per terram manantem lacte et melle, paradisus cœlestis intelligitur, qui manare lacte et melle dicitur, propter æternæ et internæ refectionis dulcedinem. Mensam etiam suam quæ erit in regno Patris sui, vocat Christus spiritualem beatorum refectionem. Quæ spiritualis refectione nihil aliud erit, quam divina fruitio. Unde in Psalmo : *De torrente voluptatis tuæ potabis eos* (*Psal. xxxv.*).

Quæ autem major insanias, quam asserere hæc esse beatorum præmia, esum mellis et potum lactis? Sustinuerunt martyres tot persecutions, ut ad has pervenirent refectiones? voluit Laurentius uriri, in craticula, ut ad hæc perveniret gaudia? Suspensus est Vincentius in aculeo, ut hoc frueretur cibo? Certe, si Deus datus esset suis materialia fercula, credo quod elegantiora daret eis cibaria. Christus autem post resurrectionem non ideo comedit, ut per hoc insinuaret resuscitatis necessaria esse cibaria, sed ut pèr hoc probaretur ejus resurrectio vera.

CAPUT VII.

Quod pagani asserunt, quod licitum est eis plures habere simul uxores.

Dicunt etiam prædicti licitum esse eis plures simul habere uxores. Quod nituntur probare auctoritate Patrum Veteris Testamenti, qui duas uxores habuisse leguntur, ut Jacob, David et alii multi. Qua enim ratione eis licitum fuit simul habere plures uxores, et non modernis? Sed hoc non asserunt nisi ut luxuriæ satisfaciant: tota enim vita eorum in fetore luxuriæ est. Itaque, sit.

CAPUT VIII.

Solutio prædictorum.

Ad hoc dicimus, quod una dicitur esse unius; unde et Dominus unam dedit Adæ uxorem, et non plures, quod etiam sacramento deservit; per hoc enim significatur, quod una est Sponsa Christi, id est Ecclesia. Unde et Lamech mortaliter peccavit, qui primus plures uxores habuit. In Veteri autem Testamento, licitum erat alicui plures habere uxores ad multiplicandum genus humananum, ad divinum cultum; tunc terram replebat fecunditas, nunc autem in Novo Testamento, cœlum debet replere castitas: *A tempore enim Joannis Baptiste, regnum celorum vim patitur, et violenti rapient illud* (*Math. xi.*). Hinc, ut ait Apostolus: *Quandiu vivit mulier, alligata est viro, ut non possit alii nubere; similiter vir mulieri, ut non possit aliam ducere* (*I Cor. vii.*); unde vir si plures habet, adulter est; et sicut una mulier non potest simul habere plures viros; sic unus vir nec plures mulieres simul. Item dicit Apostolus, quod *vir non habet potestatem sui corporis, sed mulier* (*ibid.*), et sic, vir, vivente uxore sua, non potest accedere ad aliam. Cum ergo prædicti

A pagani dicant Christum fuisse magnum prophetam, quomodo audent verbis ejus contradicere, qui dixit mulierem non esse derelinquendam nisi causa fornicationis; ipsi autem multis aliis de causis relinquunt uxores.

Sunt etiam quidam inter eos, qui dicunt mulierem relictam a marito, non debere ad eum regredi, donec alter cum ea conveniat, et sic prævaricatores legis et Evangelii facti sunt. In lege enim scriptum est ut *si quis uxorem suam qualibet ex causa dimiserit, et voluerit ad eam quandoque regredi, in ipsis fit arbitrio, si tamen alter eam non sedaverit; si alter eam tetigerit, ab illo in perpetuum prohibita est* (*Deut. xxiv.*). In Evangelio tamen licitum non est homini uxorem suam sine culpa fornicationis dimittere; et qui dimissam alterius in uxorem accepit, adulter et moechus judicatur (*Math. v.*). Item, si Christum tantum fuisse prophetam credunt, et de Virgine natum, et de flatu divino conceptum, cur non celebrant ejus conceptum, vel ortum?

278 quater CAPUT IX.

Opinio illorum, qui dicunt quod sola ablutio corporis per aquam sufficit ad remissionem peccati.

Affirmant etiam prædicti, solam corporis ablutionem per aquam factam, sufficere ad peccati remissionem; quod volunt multiplici auctoritate probare. Ait enim Ezechiel: *Effundam super vos aquam mundam, et mundabimini ab omnibus inquinamentis vestris* (*Ezech. xxxvi.*). Et Joannes fuit baptizans in aqua tantum (*Marc. i.*). Naaman etiam ablutus in Jordane, liberatus fuit a morbo lepræ (*IV Reg. v.*), per quod signatum est quod aliquis per solam aquam ablutionem liberatur a peccati sorde. Præfati pagani his auctoritatibus ducti, asserunt quodlibet mortale peccatum homini remitti per solam aquæ ablutionem, sine contritione vel confessione.

CAPUT X.

Responsio Christianorum.

Ad hoc dicimus quod sufficit discreto et adulto corporis ablutio, sine contritione et confessione; puero vero, non sine Trinitatis invocatione, sicut superius in tractatu contra hæreticos multipliciter probatum est: Ezechiel autem aquam illam vocat mundam, quod sanctificetur per verbum, juxta illud: *Accedit verbum ad elementum, et sit sacramentum*. Joannes autem non baptizavit in peccati remissionem, vel sanctificationem, sed in significacionem, nec peccata Joannis baptismō remittebantur. Ablutio vero aquæ qua Naaman purgatus est a lepra signat baptismum Christi, quo quis liberatur a culpa. Ablutio aquæ qua sit peccati remissio in baptismō, iterari non debet, quia significat passionem Christi et mortem, quæ iteranda non est, nec sacramento baptismi debet fieri injuria. Semel ergo valet aquæ ablutio, id est baptismus, puero vel adulto, iterata vero non prodest. Errant ergo pagani qui singulis ablutionibus corporum suorum

credunt sibi remitti peccatum mortale. Si enim hoc esse esset, videretur esse peccati incentivum. Iste etiam multa in lege veteri observant, et ita quodammodo judaizant, quia porcum non comedunt, plures uxores simul ducunt; sed superius contra Judæos diligenter probavimus, jam legem abolitam esse: et hoc Paulus multipliciter probat, et eum esse quasi idololatram, qui legem Moysi observat ad litteram; quia veniente veritate, debet umbra cessare, et veniente signato, ccesset figura. Christus etiam ostendit eam esse consummatam, et in se esse impletam, cum dixit: *Consummatum est* (Joan. xix).

CAPUT XI.

Opinio Judæorum et Saracenorum contra Christianos, quia Christiani habent imagines in ecclesiis.

Nobis etiam insultant pagani cum Judæis, quia habemus imagines in ecclesiis nostris, et sculptilia, in quo virilemur obviare præcepto divino, quod ait: *Non facies tibi sculptiles, nec omnem similitudinem quæ est in cœlo vel in terra, vel in aquis, vel sub terra* (Exod. xx; Deut. v). Et Prophet ait: *Confundantur omnes qui adorant sculptilia*, etc. (Psal. xcvi). Christiani autem effigiant Deum sublimi sedentem solio, manuque prorecta signantem, et circa eum magno dignitatis præstigio, aquilam, hominem, vitulum et leonem, has effigies exsculpant, fabricant et depingunt; unde possunt et ubi possunt, adorant et colunt.

CAPUT XII.

Solutio præmissorum.

Ad hoc dicimus, quod si lex Mosaica prohibuit nullo modo fieri sculptile, peccavit Moyses qui fecit imagines cherubim, et posuit in templo: in corona etiam aurea, quæ in terra Phœniciæ detenta est, ut aiunt Hebrei, sculptæ erant imagines regum. A simili videtur, quod possunt depingi imagines sanctorum, et imago Christi, ut homines per ea quæ vident ad invisibilia invitentur, et per signantia, significata venerentur; quia, sicut scriptæ litteræ sunt clericorum, ita picturæ laicorum. Legimus etiam in Isaia, Isaiam Dominum sedentem vidisse super solium excelsum, et seraphim stabant super illud (Isai. vi). Si Isaías quod vidit imaginaria vel materiali visione, vel corporali, voluit representare, non videtur absurdum esse, ut redigeret in picturam, quod redegerat in scripturam.

Similiter, legitur Ezechiel (cap. i) vidisse similitudines quatuor animalium, scilicet, hominis, leonis, vituli, et aquilæ: quod ergo legitur Ezechiel vidisse et scripsisse, non potest Christianus ad memoriam pingere? Competenter ergo mandatum legis accipiendo est, imo sicut ipse legislator declaravit, intelligendum est: *Non, inquit, facies sculptile, et causam demonstrat, non adorabis ea neque coles.* Exclusa igitur perfidi cultus idololatria, facta sunt ab eis, et fieri possunt a nobis sculptilia. Cælaturas facimus et sculpturas, sed divino cultu nec adoramus, nec colimus eas, nec ipsam crucem sacram dicimus quod in se, vel ex se habeat virtu-

A tem, sed postquam benedictione pontificali sanctificatur in memoriam Dominicæ passionis, jam crucem, non divino, sed debito venerationis cultu attollimus et colimus. Alio enim modo homo adorat Deum, quam crucem. Deum adorat propter ipsius divinitatem; crucem veneratur, propter passionem Crucifixi. Ut ergo paucis ac breviter includam verbis, nullam omnino Christianus divino cultu rei alicujus adorat effigiem; debito tamen honoris cultu sacras sanctorum adorat effigies et picturas. In hoc etiam nobis insultant, quod dicunt nos plures facere deos, quia plures adoramus sanctos, ut, Petrum et Paulum, etc., nulla enim debetur adoratio, nisi Deo; qui enim cultum divinum creaturæ attribuit, idololatra est. Ad illud dicendum, quod illam speciem adorationis quæ debetur Deo, et Græce, dicitur *latraria*, Christianus non exhibet creaturæ, sed eam quæ Græce dicitur *dulia*, quæ debetur homini et angelo. Illa quæ debetur Deo consistit in dilectione, oratione, glorificatione, oblatione, ut Deum diligit homo super omnia, offerat ei, tanquam Creatori, se et sua, hunc cultum nemo exhibet creaturæ. Sed homo tenetur diligere proximum tanquam se, ei exhibere reverentiam, aliquando ut majori, aliquando ut pari, benignitatem, aliquando ut minori. Non ergo plures deos constituimus, sed unum Deum divino cultu adoramus.

CAPUT XIII.

Opinio paganorum, quod neminem debent salutare, nisi fuerit ejusdem sectæ cum eis.

Illi etiam de quibus sermo præcessit, dicunt nullum salutandum esse, nisi fuerit ejusdem sectæ cum eis. Dicunt enim, quod cum eis non debeant habere participium salutationis, cum quibus non sunt habituri communionem salutis: Si enim excommunicatis non est offerenda salutatio, multo minus illis, cum quibus nulla habetur communictatio.

CAPUT XIV.

Refellitur præmissa opinio.

Sed ipsi sibi contrarii sunt; dicunt enim sibi licitum esse alterius legis uxorem ducere, quod et antiqui Patres fecisse leguntur, ut David, qui gentilem duxit uxorem, matrem videlicet Absalonis, et Salomon, filium regis Ægypti. Si enim eis licitum est uxores ducere alienigenas, multo magis licitum est salutare, vel pro eis orare. Iste colunt culicem, et deglutiunt camelum. In multis etiam aliis sibi sunt contrarii. Quædam enim ex veteri lege suscipiunt, quædam excipiunt: similiter, ex Evangelio, et sibi multipliciter contrarii sunt. Hæ sunt vulpecula Samsonis, quæ in caudis fuerunt conjunctæ, in facie disjunctæ et divisæ. Illi enim dicunt Christum tantæ fuisse dignitatis et sanctitatis, ac Mahometum, vel etiam majoris, quandoquidem dicant Christum non fuisse mortuum, Mahometum autem asserant defunctum, et etiam manifestum est Mahometum fuisse mortuum, et a canibus decoloratum.

Si Christus non est mortuus, ubi dicent eum A esse, in celo, vel in terra? In terra manifestum est eum non esse; relinquitur ergo, quod in celo. Sed quando ascendit in cœlum, cum passus, vel mortuus, vel suscitus, secundum eos, non sit?

Quæritur etiam ab eis, utrum Christus judicatus sit mundum? Nonne legitur in libro Danielis (cap. vii), quod libri conscientiarum aperientur in die judicii, et vetustissimus dierum sedebit, et singulos judicabit? Hæc autem innuit in via, ut hoc judicium consequeretur in patria.

Dicant etiam, opinio sua quibus notetur miraculis? Apud eos sunt miracula per antiphrasim. Relinquitur ergo falsam esse eorum opinionem, quæ non munitur ratione vel auctoritate.

Explicit quadripartita Magistri Alani editio contra hæreticos, Waldenses, Judæos et paganos.

Inferius habebatur:

Fideliter extractum ex manuscrito in Bibliotheca Cisterciensi asservato. xviii Martii 1655.

Franciscus du CHEMIN prior Cisterci,

ALANI AB INSULIS

LIBER

DE PLANCTU NATURÆ.

AD LECTOREM.

279 Liber hic, tam in exemplaribus mes. quam aliorum auctorum citationibus, diversas sortitur inscriptiones. Noanquam enim, ut in exemplari abbatis Cysoniensis, vocatur, *Enchiridion de naturis rerum*. Alias, ut, in exemplari cœnobii Sancti Bertini, *Liber De conquestione naturæ*. Frequentius tamen inscribitur, *Liber de planctu naturæ*, quia nimur auctor in principio operis introducit naturam plangentem humani generis depravationem, sedunque vitiorum dominium; maxime autem, infandi Sodomiae seeleris, in quod, præ ceteris vitiis, invehitur, in tantum ut diversi Auctores, integrò libro epigraphem affigan: i *Tractatus contra Sodomiam ritum*; quanquam alia quoque vita plurima acerjime carpat, congruaque præscribat media, quibus singula expugnari debeant. Porro, opus est, ut verbis utar doctoris eximii, Roberti Holkoth in cap. 10 libri Sapientæ, lect. 118, tit. A. scientificum et curiose compositum, eoque titulo, gravissimis quibuscumque auctoriibus familiare; ut ex eorum scriptis patet. Adeo, ut etiam celebris ille polygraphus Leo Allatius, eloquentissimus professor, illud doctissimum suis *illustrationibus* dignum repaverit, prout ipsem testatus est, libro **280** *De apibus Urbanis, seu De viris illustribus*, eorumque scriptis, qui, anno 1630 et duobus sequentibus, Romæ fuerunt; quem librum, anno 1633, ibidem publicavit, et Urbanus octavo pontifici dedicavit.

In hoc, inquam, recensitis a seipso elaboratis varijs lucubrationibus, subjunxit: *Nunc illustrat, scilicet Allatius, librum beati Alani, De complancitu naturæ*. Verum, ut Roma nuper litteris me monuit Romanus Ferdinandus Ughellus, ordinis nostri Cisterciensis clarissimus abbas, intempestive viro superveniens mors, opus imperfectum suppressit, librumque hunc, non sine rei litterariz, adeoque et boni communis injuria, preli beneficio privavit: quod eidem nunc tandem ipsem procuravi, usus duobus ms. exemplaribus, quorum primum mihi subministravit instructissima bibliotheca abbatis Parcensis juxta Lovanium, sed valde mutatum, principio et fine truncatum; secundum humanissime submisit Reverendus adm. dominus, Hugo Beckmans, abbatis Cysoniensis, ordinis canonorum regularium archimandrita dignissimus. Quod cum omnino integrum et perfectum esset, ac insuper vetustate sua plurimum commendabile, illud hic fere secutus fui, adnotando tamen, hinc inde, lectionis varietatem, ubi sensus utramque admisit.

Carolinus DE VISCH,
prior Dunnensis,

Conclusio hujus operis

Erubescant ergo hæretici de falso errore, Waldenses de excogitato dogmate, Judæi de legis Moysæ observatione, pagani de abominabili errore. Convertantur hæretici ad catholicam unitatem, abrenuntiantes pravis dogmatibus; Waldenses pravis persuasionibus, Judæi observantiis carnalibus, pagani superstitionis opinionibus, ut sic ad veram unitatem perveniant, et a vera unitate fidei, ad veram æternæ beatitudinis unitatem ascendant. Quod nobis præstare dignetur Jesus Christus Dominus noster, qui cum Patre et Spiritu sancto vivit et regnat unus Deus, per omnia sæcula sæculorum. Amen,